

সিঁথারা

(পৌরাণিক নাটক)



সাহিত্যরত্নোপাধিক

শ্রীবিনয়কৃষ্ণ মুখোপাধ্যায় প্রণীত ।

কলিকাতার সুপ্রসিদ্ধ

“বাসন্তী অপেরা কর্তৃক অভিনীত ।”

— ডায়মণ্ড লাইটব্রী —

১০৫ নং অর্পান চিংপুর রোড, কলিকাতা ।

শ্রীকানাইলাল শীল কর্তৃক
প্রকাশিত ।



সন ১৩৫৬ সাল ।



হুগলি জেলা দিগসুই গ্রাম নিবাসী

স্বদেশসেবী বঙ্গমাতার স্মসন্তান

ডাক্তার শ্রীযুক্ত দীনবন্ধু ঘোষ বি-এস-সি, এম-বি,

মহাশয়ের কলকাতনে

ভেবেছিলুম আপনি সাধারণ মানুষ, কিন্তু দেখলুম আপনার কর্ম
সতাই আপনাকে দেবতার আসনে বসিয়েছে ; সতাই আপনার পিতা-
মাতার প্রদত্ত “দীনবন্ধু” নাম সার্থক হয়েছে । এই স্বার্থময় সংসারে
যে নিঃস্বার্থের একটুখানিও চিহ্ন থাকতে পারে, তা আমি কল্পনায়
আনতে পারি নি । মানুষ এতখানি যে উদার উন্নত হয়, আজ আমি
তাই প্রথম দেখলুম । আপনার মহত্বের ধারণা আমি জীবনে পরিশোধ
করতে পারবো না । তবে তার কিঞ্চিৎ পরিশোধস্বরূপ আপনার হাতে
তুলে দিলুম আমার সাধনালব্ধ বাণীর দান এই “ত্রিধারা” নাটকখানি,
ক্ষুদ্র হ’লেও মহতের কাছে তাহা যে বৃহৎ, এ-কথা মহত্বই স্বীকার
করবেন । ইতি—

চিরকৃতজ্ঞ

শ্রীবিনয়কৃষ্ণ মুখোপাধ্যায়

সাহিত্যরত্ন ।

ভূমিকা



“সত্ত্বঃ পাতকসংহন্ত্রী সত্ত্বোহুঃখবিনাশিনী ।

সুখদা মোক্ষদা গঙ্গা গঙ্গৈব পরমাগতিঃ ॥”

গঙ্গাদেবীর জন্ম ও ভগীরথের মর্ত্যধামে গঙ্গাদেবীকে আনয়ন, এই পুণ্যকাহিনী হিন্দু নর-নারীর অবিদিত নাই। আজিও সেই অতীতেও গৌরবময়ী কাহিনী সকলের চক্ষেও উপরে জীবন্ত হইয়া নৃত্য করিতেছে। হিমালয় অচল-উদ্ভূতা সাগরগামিনী ভাগীরথার অবিরাম কুলু-কুলু-ধ্বনি আজিও সেই দিলীপনন্দন ভগীরথের শিরে আশিস্ বর্ষণ করিতেছে। মর্ত্যের মহিমময়ী সাকাণা দেবী হিন্দু চিবারাধ্যা সুরধ্বনী মাতার লীলা-মাহাত্ম্য নাট্যকাকারে সাধারণের দৃষ্টিগোচর করার প্রকৃত শক্তি আমার নাই ; তবে তার কথক্ৰিৎ হইলেও আমার লেখনী ধন্য হইবে এবং আমিও ধন্য হইব। দিনের পর দিন চলিয়া যাইবে, তবুও এই ভারতের প্রামাণিত বক্ষ হইতে গঙ্গাদেবী অস্তিত্বিতা হইবে না।

এই “ত্রিশাক্ষা” নাটকখানির নামকরণ করিয়াছেন আমার বন্ধুবর শ্রীযুক্ত সূর্য্যকুমার শীল মহাশয়। “ত্রিশাক্ষা” নামটা খুবই সুমধুর এবং নাটকের ষপার্থই নামকরণ হইয়াছে। তাঁহার *প্রদত্ত নাম আমার রচিত অনেক নাটকেই ; তজ্জন্ত আমি তাঁহার নিকট চিরকৃতজ্ঞ রহিলাম।
ইতি—

প্রমুখকার

কুশীলবগণ ।

—পুরুষ—

নারায়ণ, ইন্দ্র, মহাদেব, ধর্ম ।

| | | | | |
|----------|-----|-----|-----|------------------|
| সগর | ... | ... | ... | অযোধ্যাপতি । |
| অসমঞ্জা | ... | ... | ... | ঐ পুত্র । |
| অংশুমান | ... | ... | ... | ঐ পৌত্র । |
| ভগীরথ | ... | ... | ... | দিলীপনন্দন । |
| মার্বাধর | ... | ... | ... | চন্দ্রবেণী পাপ । |
| বিছাধর | ... | ... | ... | ঐ সহস্র । |

বৈরাগ্য, বিবেক, প্রহরী, মার্বাশক্তিগণ, বৈকুণ্ঠবালকগণ,
পাপ-অমুচবগণ ইত্যাদি ।

—স্ত্রী—

গন্ধা, শচী, বসুন্ধরা ।

| | | | | |
|--------|-----|-----|-----|------------------|
| সুমতি | ... | ... | ... | অযোধ্যার রানী । |
| অনিলা | ... | ... | ... | অসমঞ্জার পত্নী । |
| সুকৃতি | ... | ... | ... | ব্রাহ্মণকন্যা । |

অচলা, মার্বা, অম্বরগণ, মার্বাবিনীগণ, বনবালাগণ,
বৈকুণ্ঠ-বালিকাগণ ইত্যাদি ।



শ্রীকানাইলাল শীল প্রণীত দেশাত্মবোধক প্রাণস্পর্শী নূতন নাটক

দেশের দাবী

[সুপ্রসিদ্ধ রঞ্জন অপেরায় প্রশংসার সহিত অভিনীত হইতেছে ।]

অত্যাচারী ধনিক ও শাসকের শাসন ও শোষণের চাপে নিরীহ শাস্তি-প্রিয় প্রজাগণের মাথার উপর দিয়া যে প্রলয়ের ঝঞ্ঝা বহিয়া গিয়াছে, তাহারই মর্ম্মস্তুদ অভিব্যক্তি এই “দেশের দাবী”। দেশে জেগে উঠলো গণ-আন্দোলন—তারা বুঝতে শিখলে নিজেদের ভাল-মন্দ—অত্যাচারের বিরুদ্ধে বুক ফুলিয়ে দাঁড়ালো দেশের দাবী নিয়ে। ঘটনার ঘাত-প্রতিঘাতে, হাসি-কান্নার সংমিশ্রণে দেশাত্মবোধের জীবন্ত চিত্র প্রত্যক্ষ করুন। মূল্য ২২ টাকা।

শ্রীকানাইলাল শীল প্রণীত নূতন ঐতিহাসিক নাটক

চাষার মেয়ে

[সুপ্রসিদ্ধ বাসন্তী অপেরার গৌরবময় অভিনয় ।]

মহারাণা সংগ্রামসিংহের কুহকজালে জড়িতা চাষার মেয়ের মর্ম্মস্তুদ কাহিনী। রাঠোর-রাজকুমার কর্তৃক মেবার-রাজকুমারী রত্নমালা হরণ, রাঠোর ও মেবারে দারুণ সংঘর্ষ, কৃষক চক্রবর্তীর প্রতিহিংসা ও স্নেহের দ্বন্দ্ব, গৃহবিভাড়া সর্বিতার নির্যাতন, ভীলগৃহে আশ্রয়প্রাপ্তি, বাদলের অমানুষিক কার্যকলাপ, বীরবাহুয়ের অপূর্ণ মহত্ব ইত্যাদি। মূল্য ২২ টাকা।

শ্রীযুক্ত কানাইলাল শীল প্রণীত (নূতন পৌরাণিক নাটক)

অমরাবতী

[নিউ গণেশ-অপেরা কর্তৃক সুখ্যাতির সহিত অভিনীত হইতেছে]

বৃত্রাসুর কর্তৃক দধীচিকণ্ডা কল্যাণী হরণ, দধীচির নির্যাতন, শনির চক্রাস্তে রুদ্রপীড়ের নির্কাসন—পোলমীর প্রতি ঐন্দ্রিলার প্রতিহিংসা সাধন—ইন্দ্রের সহিত বৃত্রাসুরের ভীষণ যুদ্ধ—বিশ্বকর্মা কর্তৃক দধীচির বক্ষাস্থিতে বজ্রনির্মাণ ও বৃত্রাসুরের নিধন প্রভৃতি বহু রোমাঞ্চকর ঘটনায় পূর্ণ। মূল্য ২২ টাকা।

শ্রীকানাইলাল শীল প্রণীত ধর্ম্মমূলক ঐতিহাসিক নাটক

মুক্তির মন্ত্র

বাসন্তী অপেরায় সুখ্যাতির সহিত অভিনীত হইতেছে। মূল্য ২২ টাকা।

ত্রিধারা



সূচনাক্ষ ।

দেবসভা ।

অমরধাম ।

লক্ষ্মী-নারায়ণ সিংহাসনে উপবিষ্ট, ব্রহ্মা, ইন্দ্র, মহাদেব ও
দেব-দেবীগণ সকলে সভায় উপস্থিত ছিলেন ; দুইজন
দেবদাসী লক্ষ্মী-নারায়ণকে ব্যজন করিতেছিল ।
দেবীগণ লক্ষ্মী-নারায়ণের আরাতি করিলেন,
তৎপরে দেব-দেবীগণ গাহিতে লাগিলেন ।

দেব-দেবীগণ ।—

গীত ।

আজি উৎসবময়ী অমরার ভূমি উৎসবে তনু ভরা ।

- নাহিক দুঃখ নাহিক দৈন্ত্য নাহিক অশ্রুধারা ।

নিহত দানব অমর-সমরে, বাজিছে শঙ্খ প্রতি ঘরে ঘরে,

বিজয়লক্ষ্মী আগত অদূরে দাও মঙ্গল ছড়া ।

সকলে । জয় দেবতার জয় ! জয় লক্ষ্মী-নারায়ণের জয় !

ব্রহ্মা । সমাগত দেবগণ ! দানববিজয়ের জয় আজ এই মহতী
সভার অধিবেশন—উৎসব-আনন্দ । সকলের আনন্দ বর্ধন কর্তে রম্ভা !
তিলোত্তমা ! তোমাদের নৃত্যকলার পরিচয় দাও ।

[রস্তা ও তিলোত্তমার নৃত্য]

দেবগণ । [নৃত্যশেষে] ধন্য ! ধন্য !

ব্রহ্মা । এইবার বিছাদায়িনী বীণাপাণির নৃত্য-গীত দেবগণের বাঞ্ছনীয় ।

সরস্বতী ।—

গীত—[নৃত্যসহ] ।

আজি অমরশোভিত এ চারু সভাতে

কি আর গাহিব গান ।

বিশ্ববন্দিত দেবের চরণে কোটী কোটী করি প্রণাম দান ।

কণ্ঠে ওঠে না সুর, হিয়া কাঁপে দূর-দূর,

তান লয় মান হয় আজি চুর, কেমনে তুষিব প্রাণ ।

সকলে । ধন্য ! ধন্য !

ব্রহ্মা । এইবার দেবাদিদেব শূলপাণির অপূর্ণ সঙ্গীতে দেবসভা আনন্দময় হ'য়ে উঠুক ।

মহাদেব ।—

গীত ।

ওঁ ! ওঁ ! ওঁ !

বম্ ববম্ বম্ ! ওঁ ! ওঁ ! ওঁ !

ব্রহ্মা । শান্ত হও ! শান্ত হও ভোলানাথ ! বন্ধ কর তোমার বিশ্ব-বিমোহিত রাগ-রাগিণী ! তোমার ওই বিশ্বস্তম্বিত সঙ্গীত শ্রবণে শ্রীভগবান যে দ্রবীভূত হ'য়ে পড়েছেন । ওই দেখ—ওই দেখ দেবগণ ! নারায়ণের শ্রীপাদপদ্ম হ'তে বারিধারা নির্গত হ'চ্ছে ।

মহাদেব । ওই পুণ্যময়ী বারি সযত্নে কমণ্ডলুমধ্যে রক্ষা কর পদ্মঘোণী !

[নারায়ণের পদতলে ব্রহ্মা কমণ্ডলু পাতিলেন, নারায়ণের
দেহনির্গত ঘর্ষ উহাতে পতিত হইল ।]

নারায়ণ । সত্যই তো, আমি মহাদেবেব সঙ্গীতমূর্ছনার দ্রবীভূত
হয়েছিলুম !

ব্রহ্মা । অপূর্ব তোমার লীলা লীগাময় ! জানি না, এ আবার তোমার
কোন লীলার অবতারণা ! তোমার শ্রীপাদপদ্ম-উদ্ভূত বারিধারা আমি সযত্নে
আমার কমণ্ডলু মধ্যে রক্ষা করেছি । জানি না, সৃষ্টির কোন্ মহিমা বিকাশের
জন্ম এই পুণ্যময়ী বারির জন্ম !

নারায়ণ । শোন ধাতা ! ওই বারি একদিন ত্রিলোকমাঝারে পতিত-
পাবনী সুরধুনী নামে পরিচিত হবে । পাপী-তাপীর মুক্তিবিধান করতে
ওই মুক্তিদায়িনী বারির সৃষ্টি হ'লো । যুগান্তরে ওই বারিধারা ত্রিধারার
ত্রিদিববক্ষে প্রবাহিতা হবে ।

ব্রহ্মা । সে কি দেব ?

নারায়ণ । শোন চতুরানন ! সূর্য্যবংশ-কুলোদ্ভব মহামতি দিলীপপুত্র
ভগীরথ কঠোর সাধনাবলে এই ব্রহ্মকমণ্ডলুবাসিনী সুরধুনীকে সঞ্জীবিত
ক'রে সৃষ্টির বৃকে তার মহিমা বিকাশ করবে । স্বর্গে অলকানন্দা—মর্ত্য-
ধামে পতিতপাবনী গঙ্গা—রসাতলে ভোগবতী নাম ধারণ ক'রে তরঙ্গে
তরঙ্গে চির-অমরভাবে মহিমা বিকাশ করবে ।

সকলে । জয় পতিতপাবনী সুরধুনী মাতার জয় !

নারায়ণ । ষাও সৃষ্টিপতি ! এখন ওই সস্তাপহারিনী বারিধারা তোমার
ব্রহ্মলোকে রেখে দাও গে ।

ব্রহ্মা । চল মা ব্রহ্মলোকে পতিতপাবনী মুক্তিদায়িনী মা আমার !
জানি না মা, কবে তুমি জগতের পাপরাশি বিধৌত করতে ত্রিধারার

প্রবাহিতা হবে ! দেবগণ ! দেবীগণ ! চল, মুক্তিদায়িনী মাকে মঙ্গলা-
চরণের দ্বারা ব্রহ্মলোকে নিয়ে যাই ।

সকলে ।—

গীত ।

চলো মুক্তিদায়িনী মা !
জীবের মুক্তিবিধায়িনী তুমি পতিতপাবনী মা ।
ব্রহ্মকমণ্ডলুমাঝে, থাক মা দেবীর সাজে,
যুগ অস্ত্রে বহিও জননী ঘূচাতে বিশ্ব-কালিমা,
বিকশিতে তব মহিমা ।

[কমণ্ডলু মস্তকে স্থাপন করতঃ অগ্রে ব্রহ্মা ও তৎপশ্চাৎ
দেব-দেবীগণের গাহিতে গাহিতে প্রস্থান ।]

প্রথম অঙ্ক ।

প্রথম দৃশ্য ।

কুঞ্জ ।

গীতকণ্ঠে বৈরাগ্যের আবির্ভাব ।

বৈরাগ্য ।—

গীত ।

ভ্রামত মরুর বুক হ'তে এসো স্নিগ্ধ শীতল নন্দনে ।
কেন মত্ত নেশায় বিফল আশায় সংসার-কারাবন্ধনে ।
হারায়ো না পপ ওরে পথহারা,
ওই চেয়ে দেখে ছলে শুকভারা,
কণ্টকপথে চলিও না আর ডাকিও না আর ক্রন্দনে ।

[অন্তর্দ্বান ।

অসমঞ্জার প্রবেশ ।

অসমঞ্জা ।

দূরে ওই কালো নিশা ধীরে ধীরে
নেমে আসে আশার রচিত এই
মানবের সংসার-কাননে ।
ওই ঘন দ্বিগন্তের বুক হ'তে
ছুটে আসে ঘন কৃষ্ণ মেঘমালা
সাথে ল'য়ে ঘূর্ণিবাযু পলকে করিতে নাশ
মানবের কুসুমিত জীবন-বিটপী ।

ওই এক এলোকেশী সুভীষণা নারী
করে ধরি রক্তময় সংহার-ত্রিশূল
অটুহাস্তে ছুটে আসে
মানবের নাশিতে সম্পদ ।
না—না, একি স্বপ্ন মোর ! [উপবেশন]

গীতকণ্ঠে নর্তকীগণের প্রবেশ ।

নর্তকীগণ ।—

গীত ।

হৃদয় দুয়ারখানি কেন হে রুদ্ধ,
ফিরে কি যাবো মোরা কাঁদিয়া ।
আশায় নিরাশা কেন কর হে প্রিয়তম,
নিঠুর কেন গো হও দেখ হে চাহিয়া ॥
উছল যৌবন রাখিতে নারি আর,
খোল হে খোল সখা হৃদয়দুয়ার,
কোকিলের কুহুতানে, মদনের বাণে বাণে,
মরি গো ওহে প্রিয় দহিয়া দহিয়া ।

অসমঞ্জা ।
যাও—যাও ! ক'রো না বিরক্ত আর,
ঢালিও না লক্ষ্যপথে তীব্র হলাহল ।
সুললিত সঙ্গীতঝঙ্কারে
বিলোল কটাক্ষ হানি উদ্বেলিত
ক'রো না আমারে ; যাও—যাও !

[নর্তকীগণের প্রস্থান ।

কেবা আমি, কি কারণ এসেছি ধরায় ?
কোথা মোর কণ্ঠের আগার ?

অপূর্ব সংসার ! চতুর্দিকে
 হেরি শুধু স্বার্থের অর্চনা ।
 পিতা মাতা ভাই ভগ্নী আশ্রয় স্বজন,
 পুত্র কন্যা প্রিয়তমা হৃদয়সঙ্গিনী
 সকলেই স্বার্থের প্রয়াসী ।
 সুন্দর নিয়মতন্ত্রে বিধির সৃজিত
 এই বিশাল ব্রহ্মাণ্ড ।
 জীবের জ্ঞানের আধি
 অন্ধ করি রেখেছ দয়াল, সাজাইয়া
 থরে থরে অভিনব মায়ার সস্তার ;
 মুগ্ধ ভোলা জ্ঞানহারা জীব
 তোমার চলনাজালে হইয়া জড়িত ।
 কৰ্ম্মময় জীবনের মহান্ উদ্দেশ্য
 ব্যর্থ যজ্ঞে দানিয়া আহুতি
 কাঁদে জীব আর্তকণ্ঠে সংসার-কারার,
 তারপর অলসে চলিয়া পড়ে
 কালের তন্দ্রায় । সকলি ফুরায়.
 তবু হার, নাহি করে সত্যের সন্ধান ।

[প্রস্থানোত্ত]

অনিলার প্রবেশ ।

অনিলা । কোথায় বাচ্ছ প্রিয়তম ?

অসমঞ্জা । কে—অনিলা ? যাচ্ছি অনন্ত লক্ষ্যের উদ্দেশে—অকুরন্ত

শান্তির সন্ধানে—সংসার-জ্বালার অন্তরালে ।

অনিলা । বাঃ ! কেন তোমার এ ত্যাগের আকাঙ্ক্ষা ? বেশ তো তোমার অশান্তির হাত এড়িয়ে শান্তির পথে যাবার অভিযান ! বেশ তো তোমার কর্তব্যের সেবা !

অসমজ্ঞা । অনিলা ! তুমি জান না সতী, এই সংসার কত ভীষণ—কত জ্বালাময়—কত অশান্তির কেন্দ্রভূমি ! চেয়ে দেখ প্রিয়ে ! জীবের দৈনন্দিন কর্মকাণ্ডের দিকে ; দেখছো, অনলের কি ভীষণ অগ্নি-উদ্গীরণ—প্রাবনের কি হুহুকার—অনিত্যের কি বিকট ব্যাদান ! যে কর্তব্যের ক্ষিপ্ত আঘাতনে সুদীর্ঘ জঠর-নরকযন্ত্রণা হ'তে এত কর্মক্ষেত্রে আগমন, কিন্তু কই অনিলা, কোথায় সেই কর্তব্যের সাধনা ? বাতাসের মেঘস্পর্শে, ধরণীর ধূলিকণায় রবিকর তাপে তাপিত হ'রে জীবের কি ব্যর্থ আত্মদান !

অনিলা । সবই জানি, কিন্তু তুমি যে এখনও সে কর্তব্যের বহু দূরে । তোমার সম্মুখে প্রসারিত সুবিস্তৃত বিরাট কর্মক্ষেত্র, তখন এ ত্যাগের রুচি তোমার ধর্মসঙ্গত নয় স্বামী ! পুত্রের গরিষ্ঠ কর্ম পিতা-মাতার সেবা—স্বামীর কর্তব্য স্ত্রীর ধর্ম রক্ষা করা—পিতার ধর্ম পুত্র পালন করা । এখনো যে তোমার সবই অপূর্ণ !

অসমজ্ঞা । থাকুক অপূর্ণ অনিলা ! এ সংসার যেন অহরহঃ আমার চক্ষে অগ্নিশলাকা বিঁধিয়ে দিচ্ছে । মনে হয়, এই দণ্ডে আমার বন্ধন শত ছিন্ন ক'রে মত্ত মাতঙ্গের মত শান্তির বনভূমিতে ছুটে যাই । কে যেন আমায় স্বার্থময় জীবনের অন্ধকারে অপার্থিব জ্ঞানের আলোক হাতে নিয়ে ডাকছে ; বলছে, এসো—এসো, ত্যাগের মন্ত্রে দীক্ষিত হ'লে বৈরাগ্যের নীরে স্নাত হ'লে আমার কাছে 'ছুটে এসো, নতুবা তোমার আর নিস্তার নেই ।

অনিলা । ভুল করছো প্রিয়তম ! ত্যাগের পথে শান্তি-বৈরাগ্যের স্বাক্ষর সাক্ষ্যে, এ আর কে না জানে ? এ সংসার যদি সে জ্ঞানের দৃষ্টি নিয়ে ছুটতো, তা হ'লে এই বিশাল ব্রহ্মাণ্ড সৃষ্টি করার কি উদ্দেশ্য

ছিল ওই সৃষ্টিকর্তা বিধাতার ? যে পিতা-মাতা অজ্ঞানের অসহায় সন্ধিক্ষণ হ'তে পুত্রকে নিরাপদের কোলে তুলে আনলে, ভবিষ্যতের কত আশায় কত সুখ-শান্তির কল্পনার আজও তাবা অস্তাচলের পথে নিশ্চিন্ত। কিন্তু ওগো ত্যাগী সাধক ! তুমি যদি আজ পিতামাতার সে দানের বিনিময় না দিয়ে চ'লে যাও, তাঁরা যদি কাঁদেন—তাঁরা যদি দীর্ঘশ্বাস ফেলেন— তাঁরা যদি বক্ষে করাঘাত করেন, বল—বল, আমি তো দেখতে পাইনে সে ত্যাগী মুক্তিকামী শান্তি-সুখ কোথায়—কোন্ দেশে—কোন্ রাজ্যে ?

অসমঞ্জা । অনিলা ! অনিলা ! তুমি আমার মুক্ত আনন্দের পথে অন্তরায় হ'য়ে না ।

অনিলা । অন্তরায় না হ'লে যে আঘাত চলবে না । আরও বলি শোন সাধক ! যে নারী তার ইহজীবন পরজীবন যা কিছু আপন বলতে, ছিল, তার একজন অচেনাকে অকাতরে বিলিয়ে দিলে এক স্বপ্নময় শুভ নিশায় গোটা কতক মন্ত্রপাঠের সঙ্গে সঙ্গে, আজ কি না সেই নিষ্ঠুর হৃদয়হীন অচেনা তাকে ত্যাগ ক'রে চ'লে যাচ্ছে, আর—

অসমঞ্জা । চুপ্ কর অনিলা ! আমার সবই মনে পড়েছে । এসো— এসো অনিলা—এসো সোহাগ-সুখবঞ্চিতা উপেক্ষিতা ! আমার বুকে এসো ! আমি তোমার বুকে নিরেই ত্যাগের মন্ত্র ভুলে যাই । [অনিলাকে বক্ষে ধারণে উচ্চত ।]

গীতকণ্ঠে বৈরাগ্যের পুনঃ আবির্ভাব ।

বৈরাগ্য ।—

পূর্ব গীতাংশ ।

ত্যাগের মন্ত্র কেন ভুলে যাও, মরীচিকা হেরি কেন ছুটে যাও,
পিরাসা তোমার মিটিবে না আর, আলোর ধাঁধা দর্শনে ।

[অন্তর্দান ।

অসমঞ্জা ।

কে—কে তুমি জ্যোতির্ষ্ময় শিশুর আকারে
জ্ঞানের সহস্র ধারা ঢেলে দিয়ে যাও ?
এসো—এসো—কাছে এসো,
হাত ধর মোর । অনিলা ! অনিলা !
বাঁধিও না মোরে মায়া-ডোরে আর ।
শুনিয়া কাহার ওই সুললিত ত্যাগের বাঁশরী,
অলক্ষ্যে হেরিয়া কার প্রশান্ত মুরতি
হৃদয় উন্মত্ত হয়,
মনে হয় ছিন্ন কারি মায়ার শৃঙ্খল ।
দিবসের জাগরণে,
নীরব নিশার সেই আবেশ-তন্দ্রায়
ধীরে ধীরে নয়নে নামিয়া আসে
কেবা ওই অশরীরী
নিয়ে করে কৃষ্ণময় ভীষণ আলেখ্য ?
প'ড়ে থাক্ জীবনের মায়ার কানন,
প'ড়ে থাক্ মমতার রচিত প্রাসাদ,
প'ড়ে থাক্ দুরান্তের পথমাঝে
কৃতজ্ঞতা বিনিময় কর্তব্যসাধনা ।
বাঁধিও না—বাঁধিও না মোরে
ওগো নারী মোহকরী রূপের বাঁধনে ।

[দ্রুত প্রস্থান ।

অনিলা ।

ওগো ! ওগো ! কোথা যাও ?
দাঁড়াও—দাঁড়াও, সাথী কর সাথীয়ে তোমার ।

[প্রস্থান ।

গীতকণ্ঠে মায়ার আবির্ভাব ।

মায়া ।—

গীত—[নৃত্যসহ] ।

এসো হে সুন্দর সুন্দর উপবনে, গেঁথেছি সুন্দর ফুল ফুলহার ।
সোহাগে বসায় হিয়ার আসনে ঘুণাবো তোমার বেদনা অপার ।
তোমারি বাঁশীটা আমারি বোঁগাটা, বাজাবো একত্বরে মিলায়ে হিয়াটা,
গোপনে গোপনে বাঁধনে বাঁধনে, রাখিব বাঁধিয়া দিব না যেতে আর ।

[অন্তর্দ্বন্দ্ব ।

উন্মত্তবৎ অসমঞ্জার প্রবেশ ।

অসমঞ্জা ।

কে—কে তুমি সোহাগের পরশনে
চঞ্চল করিয়া মোরে, নিয়ে এলে
আলোকের পথ হ'তে ঘন অন্ধকারে ?
কে তুমি লো রূপসী প্রধানা,
পথভ্রষ্ট করিলে আমায়,—
কেড়ে নিলে সব মোর একটি কটাঙ্গু ?
কহ, কেবা তুমি ? এ কি মোরে ঘূর্ণাবর্তে
ফেলিলে দেবেশ ? কোন্ পথে যাই ?
কোন্ দিকে যাই ? ভগবান ! ভগবান !
করিলে উন্মাদ মোরে ?
হাঃ-হাঃ-হাঃ ! উন্মাদ—উন্মাদ—
অসমঞ্জা আজ হইল উন্মাদ !

[ক্রম প্রস্থান ।

দ্বিতীয় দৃশ্য ।

স্বর্গধাম ।

ইন্দ্র ও দেবগণের প্রবেশ

ইন্দ্র ।

দারুণ দুশ্চিন্তাজালে পতিত বাসব,
তিল মাত্র নাহি পাঠি শান্তির আশ্বাদ
ইন্দ্র হরিতে মোর
যুগে যুগে বক্ষ রক্ষ নর
গন্ধর্ব কিন্নর দানব অশুর
কঠোর সাধনাপথে হয় উপনীত ;
প্রবল বাটিকা সম
হইয়া উদিত মোর শান্তির আকাশে
কত ভাবে কাঁদায় আমারে ।
বাহুবলে সাধনার বরে
কাড়ি ল'য়ে স্বর্গের আসন
সাজায় ভিখারী এই
শক্তিশালী অমরনিকরে ।
কিন্তু তার নাহিক উপার,
কোন দিন নিষ্কণ্টক
নাহি হবে অমরার সিংহাসন ।
দেবগণ ! হেরিলাম ভবিষ্য দর্পণে
অমরের আগত হৃদ্বিন ;
শান্তি-সুখ হবে তিরোহিত,

দীন ভিখারীর সাজে সাজিতে

হইবে পুনঃ অমরবাসীরে ।

১ম দেবতা । মিথ্যা আশঙ্কার ভীত হওয়া

দেবেন্দ্রের হয় না উচিত ।

কই—কোথায় অপ্সরাগণ ! এসো ত্বর,

চিন্তাক্লিষ্টে দেবরাজে কব শান্তিসুধা দান ।

গীতকণ্ঠে অপ্সরাগণের প্রবেশ ।

অপ্সরাগণ ।—

গীত ।

আজ কাণ্ডনের ফুলবনে ডাক্ছে পাখী আপনহারা ।

উতল বাতাস পাগল করে, ঝর্ছে লো মই নয়নধারা ॥

ফুলরাণীর নাচন দেখে, জাগ্ছে প্রাণে থেকে থেকে.

স্বপনমাখা মুখখানি তার গোপন পথের সাড়া ॥

তমালবনের ঝোপের আড়ে, বাজ্লে বঁশী আকুল সুরে,

রইতে নারি আর যে ঘরে, কোথায় প্রিয় জীবনতারা ।

[প্রস্থান

ইন্দ্র ।

শোন—শোন দেবগণ !

কোমলাঙ্গী অপ্সরার সুললিত তানে

নাহি হবে এই চিন্তে শান্তির সঞ্চার ।

অদূরে যে হাহাকার প্রমত্ত করীর মত

ধেয়ে আসে গ্রাসিতে ইন্দ্র !

হার দেবগণ ! জানি না আবার

কি ভাবে করিব রণ ছরদৃষ্ট সহ !

১ম দেবতা । কহ দেবরাজ ! কিবা হেতু
এ হেন বিষাদ ? কহ ত্বরা,
জগতের কোন্ জন অমরের
সাধিতে অনিষ্ট হয়েছে উত্ত ?
কহ ত্বরা, এখনি তাহার দর্প
করিতে বিচূর্ণ, প্রলয়-পয়োধি সম
বাইবে ছুটিরা এই অমরনিকর ।
কিবা ভয় ? দুর্বল কি অমরনিকর ?
নাহি কি তাদের শক্তি দুষ্টদলনের ?
ইন্দ্র । আছে, কিন্তু দৈব সনে রণ—

জয়-আশা সুদূর কল্পনা ।
শোন দেবগণ !
সূর্য্যবংশ-সমুদ্ভূত অযোধ্যা-ঈশ্বর
মহামতি সগর ধীমান করেছে মনন
অশ্বমেধ-মহাযজ্ঞ করিতে সাধন ;
সেই হেতু অন্তর মাঝারে
হইয়াছে ত্রাসের সঞ্চারণ ।
জানি না সে অশ্বমেধ-যজ্ঞফলে
লভে যদি ইন্দ্র আমার,
কি ভাবে তখন তুচ্ছ মানবের পদতলে
নত হবে গরীয়ান্ দেবতার শির ?

১ম দেবতা । তার তরে নাহি চিন্তা !
তুচ্ছ নর দেবসহ করিয়া বিবাদ
কতক্ষণ রহিব অজ্ঞেয় ? চল যাই—

বিপুল বাহিনীসহ অযোধ্যা নগরে,
বাধা দিই সে কার্যে তাহার ।
ইন্দ্র । ফণিবে কুফল ; দেবভক্ত রাজা,
নারায়ণ নিত্য তারে বরমে আশিস্,
দেবশক্তি পরাভূত হইবে তগার ।
তার চেয়ে কৌশলে হইতে হবে
বিজয়ী মোদের ।

গীতকণ্ঠে ধর্মের প্রবেশ ।

ধর্ম ।—

গীত ।

পরাজয়—হবে পরাজয় ।

আশার তরী ডুববে জলে বিপণে কি সুফল হয় ।
নিশার স্বপন ভেঙ্গে যাবে, কূল কিনারা নাহি পাবে,
অন্ধকারে হাহাকারে কাঁদতে হবে সব সময় ।

[প্রস্থান ।

দেবগণ ।

একি ! একি !

ইন্দ্র ।

মহাপুরুষের উপদেশ বাণী ;
সঙ্গীতের ছলে ক'হে গেল মোরে
অধর্মের সাজিও না দাস ।
কিন্তু শঙ্কিত পরাণ,
নেহারি ভবিষ্য-পথে মর্ম্মস্তদ ঘোর হাহাকার ।
যাবে মোর স্বর্গরাজ্য,
যাবে মোর, অতুল ঐশ্বর্য,

যাবে মোর সাধের ইন্দ্রত,
 পথে পথে দীন ভিখারীর সম
 কাঁদিতে হইবে। না—না,
 বৈরীনাশে হ'য়ো না বিমুখ ;
 মুছে ফেল হৃদি হ'তে পাপ পুণ্য
 ধর্মাধর্ম্য গ্ৰাম-নীতি বাহা কিছু
 আছে এ সংসারে। দৃঢ় হও !
 ছলে বলে অথবা কৌশলে
 শত্রুনাশ কর দেবগণ !

১ম দেবতা। নিশ্চয়—নিশ্চয় !
 শত্রুনাশ করিব আমরা,
 তুচ্ছ নরে নাহি দিব স্বর্গের আসন ;
 ভীম ভয়ঙ্কর মূর্তি ধরিয়া
 উদ্ভিত হইব মোরা মানবনয়নে ।

ইন্দ্র । শোন দেবগণ ! মনে হয়,
 এই পথে নারায়ণ হবে অন্তরায় ।
 তার চেয়ে গুপ্তভাবে বিনাশি অরিরৈ
 নিষ্কণ্টক হইব আমরা ।
 শোন ! অস্তিত্বি ব্রাহ্মণবেশে
 যাবো আমি অতিথি সকাশে,
 তারপর সুকৌশলে

দেবগণ । ব্রহ্মশাপ দানিব তাহারে ।
 উত্তম ! উত্তম যুক্তি !
 শত্রু পরিশ্রমে হইব বিজয়ী মোরা ।

ইন্দ্র ।

আর ডাকো সেই সর্বসুখ-হস্তারক
মুক্তিমান পাপে, ছদ্মবেশে থাকুক সেথায় ;
মহাপাপে মগ্ন হোক অযোধ্যানগরী,
বাজুক পাপের ভেরী,
ধর্ম পুণ্য অন্তর্হিত হউক ত্বরিত ।

দেবগণ ।

চমৎকার ! চমৎকার ! কই, কোথা পাপ ?
আবির্ভূত হও ত্বর দেবসভামাঝে ।

নৃত্য-গীতসহকারে পাপের প্রবেশ ।

পাপ ।—

গীত ।

হাঃ । হাঃ । হাঃ ! করবো শ্মশান দেশটা ।
তাঁথে নাচন নাচবো সেথায় করবো কেমন মজাটা ।
আনবো ডেকে হাহাকার, করবো দেশটা চারখার,
রক্তারক্তি কাটাকাটি হবে সেথায় দিবারাতি,
দেখাবো শক্তি আমার কতটা ।

ইন্দ্র ।

যাও পাপ দেবতা-সুহৃদ !
দেবকার্য্য করিতে সাধন
যাও ত্বর অযোধ্যা-নগরে,
মনসুখে কর সেথা রাজত্ব তোমার ;
ধ্বংস কর তুচ্ছ নরে,
উথানের মেরুদণ্ড চূর্ণ কর তার ।

[দেবগণ সহ প্রস্থান ।

পাপ ।

যগ্য আজ্ঞা ।

[পূর্বোক্ত গীত গাহিতে গাহিতে প্রস্থান ।

তৃতীয় দৃশ্য ।

প্রাঙ্গণ ।

সগর ও সুমতি ।

সগর ।

অসমঞ্জার বৈরাগ্য ভাব করিয়া দর্শন
শতদীর্ঘ হয় যে অন্তর ।
কহ রাণী ! এ কি মতি হইল তাহার ?
জ্যেষ্ঠপুত্র মোর- -
বানপ্রস্থে করিবে প্রয়াণ,
সে যে হবে এ রাজ্যের রাজা ;
কিন্তু কই তার সংসার কামনা ?
সদা উদাসীন চিন্তামগ্ন সংসারে বিরাগ ।
কত দিন কত ভাবে বুঝাইলাম তারে,
তবু তার ঔদাসিন্য নাহি গেল রাণী !

সুমতি ।

সত্য মহারাজ ! হেরি তার বিতরাগ ভাব
কাঁপে মোর নিয়ত অন্তর ।
তার তরে কুললক্ষ্মী বধুমাতা
নিরন্তর সহিতেছে যন্ত্রণা অপার—
ম্রিয়মানা সদা ।

সগর ।

জানি না, কি আছে ভালে !
দয়াময় ! এ কি তব দান !
পুত্র তরে আমারে কি কাঁদাবে দয়াল ?
সে যে মোর কামনার মূর্ত্ত মূর্ত্তি,

তৃতীয় দৃশ্য ।]

সুমতি ।

সগর ।

কেন তারে কোল হ'তে
টেনে নাও মাধবীমোহন ?
হ্যাঁ, শোন রানী ! করেছি সঙ্কল্প—
কি সঙ্কল্প রাজা ?
উপনীত আমি বার্কিক্যসীমায়,
অস্তুমিতপ্রায় জীবন-ভাস্কর ;
অদূরে আগত সন্ধ্যা,
আব কেন বন্ধ থাকি সংসার-কারায়—
কেন ভোগ করি অশেষ যন্ত্রণা ?
তাই করেছি মনন—
অশ্বমেধ-মহাযজ্ঞ করি সম্পাদন
বানপ্রস্থে করিব প্রয়াণ ।
কিন্তু তাও বুঝি নাহি হয় মোর !
জ্যেষ্ঠপুত্র অসমঞ্জা বিনা
কেবা লবে রাজ্যভার রানী ?
ছিল মনে আশা, জীবনের অবশিষ্ট কাল
মুনীন্দ্রবাঞ্ছিত সেই নীরব কাননে থাকি
কাটাইব ঈশ্বরচিন্তায় ।

সুমতি ।

সদ্যুক্তি মহারাজ !
কিন্তু অশ্বমেধ-মহাযজ্ঞ অনুষ্ঠানে
শুনিয়েছি বহু অন্তরায় ।
এমন কি দেবগণ
সে যজ্ঞ পূরণপথে বিপত্তির সৃষ্টি করি
করে সদা বিঘ্ন উৎপাদন ।

সগর ।

তাউ যদি হয় রাণী দেবের কল্পনা,
সগরের অশ্বমেধে দেবগণ হয় যদি অন্তরায়,
নাহি যদি হয় মোব কামনা সফল,
কি করিব ? অদৃষ্টের দান ভাবি
সকলি সহিতে হবে ।

সুমতি ।

কাজ নাউ রাজা সে যজ্ঞসাধনে,
অন্য কোন মহাযজ্ঞ কব সম্পাদন ।
অশ্বমেধ-মহাযজ্ঞ পুনিয়া শ্রবণে,
নাহি জানি হে রাজন্ !
কি এক আতঙ্কে মোর কাঁপিছে পরাণ,
নাহি জানি কি আছে ললাটে !

সগর ।

কেন চিন্তা রাণী ?
পুণ্যকর্ষ অমুষ্ঠানে হয় যদি
কোন অমঙ্গল, ছেনো স্থির,
সে অমঙ্গলের বাঞ্ছা যেন করে এ সংসার
দানিও না বাধা মোরে,
ক'রো না চঞ্চল, পুণ্য কর্ষে
হও তুমি সহায় আমার ।

সুমতি ।

নয়নেতে কেন ছেরি
বিশ্বগ্রাসী ধূ-ধূ কালানল ?
আর্জুকণ্ঠে কাঁদে যেন কারা !
ওই ! ওই ! গলিত বহির ধারা
ছুটে আসে তরঙ্গে তরঙ্গে
অষোধ্যার গ্রাসিতে সম্পদ !

একি ! দেখিতেছি জাগ্রতে স্বপন ?
 থর-থর কেন কাঁপে হিয়া ?
 কেন মন হয় উচাটন ?
 মহারাজ ! মহারাজ !
 চারিদিকে অমঙ্গল নেহারি নয়নে ।
 মিনতি আমার, বিরত হও গো রাজা
 অশ্বমেধ-মহাযজ্ঞ করিতে সাধন ;
 মনে হয় সে যজ্ঞের অন্তরালে
 আছে যেন অযোধ্যার ঘোর হাহাকার ।

সগর ।

ধীর স্থির সঙ্কল্প আমার ।
 সে যজ্ঞের অনুষ্ঠানে
 হয় হোক সর্বনাশ মোর,
 ধরাবক্ষে উঠুক বিপ্লব,
 চারথার হোক রাণী
 অযোধ্যার গরিমা-গৌরব,
 তবু আমি সে সঙ্কল্পে হবো না বিরত ।
 - অশ্বমেধ-মহাযজ্ঞ করি সম্পাদন
 জীবনের সঞ্চিত কামনারাশি
 করিব পূরণ । নারায়ণ !
 নিত্য নিরঞ্জন ! ভক্তবাঞ্ছা-কল্পতরু !
 তোমার শ্রীপাদপদ্ম করিয়া স্মরণ
 পুণ্যকর্ম সাধনায় করেছি মনন ;
 আশা পূর্ণ ক'রো হে দয়াল !
 লভি যেন কাম্যকল তব আশীর্ব্বাদে ।

গীতকণ্ঠে অংশুমানের প্রবেশ

অংশুমান ।—

গীত ।

ওগো আমার প্রিয় !

তুমি কোন্ স্বরগে লুকিয়ে আছ আমার দেখা দিও ॥
তুমি বাজাও যখন মোহন বাঁশী শুন্তে যে পাই আমি,
তোমার রূপে রাঙিয়ে ওঠে আমার মানসভূমি,
যদি আমি ভুলের বশে আঁধার পথে নামি,
তুমি আলোক ছেলে নয়নপথে আমার কোলে নিও ॥

সগর ।

সুন্দর ! সুন্দর ! সঙ্গীতের
প্রতি বাণী হ'তে ক্ষরে সুধারাশি,
মধুময় ভাব প্রাণ মন করে সুশীতল ;
মনে হয় অবিরাম ওই গান শুনি আমি
হইয়া তন্ময় । অংশু ! অংশু !
কে শিখালে এই গান ভাই ?

অংশুমান ।

শিখায়েছে জননী আমার ।
কেন, গান কি আমার ভাল নহে দাদু ?

সুমতি ।

কে কহিবে ভাল অংশু ভাই ?
অতি মন্দ, নাহি ভাল লাগে ।

অংশুমান ।

দাদু ! দাদু ! শুনিতেছ ?

প্রহরীর প্রবেশ ।

প্রহরী ।

মহারাজ ! ধারে এক অতিথি ব্রাহ্মণ,
চাহে রাজদরশন ; কিবা হয় অসুমতি ?

সগর ।

ব্রাহ্মণ আমার দ্বারে ? যাও—যাও,
শীঘ্র তাকে সম্মানে ল'য়ে এসো হেথা ।

[প্রহরীর প্রস্থান ।

সুপ্রভাত হ'লো আজি রানী !

আগত ব্রাহ্মণ দ্বারে ;

পাণ্ড-অর্ঘ্য ল'য়ে এসো ত্বর,

আজি সৌভাগ্য অপার মম ।

প্রহরীসহ ব্রাহ্মণবেশী ইন্দ্রের প্রবেশ ।

ইন্দ্র ।

জয় হোক অযোধ্যাসম্রাট !

সগর ।

আম্বন ! আম্বন ! যাও রানী,
ল'য়ে এসো পাণ্ড-অর্ঘ্য ব্রাহ্মণসেবার ।

[প্রহরীর প্রস্থান ।

ইন্দ্র ।

না—না, পাণ্ড-অর্ঘ্য নাহি প্রয়োজন ।

অগ্রে শুন হে রাজন্ ।

যে কারণ আগমন ঘোর ।

সগর ।

হে অতিথি ! ব্যক্ত কর অভিলাষ তব,

সাধ্যমত অচিরাৎ করিব পূরণ ।

ইন্দ্র ।

তবে শুন হে রাজন্ !

হেরেছি হৃৎস্বপ্ন এক

গত কল্য গভীর নিশায়—

অযোধ্যার অমঙ্গল ঘটিবে ত্বর,

ছারধার হইবে অযোধ্যা তব ;

শীঘ্র কর প্রতিকার তার ।

সগর ।

কহ দ্বিজ ! কি দুঃস্বপ্ন হেরিলে নয়নে,
যাহে অযোধ্যার অমঙ্গল ঘটিবে ত্বরায় ?
কহ শীঘ্র, যদি কোন থাকে প্রতিকার !
কিন্তু হে ব্রাহ্মণ ! দৈবের বিরুদ্ধে দাঁড়াইতে
শক্তি কার এ বিশ্বশাঝারে ?
দেবতার পরাজয় যথা,
তথা তুচ্ছ নর কিবা শক্তি করিবে প্রয়োগ ?
দৈবচক্রে ঘটে যদি সৰ্বনাশ মোর
অপবা রাজ্যের, দেবতার দান ভাবি
সানন্দে তুলিয়া লবো শিরে ।

ইন্দ্র ।

জ্যোতির্বিদ বিপ্র আমি,
গণনায় হেরেছি রাজন্ !
অযোধ্যার আগত দুর্দিন তোমারি কারণ ।

সগর ।

আমারি কারণ ?

ইন্দ্র ।

হ্যাঁ, তোমারি কারণ ?
অশ্বমেধ-মহাযজ্ঞ করিতে সাধন
করেছ সঙ্কল্প, কিন্তু তাহে
ফলিবে কুফল, না হবে মঙ্গল ;
অস্তুরালে আছে তার ঘোর হাহাকার,
হারাইবে ধনজন বৈভব সম্পদ ।
'গণনায় হেরি তাহা,
তব তরে কাঁদিল পরাণ,
তাই আসিয়াছি নিবারিতে তোমা
অশ্বমেধ-মহাযজ্ঞ না হইতে ব্রজী ।

সগর । সত্য তব ভবিষ্য গণনা ;
কিন্তু হে ব্রাহ্মণ ! সুদৃঢ় সঙ্কল্প যম,
বিরত হবে না কভু পুণ্য অনুষ্ঠানে ।

ইন্দ্র । কি कहিলে রাজা, বিরত হবে না তুমি ?
শুনিবে না ব্রাহ্মণের হিতবাণী ?
যদি নাহি শোন,
জলস্পর্শ করিব না তব গৃহে আজি ।

সগর । [স্বগত] দয়াময় ! একি তব শীলা !
পুণ্যপথে কেন তুমি চালো হলাহল ?
অতিথি ফিরিয়া যাবে দীর্ঘশ্বাস ত্যজি ?
রক্ষা কর বিশ্বনাথ এ ঘোর সঙ্কটে ।

[প্রকাশ্যে] জানি না মহান !
কেবা তুমি, কোন্ ছলে আসিয়াছ
সগর সকাশে গণক ব্রাহ্মণ-বেশে
সঞ্চিত কামনা তার অপূরণ তরে ।
হে দ্বিজ ! করিও না অনুরোধ মোরে ;
রোষদীপ্ত দৈবের কটাক্ষে
হয় যদি সগরের অস্তিত্ব বিলীন,
তাই হোক—পূর্ণ হোক দৈবের বাসনা,
তবু সগরের অন্তরের সুদৃঢ় সঙ্কল্প
শত বিপর্যয়ে রহিবে অচল ।

ইন্দ্র । কি—কি ? আরে আরে
গর্বিত রাজন্ ! শুনিবে না
ব্রাহ্মণের হিত বাণী হইয়া কত্রিয় ?

তবে শোন—শোন রাজা !
এই ব্রাহ্মণের অভিশাপে
একদিন ব্রহ্ম-কোপানলে
ধ্বংস হবে ষষ্ঠী সহস্র সন্তান তোমার ।

[প্রস্থান ।]

সুমতি । উঃ ! ভগবান !
এ কি বাণ হানিলে বুকেতে ?
ব্রাহ্মণ—ব্রাহ্মণ !

সগর । ব্রহ্মশাপ ! ব্রহ্মশাপ !
মুছ—মুছ রানী আঁখিজল,
হরো না চঞ্চল ! ব্রাহ্মণের অভিশাপ
নহে অভিশাপ, শুভ আশীর্বাদ ।

সুমতি । ওগো রাজা ! ব্রহ্মশাপে ধ্বংস হবে
ষষ্ঠী সহস্র যে সন্তান তোমার—

সগর । তবু সুদৃঢ় সঙ্কল্প মোর,
অশ্বমেধ-মহাযজ্ঞ করিব সাধন ।
ধ্বংস হোক সন্তান-সন্ততি,
ধ্বংস হোক অযোধ্যা-সাম্রাজ্য,
হাহাকারে বিশ্বভূমি উঠুক ভরিয়া,
তথাপি সঙ্কল্প মোর হবে না বিকল্প ।

ভয় কিবা আছে তায় রানী,
যাহার অন্তরমাঝে বিরাজিত
দেব নারায়ণ—লক্ষ্য বার শ্রীহরিচরণ ?

[অংশুমানকে লইয়া প্রস্থান ।]

সুমতি ।

একি দৈব-বিড়ম্বনা !
 ধ্বংস হবে যষ্ঠী সহস্র সন্তান আমার ?
 হায় রাজা, কি করিলে তুমি ?
 কে তুমি গো কালরূপী দ্বিজ,
 অতিথির বেশে আসি
 দিগে গেলে অনল ঢালিয়া ?
 এই কি গো অতিথির যোগ্য আচরণ,
 বিনাদোষে অভিশাপ দান ?
 এই যদি সৃষ্টির বিধান,
 তা হ'লে যে হে মহান্ !
 কেহ আর করিবে না অতিথিসংকার,
 লিখিয়া রাখিবে দ্বারে জলস্ত অক্ষরে—
 অতিথির প্রবেশ নিষেধ ।

প্রস্থান

ইন্দ্রের পুনঃ প্রবেশ ।

ইন্দ্র ।-

হাঃ-হাঃ-হাঃ ! অভিশাপ !
 অভিশাপ দানিলাম গর্ষিত রাজনে ।
 রে দাণ্ডিক ! ভাবিরাছ মনে,
 অশ্বমেধ-মহাযজ্ঞ করি সম্পাদন
 ইন্দ্র হরিবে মোর ?
 না—না, হইবে না তাহা ;
 অশ্বমেধ-যজ্ঞ তব রহিবে অপূর্ণ ।

[প্রস্থানোত্ত]

অংশুমানের প্রবেশ ।

অংশুমান । দাঁড়াও অতিথি !
 বন্দী আজি করিব তোমারে ।
 বিনা দোষে দাড়রে আমার
 অভিশাপ দিবে চ'লে গেলে,
 কহ, কিবা হেতু পুনঃ এলে হেথা ?
 কিবা চাহ আর ? নিষ্ঠুর অতিথি !
 ছাড়িব না সহজে তোমারে ;
 বন্দী করি তোমা
 ল'য়ে যাবো দাড়পাশে মোর ।

ইন্দ্র । রে বালক ! এতই সাহস তব ?
 জানো না, কে এ অতিথি—
 কিবা তার পরিচয় !

অংশুমান । পরিচয়ে নাহি প্রয়োজন ;
 অতিথি অতিথি, কি আছে বিচার তাহে ?
 বিনা বাক্যব্যয়ে অনুগামী হও মোর ।

ইন্দ্র । দেবরাজ ইন্দ্র আমি ;
 চ'লে যা রে ক্ষুদ্র শিশু নীরবকণ্ঠেতে ।

অংশুমান । তুমি দেবরাজ—অমরা-ঈশ্বর ?
 অতিথি-আকারে আসি
 সর্বনাশ সাধিলে মোদের ?
 কিন্তু দেবতা বলিয়া পাবে না নিস্তার,
 বন্দী তোমা করিব নিশ্চয় ।

ইন্দ্র । রে শিশু, উন্মাদ কল্পনা তোর ;
সুরাসুর কল্পিত যাহার নামে,
সেই ইন্দ্র সনে বিবাদের সাধ ?
বুঝিলাম স্ননিশ্চয় মরণের আবাহন ।

অংশুমান । মরণে বরণ কবা ক্ষত্রিয় জাতির ধর্ম,
কেন তাহে হইব কল্পিত ?
কর শীঘ্র বন্দিত্ব স্বীকার—

ইন্দ্র । কি—কি মরিবার এত সাধ
জাগিল অন্তরে ? তবে আয় শিশু,
অচিরে পাঠাই তোরে শমনসদনে ।
দেখ—দেখ তবে দেবের প্রতাপ !

অংশুমান । দেবের প্রতাপ যদি এত ভয়ঙ্কর,
তবে হে দেবেন্দ্র ! কেন আজি
অতিথির হান বেশ তব ?

ইন্দ্র দেবগণ ! দেবগণ !

সশস্ত্র দেবগণের প্রবেশ ।

দেবগণ । জয় দেবরাজ ইন্দ্রের জয় !

ইন্দ্র । বধ ওই ছিন্নমতি গর্বিত বালকে ।

[প্রস্থান ।

অংশুমান । শক্তিহীন নহে এই ক্ষত্রিয়কুমার—

দেবগণ । বধ কর—ধ্বংস কর—

[অংশুমান সহ বুদ্ধ করিতে করিতে প্রস্থান ।

চতুর্থ দৃশ্য ।

উদ্যান-বাটিকা ।

অসমঞ্জা ।

অসমঞ্জা । অসমঞ্জা আজ জীবনের নূতন পথে চলেছে । একটানা জীবনের শ্রোত, জানি না কে অণু দিকে ফিরিয়ে দিলে ! আজ আমি নূতন আলোকে—নূতন পথে—নূতনের স্বপ্নে আত্মভোলা । স্বার্থময় সংসার ! তুমি আমার যাত্রাপথ রোধ ক'রে দাঁড়ালে, আমার যেতে দিলে না ; মাতার ব্যাকুল স্নেহ—পত্নীর সোহাগমণ্ডিত ভালবাসা—পুত্রের প্রগাঢ় ভক্তি আমার নাগপাশে বেঁধে ফেললে । দুর্জয় মায়ী এসে ক্ষিপ্ত বাসনাকে আমার ভুলিয়ে দিলে ! বাঃ—সুন্দর এই সংসারবন্ধন ! কিন্তু অসমঞ্জা সে বাঁধন শতছিন্ন ক'রে মুক্ত আলোকের পথে গিয়ে দাঁড়াবে । যাবো—যাবো, আমার যেতেই হবে । তাই যাবার জন্ত আজ আমার জীবনের নূতন অধ্যায় আরম্ভ করেছি । বিদ্যাধর ! বিদ্যাধর !

বিদ্যাধরের প্রবেশ ।

বিদ্যাধর । আজ্ঞে, আমার ডাকছেন ?

অসমঞ্জা । হ্যাঁ ; সুরা দাও—সুরা দাও !

বিদ্যাধর । তা দেবো বই কি ! দেবার জন্তই তো এখানে উপস্থিত ।
ধরুন—[সুরা দিল ।]

অসমঞ্জা । [সুরাপান] বিদ্যাধর ! তুমি আমার কেমন দেখছো ?

বিদ্যাধর । আজ্ঞে, কেমন দেখছি কি ক'রে বলবো ? তবে চোখ দু'টো আমার ঠিকরে যাচ্ছে । আহা, যেন স্বর্গের দেবতা !

অসমঞ্জা । আজ আমি নূতন সাজে সেজেছি বিদ্বাধর ! কেন সেজেছি
জান ? না—থাক, আর শুনে কাজ নেই । সুরা—সুরা—
বিদ্বাধর । ধরুন ! [পুনঃ সুরা দিল ।]

অসমঞ্জা । [সুরাপান] আঃ—বড় শাস্তি—বড় তৃপ্তি ! হাঃ-হাঃ-হাঃ,
আজ আমি কোথায় চলেছি—

গীতকণ্ঠে বৈরাগ্যের প্রবেশ ।

বৈরাগ্য ।—

গীত ।

ওই যে মরু সাহারা ।

ফিরে আয় ওরে ফিরে আয়, ওরে পথিক পথহারা ।

অসমঞ্জা । কে—কে আমার উন্মত্ত বাসনাস্রোতকে অণু পথে নিয়ে
যেতে চাইছো ? কিন্তু অসমঞ্জা আর তোমার প্রদর্শিত পথে যাবে
না বন্ধু ! তুমি চ'লে যাও—তুমি আমায় নিয়ে যেতে পারবে না ।

বৈরাগ্য ।—

পূর্ব গীতাংশ ।

কেন অভিমান, ওরে কেন অভিমান,

- আয় ছুটে আলোকপাশে নিবি যদি আমার দান,

নইলে ভুলের বশে মরবি কেঁদে সার হবে রে অশ্রুধারা ।

অসমঞ্জা । কিন্তু উপায় নেই বন্ধু । শত সহস্রবার তোমার সঙ্গে যাবার
জন্য আমি ছুটে গিয়েছিলুম, কিন্তু পারলুম না । বিদ্বাধর !

বিদ্বাধর । আজ্ঞে—

অসমঞ্জা । আমি কেমন হয়েছি ?

বিদ্বাধর । আহা-হা ! এত দিনের পর আপনি চমৎকার হয়েছেন ।

বড়লোকদের রাজা-মহারাজাদের যেমনটা হওয়া উচিত, ঠিক তেমনটাই হয়েছেন। কোথায় ঠাকুর দেবতার পূজা—সাধুভোজন করানো—সন্নিসি ভাব, হঁ—ওকি আপনার মত লোকের সঙ্গে? কেবল স্মৃতি—সুরা নর্তকী—বাস! এই তো দরকার, নইলে লোকে মানবে কেন? মনের স্মৃতি স্মৃতি করুন—বাস!

অসমজ্ঞা। এর সঙ্গে আর কিছু চাই না বিদ্বাধর?

বিদ্বাধর। আজ্ঞে দেখি একটু ভেবে; ই্যা, মনে পড়েছে—এর সঙ্গে চাই একটা ষোড়শী নারী।

অসমজ্ঞা। নারী?

বিদ্বাধর। আজ্ঞে! নইলে খাপ খাবে কেন? ও যে বড়মানুষি দেখাবার একটা প্রধান অঙ্গ। বলুন না, কাকে নিয়ে আসতে হবে? বিদ্বাধর এখনি হিড়্ হিড়্ ক'রে তাকে টানতে টানতে আপনার কাছে নিয়ে আসবে। বিদ্বাধর তাতে খুব সিদ্ধহস্ত! আমার গুরুদেবের কি শিক্ষা!

অসমজ্ঞা। ওঃ! ভুলে গিয়েছিলুম বিদ্বাধর, মায়াধর গুরুর কথা। সত্যই তোমার গুরুদেব সংসারের একটা বিচিত্র জীব। জানি না, ভগবান্ তাকে কোন্ উপাদানে গড়েছে। আমিও শিষ্যত্ব গ্রহণ করেছি।

বিদ্বাধর। আজ্ঞে, গুরুদেব আমার অদ্ভুত শক্তিশালী! কত রকম যে ভৌতিক বিদ্যা জানেন! আপনি দিন কতক পরেই দেখতে পাবেন। [স্বগত] পাপ-সহচর আমি আজ ছদ্মবেশে সগরপুত্রের বয়স; সগরের সর্বনাশ সাধনের জন্তু, পাপও আজ গুরুদেব মূর্তি ধারণ করেছেন। সগর! তুচ্ছ মানব! তোমার অশ্বমেধ-যজ্ঞ পূর্ণ হ'তে দেবো না।

অসমজ্ঞা। আবার যেন কে আমার ডাকছে! যাই—যাই! ওকি, কে—কে তুমি আমার পশ্চাৎ হ'তে টানছো? সংসার—মায়া? ওকি—ওকি বিদ্বাধর?

বিদ্যাধর । হজুর ! দেখুন—দেখুন, আমার গুরুদেবের এইবার
বিভূতি দেখুন !

সুকৃতকে মোহে মুগ্ধ করিয়া মায়াধরের প্রবেশ ।

অসমজ্ঞা । একি ! একি !

মায়াধর । মায়াধর স্বামীর অপূৰ্ণ মায়াশক্তি ! যুবরাজ ! এইবার
এই অনিন্দসুন্দরীর প্রেমসুধা পান ক'বে আনন্দের সাগরে ভেসে যাও ।

বিদ্যাধর । গুরু-আজ্ঞা ! ওহো !

অসমজ্ঞা । আমার নূতন জীবনের পথে এ আবার কি নূতন ছবি
এঁকে দিচ্ছি ? এই যুবতী নারী হবে অসমজ্ঞার নূতন পথের সঙ্গিনী ?
কিন্তু—কিন্তু দেখ মায়াধর ! সুন্দরীর সারা অঙ্গ হ'তে এক একটা
ভীষণ কাল সাপ বেরিয়ে আমার ছোবল মারতে ছুটে আসছে ! উঃ !
উঃ ! আমার দংশন করলে বুঝি !

মায়াধর । ভয় নেই যুবরাজ ! আচ্ছা এইবার দেখ ; কি দেখতে পাচ্ছ ?

অসমজ্ঞা । বাঃ—বাঃ ! অনন্ত আলোকসম্ভার ! প্রেমের অনন্ত সাগর !
চমৎকার—চমৎকার ! লালসার একি উন্মাদনা ! আমি কোথায়—কোথায় ?
ওই অন্ধকার ; নিভে গেল দীপ ! বাঃ—বাঃ ! নারী এত সুন্দরী !

মায়াধর । এখন ওই সুন্দরীর সঙ্গে বিহার কর ! দেখবে কত
সুখ—কত শান্তি ! [বিদ্যাধরকে সুরা দিতে ইঙ্গিত করিল ।]

বিদ্যাধর । ধরুন ! আর একটুখানি আছে ।

অসমজ্ঞা । দাও—দাও—সুরা দাও, আমি আকণ্ঠ পান করি !
[সুরাপান] সুন্দর জগৎ ! সবই যে সুন্দর ! সুন্দরী ! সুন্দরী !

সুকৃতি । [চমকিত হইয়া] এঁয়া ! একি ? আমি কোথায় ?

অসমজ্ঞা । তুমি আজ যুবরাজ অসমজ্ঞার বিলাস-উদ্যানে ।

সুকৃতি । সে কি ? কে আমার এখানে নিয়ে এল ?

মায়াধর । আমি ।

সুকৃতি । সন্ন্যাসী, তুমি ?

মায়াধর । হ্যাঁ—আমি ।

সুকৃতি । ওগো সন্ন্যাসী ! কেন তুমি আমার এখানে নিয়ে এলে ?

মায়াধর । তোমার নারীজন্ম সার্থক করতে । আজ এই অযোধ্যার ভাবী অধীশ্বরের সঙ্গে হৃদয় বিনিময় ক'রে পর্ণকুটীরের চঃসহ যন্ত্রণা ভুলে যাও ।

সুকৃতি । বাঃ ! বাঃ ! চমৎকার সন্ন্যাসীর সাধু বাণী ! সতী নারীর পর্ণকুটীরের সুখ অসতী নারীর অট্টালিকাতেও নেই । পরেছ গৈরিক বাস—নিরেছ ত্যাগের ব্রত—সর্ব্বাঙ্গে মেখেছ ভস্ম, অন্নানবদনে জগৎ তোমার পায়ে মাথা নুইয়ে দিচ্ছে, আর তুমি কি না—

মায়াধর । স্তব্ধ হও নারী !

অসমজ্ঞা । না—না, বল—বল নারী, তোমার প্রাণের যতটুকু উচ্ছ্বাস আছে ; জগৎ ভাল ক'রে গুনুক, আর তোমার ওই প্রাণের ব্যাকুলতার প্রতিধ্বনিতে অসমজ্ঞা আবার পুরাতনের সঙ্গী হোক !

মায়াধর । যুবরাজ ! যুবরাজ !

অসমজ্ঞা । আমি সংসারেই থাকতে চাই সন্ন্যাসী ! নূতনত্বের সৃষ্টি ক'রে মুক্তির পথ পরিষ্কার করতে আর চাই না । সংসারের তীব্র কশাঘাত আমি আনন্দে সহ করবো মায়াধর, তবু এই পথে এইভাবে আমি ত্যাগের ব্রত নিতে পারবো না । বিছাধর ! সুরা ফেলে দাও ; মায়াধর ! তুমি চ'লে যাও, আমার কাছে এসো না । আমি যে মানুষ !

মায়াধর । কি ! কি ! অস্বাচিতভাবে সৌভাগ্য দিতে এসেছি, আর তুমি সে সৌভাগ্য চাও না ? কি জন্ম এখানে এসেছ যুবরাজ ভোগের

জন্মই জীব আসে এ সংসারে । দূঢ় হও ! পাপ-পুণ্য ধর্মাধর্ম সমস্ত
ভুলে গিয়ে সুন্দরীর প্রেম-সুখা পান কর ।

সুকৃতি । যুবরাজ ! আমায় ছেড়ে দাও । আমি দুর্ভাগা নারী—

বিগ্ধাধর । ভয় নেই নারী, আর দুর্ভাগা থাকবে না—এইবার সবলা
হবার মাহেন্দ্রক্ষণ এসেছে । আর ঘোমটা দিয়ে উল্লুনধারে ব'সে কুঁ
পাড়তে হবে না ; দিকি কাছা এঁটে, ঘোমটা খুলে মনের সুখে বেড়াবে ।

মায়াদর । কালবিলম্ব না ক'রে এখন ঐ রূপসাকে নিয়ে বিহার
কর ; আমরা চলুম । এসো বিগ্ধাধর ! মনে রেখো—মায়াদর মহাশক্তি-
সম্পন্ন সাধক । [স্বগত] কোথায় যাবে মানব ! সংসার দেখবে এইবার,
পাপের প্রভাব কতখানি !

[বিগ্ধাধর সহ প্রস্থান ।

অসমজ্ঞা । না—না, আবার যে আমার সব হারিয়ে গেল ! আমি
যে সব ভুলে গেলুম ! সুন্দরী ! সুন্দরী ! যদি আজ বসন্তের প্রথম
প্রভাতে ফুটন্ত প্রেমের ডালা নিয়ে আমার সম্মুখে এসেছ, তবে এসো—
এসো সুন্দরী, হৃদয় বিনিময় করবে এসো । [ধরিতে উত্তত ।

সুকৃতি । যুবরাজ ! আমি যে বান্ধবহীনা সতী নারী—আমার যে
কেউ নেই ! আছে মাত্র বৃদ্ধা মাতা । নগরের বহিভাগে ভগ্ন কুটিরে
আমরা বাস করি ; জানি না, কি অলৌকিক ক্ষমতাকলে সন্ন্যাসী আমায়
এখানে নিয়ে এলো ! ছেড়ে দাও আমায়—আমার বৃদ্ধা মা হয় তো আমার
জন্ম কত কাঁদছে !

অসমজ্ঞা । তোমায় ছেড়ে দেবো ? না, আর তা হবে না নারী !
আমার জীবনের স্রোত অণু পথে চ'লে গেছে । অসমজ্ঞা এখন মায়াদরের
মোহিনী মন্ত্রে দীক্ষিত হয়েছে—সে আজ নিঃস্বহারা উন্মাদ ! এসো
নারী, প্রেমের মদিরা দানে আমার কুংপিপাসা নির্বাণ কর !

অনিলার প্রবেশ ।

অনিলা । স্বামী !

অসমজ্ঞা । কে ? কে ? অনিলা ! তুমি এখানে কেন ?

অনিলা । তোমার দেখতে ।

অসমজ্ঞা । আমার দেখতে ? আমার কি দেখ নি অনিলা ?

অনিলা ! দেখেছি, কিন্তু সে দেখায় আর এ দেখায় যে বহু ব্যবধান !
দেখেছিলুম একদিন তোমার মহিমময় গৌরবমণ্ডিত মূর্তি—দেখেছিলুম
ত্যাগের উচ্ছ্বসিত জলধারা—দেখেছিলুম মহত্বের অভ্রভেদী হিমাচল,
কিন্তু আজ দেখছি—না—না, তুমি আমার স্বামী ! ওগো, আমি তোমার
কটু কথা বলতে পারবো না—তোমার প্রাণে ব্যথা দিতে পারবো না।

অসমজ্ঞা । যাও অনিলা ! আমি বধির—অন্ধ—দয়া ধর্ম বিবেক মহত্ব-
বিবজ্জিত পিশাচ—শয়তান ! হাঃ-হাঃ-হাঃ !

অনিলা । একি পরিবর্তন ! ভগবান্ ! এ আবার কি লীলা-মাহাত্ম্য
দেখাচ্ছ ? এ আবার কি নূতন অভিনয় আরম্ভ করেছ ? স্বামী ! দেবতা !
কোন পথে ছুটেছ আজ ? ফিরে এসো ! সতীর ধর্মনাশের জঘ্ন উত্ত
হয়েছ ? একি তোমার চিত্তবিলম্ব ? তুমি যে দেবতা ছিলে !

অসমজ্ঞা ! আজ আমি পিশাচ হয়েছি ! যাও—বিরক্ত ক'রো না !
এসো সুন্দরী ! [স্মৃতিতে ধরিতে উত্ত]

স্মৃতি । মা ! মা ! তুমি আমার রক্ষা কর—[অনিলার পদতলে পতন]

অনিলা । ভয় নেই অভাগিনী ! সতী তুমি, রক্ষক সতীনাথ আছেন ।

[হস্তধারণ]

অসমজ্ঞা । অনিলা ! ছেড়ে দাও—

অনিলা । আমি তোমার মরতে দেবো না ।

অসমজ্ঞা । আমি অমর নই ।

অনিলা । পত্নী কিন্তু স্বামীর অমরত্ব চিরদিনই প্রার্থনা ক'রে থাকে ।

অসমজ্ঞা । সংসারে বিধবারও অভাব নেই অনিলা !

অনিলা । কিন্তু প্রার্থনা সমানভাবেই চ'লে আসছে ।

অসমজ্ঞা । ভাল ! প্রার্থনাই কর ; কিন্তু ওই রূপসীকে আমার কাছ হ'তে নিয়ে যেতে পাবে না ।

অনিলা । তার জগৎ যদি পাতকিনী হ'তে হয়, ভগবান্ আমায় সে পাপ মুছে দেবেন ।

অসমজ্ঞা । বটে ! এতদূর সাহস ? মায়াদর ! মায়াদর !

মায়াদরের প্রবেশ ।

মায়াদর । ভয় নেই , দেখ যুবরাজ, মায়াদরের অদ্বিত ক্রমতা ! [হস্ত-সঞ্চালনে অনিলাকে নিদ্রিত করিয়া ফেলিল ।] এইবার রূপসীর হাত ধ'রে চ'লে এসো আমার সঙ্গে ।

অসমজ্ঞা । কোথায় ?

মায়াদর । স্বপ্নালোকে ।

[স্মৃতিকে লইয়া অসমজ্ঞার মায়াদর সহ প্রস্থান ।

অনিলা । [নিদ্রাভঙ্গে] স্বামী ! স্বামী ! একি ! কোথায় গেল ! কেউ যে নেই ! আমিই বা এতক্ষণ কোথায় ছিলুম ? কিছুই তো বুঝে উঠতে পারছি নে !

দ্রুত অসমজ্ঞার পুনঃ প্রবেশ ।

অসমজ্ঞা । অনিলা ! অনিলা ! শীঘ্র আমার লুকিয়ে রাখো ; মায়াদর সন্ন্যাসী আমার ধরবার জগৎ ছুটে আসছে ! আমি অনেক কষ্টে তার হাত এড়িয়ে পালিয়ে এসেছি । তার সঙ্গে যাবার সময় দেখতে পেলুম

ত্রিশায়া

[প্রথম অঙ্ক ।

কার জ্যোতির্ময় মূর্তি ! চমক ভেঙ্গে গেল ; উর্দ্ধ্বাসে ছুটলুম—মায়াধরও
আমার পেছু পেছু ছুটলো ! এলো—এলো অনিলা ! আমার বুকি ধরলে,
তুমি শীঘ্র আমায় লুকিয়ে রাখ !

মায়াধরের পুনঃ প্রবেশ ।

মায়াধর । কোথায় লুকিয়ে রাখবে ? শীঘ্র আমার অনুসরণ কর
যুবরাজ !

অসমঞ্জা । সন্ন্যাসী !

মায়াধর । স্তব্ধ হও ! চ'লে এসো !

অসমঞ্জা । অনিলা ! আমায় রক্ষা কর—

অনিলা । রাক্ষসের কবল হ'তে কেমন ক'রে আমার স্বামীকে রক্ষা
করি ? মা ! মা ! সতীরাগী মা আমার ! সতীর ব্যথা দূর কর মা ! আমি
অকাতরে বেদনাতপ্ত অশ্রু তোর চরণে ঢেলে দিচ্ছি, সতীর ব্যথা দূর কর মা !

মায়াধর । তবে দেখ নারী, এই সন্ন্যাসীর যোগশক্তি কতখানি !
আবির্ভূত হও ত্বরায় মায়াশক্তিগণ !

অট্টহাস্তে অস্ত্রকরে মায়াশক্তিগণের আবির্ভাব ।

অসমঞ্জা । উঃ ! অনিলা ! প্রাণ যায় ! [মূচ্ছিত হইল]

অনিলা । ভগবান্ ! স্বামীর জীবন রক্ষা কর প্রভু !

গীতকণ্ঠে ত্রিশূলহস্তে ধর্ম্মের প্রবেশ ।

ধর্ম্ম ।—

গীত ।

আয় নেমে আয় চক্র স্তম্ভ হস্তে কাঁপিয়ে ধরাধান ।

প্রলয়নাদে গর্জে ওঠ, কাঁপিয়ে তোল পাণীর প্রাণ ।

দূর হ'য়ে যাক্ অন্ধকার, উঠুক্ জ্বলে আলোকধার,
বিধ ভ'রে উঠুক্ ফুটে ভগবানের জয়ের গান ।

মায়াদর । আক্রমণ কর—আক্রমণ কর ধর্মকে ।

ধর্ম । আরে আরে পাপ ! তোরও রক্ষা নেই । [ত্রিশূল উত্তোলন
[অসমজ্ঞা ও অনিলা ব্যতীত সকলের প্রস্থান

অসমজ্ঞা । অনিলা ! অনিলা !

অনিলা । স্বামী ! স্বামী !

অসমজ্ঞা । অসমজ্ঞার নূতন জীবনের একি অভিনয় আরম্ভ হ'লো !
কে তুমি—কে তুমি মায়াদর ? তুমি আমার বন্ধু না শত্রু ? তুমি আমার
মুক্তিদাতা, না মুক্তির পথরোধ ক'রে দাঁড়াবে ? কই—কোথা গেল সেই
রুধিরলোলুপা স্ত্রীষণা অস্ত্রধারিণী পিশাচীগণ—কোথা গেল সেই প্রথর
মার্ত্তণ্ডের মত মন্ত্রবিদ্ মায়াদর ? এসো—এসো মায়াদর, আমার হাত
ধ'রে নিয়ে চল সেই স্বপ্নময় বসন্তের কুঞ্জ-কাননে ।

মায়াদরের পুনঃ প্রবেশ ।

মায়াদর । হাঃ-হাঃ-হাঃ ! চ'লে এসো—

অসমজ্ঞা । [বাইতে উত্তত হইলেন]

অনিলা । [বাধা দিয়া] স্বামী ! স্বামী ! কোথা যাও ?

অসমজ্ঞা । স'রে যাও—স'রে যাও অনিলা ! আমি আজ নূতন
পথের যাত্রী ! কর্ম আমার অভিনব—আমি আজ সৃষ্টির স্বতন্ত্র ।

[মায়াদর সহ প্রস্থান ।

অনিলা । উঃ ! ভগবান্ !

[প্রস্থান ।

দ্বিতীয় অঙ্ক ।

প্রথম দৃশ্য ।

স্বর্গধাম ।

ইন্দ্রাদি দেবগণ আসীন ; অপ্সরাগণ গাহিতেছিল ।

অপ্সরাগণ ।—

গীত ।

আজি, মাধবীলতায় বাঁধি তোমাতে প্রিয় ।

রেখে দেবো গোপনে, যৌবন-উপবনে,

পরশনে ফেলে দেবো সঞ্চিত অমিয় ।

সুন্দরিত কণ্ঠে তুলিব তান, দীপল নয়নে সখা হানিব বাণ,

অলসে আসিবে ঘুম, অনুরাগে দেবো চুম,

প্রতিদান থাকে যদি তুমি হে দিও ।

[অপ্সরাগণের প্রশ্নান ।

ইন্দ্র । সগরপোত্রের অদ্ভুত বীরত্ব ! সত্যই আমি মুগ্ধ দেবগণ, সেই ক্ষুদ্র মানবশিশুর অস্ত্রপরিচালনা দেখে । মনে হ'চ্ছে, সেই বালককে বুকে ক'রে রাখি ; কিন্তু সে যে আমার বৈরীর পোত্র ।

১ম দেবতা । তবে কি সেই বন্দী সগরপোত্রকে মুক্তি দেবেন ?

২য় দেবতা । চিরমুক্তি ।

ইন্দ্র । ক্ষুদ্র এক শিশুকে বধ ক'রে দেবতার সুনাম কলঙ্কিত করবো ? না—না, তাও কি সম্ভব দেবগণ ? যে অস্ত্রে একদিন বরদর্পী দানবগণকে সংহার করেছি, সেই অস্ত্রে আজ এক তুচ্ছ বালককে বধ করতে হবে ?

এই শিশুবধের নির্ঘম কাহিনী আমরণ সৃষ্টির বৃকে দেবগণের কলঙ্কের ধ্বজা ওড়াবে—সারা বিশ্ব দেবতার নামে নাসিকাকুঞ্চন করবে ।

১ম দেবতা । দেবরাজ তবে কি জন্ম সেই মহামতি ধর্মধ্বজ সগরের অনিষ্টসাধনে অতিথি ব্রাহ্মণের বেশে উপস্থিত হ'য়ে তাকে অভিশাপ দিয়ে এলেন ? কি জন্মই বা পাঠিয়েছেন মূর্তিমান পাপকে অযোধ্যায় ?

ইন্দ্র । সবই সত্য, কিন্তু তবু যেন বিবেকের কশাঘাতে স্বার্থের রেখা অন্তর হ'তে মুছে যাচ্ছে ! পরিণামের আলোখ্য চোখের সামনে কে যেন তুলে ধরছে ! থাক, কাজ নেই আর শিশুবধে—কাজ নেই সগরের সর্বনাশে—কাজ নেই ইন্দের অচল আসন-প্রতিষ্ঠায় ।

১ম দেবতা । সে কি দেবেন্দ্র ! অকস্মাৎ একরূপ মতিপরিবর্তনের কারণ কি ?

ইন্দ্র । কারণ অনেক; বীরত্ব-উদ্ভাসিত সেই ফুল মুখখানি দেখে আমার স্বার্থময় পাষণ প্রাণ আজ অনুরাগের আকর্ষণে পরিবর্তনকে টেনে এনেছে । যাও—বালককে এখনি অযোধ্যায় পৌঁছে দিয়ে এসো । হর তো তার জন্ম অযোধ্যার রাজপুরীতে হাহাকার জেগে উঠেছে । আমি এতখানি হীনতাকে আশ্রয় ক'রে আমার স্বর্গের আসনকে অচল রাখতে চাই না ।

১ম দেবতা । দেবরাজ ! স্মরণ করুন সেই ভবিষ্যতের দুর্ভাগ্যের কথা । আজ যদি এক ক্ষুদ্র শিশুর জন্ম কাতর হ'য়ে পড়েন, তা হ'লে—

ইন্দ্র । হ্যাঁ—হ্যাঁ, সত্যই বলেছি বন্ধু, ভবিষ্যৎপথে দারুণ হাহাকার ছুটে আসবে । সগরের অশ্বমেধ-যজ্ঞ—পরিণাম ইন্দের ইন্দ্রের অবসান । না—না, আমি তার এ যজ্ঞ পূর্ণ হ'তে দেবো না । ভেঙ্গে দেবো সেই তুচ্ছ মানবের আকাশ-কুম্ব কল্পনা—তুলবো প্রবল হাহাকার তার শাস্তির রাজ্যে, ছলে বলে কোণলে তার সর্বনাশ সাধন ক'রে ভবিষ্যতের পণ নিষ্কণ্টক করবো । যাও—যাও, শীঘ্র সেই কেশরিশাবককে এখানে নিয়ে

এসো ; তাকে হত্যা কর, তারপর তার ছিন্নশির সগরের কাছে পৌঁছে
দিয়ে এসো ।

গীতকণ্ঠে ধর্মের প্রবেশ ।

ধর্ম ।—

গীত ।

কেন সুখালমে খেয়ে গবল মরবে জ্বলে দিবানিশি ।
স্বথের আশায় জালবে আগুন নিরাশাতে যাবে ভাসি ।
ভাগবে সকল কল্পনা, যতই কর জল্পনা,
আসবে আঁধার ছুটবে পাথার, জাগবে তখন হাহাকার,
শ্রাবণধারায় পড়বে ক'রে অনুতাপের অশ্রুশি ।

[প্রস্থান ।

ইন্দ্র । ধর্ম ! ধর্ম ! তুমি চাও দেবতার কার্যের অন্তরায় হ'তে ?
তুমি চাও দেবতার দুর্দিন দেখতে ? না—না, তা হবে না ; তোমার ওই
ভবিষ্যৎ-বাণী আজ আমার টলাতে পারবে না । বাও—বাও, সগরপৌত্র
অংশুমানকে এখানে নিয়ে এসো ।

[একজন দেবতার প্রস্থান ।

২য় দেবতা । পোত্রের ছিন্নশির দেখলে অশ্বমেধ-যজ্ঞের কল্পনা তার
অন্তর হ'তে চিরদিনের জঘ্ন তিরোহিত হবে ।

ইন্দ্র । তবু যেন হায় নিরাশ-আঁধার
 দিগন্তের কোল হ'তে
 নেমে আসে সন্মুখে আমার ।
 কেবা যেন কহিছে অলক্ষ্যে,
 সাবধান—সাবধান !
 ছরাশা কি পূর্ণ হয় কভু ?

না—না, হবো না চঞ্চল ;
বৈরীশূন্য হ'তে হলে আজ,
সবংশে করিব ধ্বংস সগর মানবে ।

গীতকণ্ঠে অংশুমানের প্রবেশ ।

অংশুমান ।—

গীত ।

তুমি কাঁদাও কেন আমার হরি, আমি কাঁদবো কত বল না ।

তুমি যতই কাঁদাও কাঁদবো ততো, তবু তোমায় ভুলবো না ॥

তোমার পূজার অর্ঘ্যভার, কোন মতে ফেলবো না আর,

আমুক মরণ মত্ত বারণ, রাখবো তোমার রাঙাচরণ

আমার হিয়ার মাঝে দিবস সাঁঝে, ছাড়বো না গো ছাড়বো না ।

ইন্দ্র । অংশুমান ! অংশুমান !

অংশুমান । কেন দেবরাজ ?

ইন্দ্র । আজ আমি তোমায় প্রাণদণ্ডে দণ্ডিত করবো । মনে নেই, সে দিন এই দেবরাজকে বন্দী করতে কতখানি নির্ভীকতার পরিচয় দিয়েছিলে ?

অংশুমান । এখনও সেই পরিচয় দেবো । মরণের ভরে আমার দাঁড়র মুখে কলঙ্কের ছাপ দেবো না দেবরাজ !

ইন্দ্র । কি, এত সাহস ক্ষুদ্র এক বালকের ?

অংশুমান । হ্যাঁ দেবরাজ, এ সাহস আমাদের বংশগত ব্যাধি । শুনুন দেবরাজ ! শীঘ্র আমার অবোধ্যায় রেখে আমুন, নতুবা আপনার মঙ্গল নেই ।

ইন্দ্র । আর তোমায় অযোধ্যায় ফিরে যেতে হবে না বালক ! এখনি

তোমার শমনগুরীতে যেতে হবে । শমন তোমায় সাদরে গ্রহণ করবার
অগ্র ওই দেখ অদূরে দাঁড়িয়ে ।

অংশুমান । বাঃ ! ওগো নারায়ণ ! আমি যে দিবারাত্র তোমার
পূজা করি—তোমার কাতরকণ্ঠে কত ডাকি ! কিন্তু হে মাধব !
তোমার এ কি করুণা ? জান্তুম স্বর্গ পুণ্যের আলোকে আলোকিত,
কিন্তু তা তো দেখছি না ! স্বর্গ যে নরক ; তুমি আমায় কেন এখানে
নিয়ে এলে দয়াময় ?

ইন্দ্র । স্তব্ধ হও বালক ! দেবগণ ! হত্যা কর অহঙ্কারী বালককে ।
দেবগণ । আরে আরে হুর্কিনীত বালক ! [অস্ত্র তুলিল]

শচীর প্রবেশ ।

শচী । চমৎকার স্বর্গরক্ষার নীতি—সুন্দর দেবতার মহিমাবিকাশ !
সৃষ্টি, এখনো স্থির কেন ? সৃষ্টিকর্তা এখনো নীরব কেন ? ওরে বান্ধব-
হীন আনন্দহুলাল ! ভয় নেই তোর ; আয়—আয়, আমার বুকে আয়,
আমি পক্ষিণীর মত তোকে পক্ষপুটে লুকিয়ে রাখবো, সাধ্য কি তোর কোন
অনিষ্ট করে—তোর কোমল অঙ্গে ব্যথা দেয় । [অংশুমানকে কোলে
লইলেন ।]

অংশুমান । মা—মা—

ইন্দ্র । শচী ! শচী ! দেবতার কার্যে বাধা দিও না ।

শচী । স্বর্গের পুণ্য-মৃত্তিকার উপর এতখানি অনাচার হ'তে দেবো
না সুরেশ্বর ! দেবতার এ কি গরিষ্ঠ কর্মসাধনার সজাগ মূর্তি ? ক্ষুদ্র
এক শিশুবধের এ কি বিপুল আয়োজন ? নিষ্কণ্টক হবার এ কি সঙ্কল্প ?

ইন্দ্র । তুমি জান না ইন্দ্রাণী, ওই শিশু কে ?

শচী । সব জানি—সব শুনেছি । তুচ্ছ মানবের অনিষ্ট সাধনের অগ্র

প্রকৃতির বক্ষুশ্শোভিত এই আধকুটস্ত কুম্মটীকে কেন তুলে নেবার সাধ ? সত্যই যদি মহানুভব সগরের অশ্বমেধ-যজ্ঞে ভবিষ্যতে দেবতার কোন অমঙ্গল হয়, তা হ'লে দেবতা তোমরা—শক্তিমান তোমরা, পার না কি নিজেদের জাতির গৌরব দেখিয়ে সে অমঙ্গলকে দূর করতে ? কিন্তু কোথায় সে নীতি ? স্বার্থের স্বপ্নে আত্মহারা হ'য়ে উত্তত হয়েছ আজ ক্ষুদ্র এক শিশুকে বধ করতে ! ছিঃ-ছিঃ, এতে যে দেবতার কলঙ্কের ভেরী বেজে উঠবে !

ইন্দ্র । ইন্দ্রাণী !

শচী । আমিও স্বর্গেশ্বরী, সে কলঙ্ক আমি সহিতে পারবো না ।

ইন্দ্র । বালককে হত্যা কর দেবগণ !

শচী । না, আর অত সহজে হত্যাকাণ্ড নিষ্পন্ন হবে না দেবেন্দ্র ! সম্মান যে এখন মায়ের বুক ; কার সাধ্য সম্মানকে মায়ের বুক হ'তে ছিনিয়ে নেয় ! চল্—চল্ ওরে মায়ের সম্মান, চল্—আমি তোকে মায়ের কোলে দিয়ে আসি । [প্রস্থানোত্ততা]

ইন্দ্র । ফেরো ইন্দ্রাণী—

শচী । অসম্ভব ! তা হ'লে যে মায়ের নামে সৃষ্টি আতঙ্কে থর-থর ক'রে কেঁপে উঠবে স্বামী !

[অংশুমানকে লইয়া প্রস্থান ।

ইন্দ্র । নিষেধ শুনলে না—নিরে গেল সগরপৌত্রকে আমার সম্মুখ হ'তে । দেবেন্দ্রাণীর এ কি স্বেচ্ছাচারিতা ! দেবগণ ! যাও—যাও, শচীর বুক হ'তে অংশুমানকে ছিনিয়ে নিয়ে এসো ।

১ম দেবতা । ভয় কি দেবেন্দ্র ! পাপ তো অযোধ্যায় আছে, তার দ্বারাই দেবতার মঙ্গল সাধিত হবে ।

ইন্দ্র । পাপ—পাপ আছে অযোধ্যায় দেবতার মঙ্গলসাধন করতে ;

কিন্তু জানি না দেবগণ, জয় হবে কার—জয়ী হবে কে ? শচী !
স্বামীদ্রোহিনী ! না—না, তুমি যথার্থই স্বর্গেশ্বরী নামের সার্থকতা
দেখালে ! কিন্তু—আবার সেই ভবিষ্যতের করাল মূর্তি !

[অগ্রে ইন্দ্র, তৎপশ্চাৎ দেবগণের প্রস্থান ।

দ্বিতীয় দৃশ্য :

অবলার বাটা ।

বিদ্যাধরের প্রবেশ ।

বিদ্যাধর । হে-হে-হে ! মহারাজের সঙ্গে মর্ত্যে এসে এক রকম চলছে
ভাল ! আহা—আহা—আহা—বিহারাদির কোন রাদির অসুবিধা হয় নি । নূতন
দেশে এসে চালন-চলন নূতন ভাবেই আরম্ভ করেছি । হে-হে-হে, বলতে
যে লজ্জা করছে—ঘর-সংসারও তৈরী করেছি । বেশ আছি কিন্তু ! সুরা-
পান—স্মৃতি—যা ইচ্ছে তাই ! আহা, পাপ মহারাজ, তুমি চিরজীবী হ'য়ে
বঁচে থাকো । ওহো—রসময়ী অবলাসুন্দরীর সঙ্গে হে-হে-হে একটু
একটু চেনাশোনা হ'য়ে পর্য্যন্ত আমি এখানেই আড্ডা নিয়েছি । সুন্দরী
আমায় বড় ভালবাসে । তবে কি না, মাঝে মাঝে পয়সার জন্তে আমার
বাবার নাম ভুলিয়ে দেয় । বেটা খাঁটা ব্যবসাদার ! ফেল কড়ি মাথো
তেল, নইলে অগস্ত্যযাত্রা কর । হে-হে-হে, ওই যে অবলাসুন্দরী আসছেন !

অবলার প্রবেশ ।

অবলা । কি, অবলাসুন্দরী আসছেন ? বলি অবলাসুন্দরী কি সুন্দর

নয়, তাই দিনরাত আমার ঠাট্টা কর? বলে অবলার এই রূপ দেখে কত বুড়োও অজ্ঞান হ'য়ে যায়।

বিদ্যাধর। একশোবার! বুড়ো কেন—জোরানেরও মুচ্ছা হয়। অহো, সত্যই তুমি সুন্দরী।

অবলা। দেখ, ওসব ছেঁদো কথা রেখে দাও; এখন কাজের কথা কও তো শুন।

বিদ্যাধর। বল।

অবলা! পরস্য কই? কাল পরস্য দাও নি, আজও দেবে কি না সন্দেহ! ও সব চালাকি চলবে না, রোজ রোজ নগদ পরস্য মিটিয়ে দিতে হবে; আমি আর ধারে কারবার করবো না।

বিদ্যাধর। মনে কর না কেন, আমি তোমায় সব মিটিয়ে দিয়েছি—

অবলা। সে কি গো?

বিদ্যাধর। আহা, মনেই কর না!

অবলা। ওমা! সে আবার কি গো? তুমি দিলে না—খুলে না, আর আমি মনে করবো পেয়েছি? মুখে আশুন তোমার মনে করার? এখন পরস্য দেবে কি না?

বিদ্যাধর। তুমি আমার ভালবাস না বিদ্যাধরী?

অবলা। এঁ্যা, বিদ্যাধরী কি গো? আমার সাতগুটির নাম কখনো বিদ্যাধরী ছিল না।

বিদ্যাধর। অহো, সত্যই তুমি বিদ্যাধরী!

অবলা। আমি বিদ্যাধরী হবো কেন রে মুখপোড়া! তোর সাতগুটি বিদ্যাধরী হোক।

বিদ্যাধর। আহা, রাগ ক'রো না। দেখ, আমি বিদেশী লোক; তুমি যদি রূপা না কর, তা হ'লে কোথায় বাই বল তো?

ত্রিশরা

[দ্বিতীয় অঙ্ক ।

অবলা । পরসাদাও, থাকতে পাবে ।

বিদ্যাধর । তুমি আমার ভালবাস না ?

অবলা । ইস্ ! উনি আমার সাতপুরুষের নাউঘণ্ট, ওনাকে ভালবাসবো না তো কাকে ভালবাসবো ? এখন পরসাদা দিচ্ছ কখন বল ?

বিদ্যাধর । ভবী ভোলবার নয়, যতই দাও তেল কাজল । দেবো—দেবো, তোমায় রাজা করবো অবলাসুন্দরী ! আর তোমায় বিদ্যাধরী বলবো না ।

অবলা । হ্যাঁগা, আমি রাজা হবো ?

বিদ্যাধর । আলবৎ হ'তে হবে, না হ'লে জোর ক'রে তোমায় রাজা করবো । দেখ, ওদিকের সংবাদ-টংবাদ কিছু পেলো ? মহারাজ কি সত্য সত্যই অশ্বমেধ-যজ্ঞ করবেন ?

অবলা । কি ক'রে হবে ? আহা, যুবরাজের ছেলেটাকে দেবরাজ ইন্দ্র ধ'রে নিয়ে গেছে । ইন্দ্রের সঙ্গে যুদ্ধ করতে গিয়ে এই হ'লো গা ! মহারাজ তো বিছানা নেবার যোগাড় করেছেন ।

বিদ্যাধর । বটে ! এত কাণ্ড হয়েছে ? তাই তো, যজ্ঞে কত কি খাবো ব'লে অযোধ্যায় এলুম—কত পাওনা খোওনা হ'তো ! হাত্তোর বামুনের কপাল !

অবলা । কই, পরসাদাও !

বিদ্যাধর । [স্বগত] সর্বনাশ বাপালে দেখছি ; মাগী কিছুতেই তো ভোলে না ! পরসাদা এখন পাই কোথায় ? বেটী একেবারে চামার ।

অবলা । চুপ ক'রে রইলে যে ? এখনি কাঁটা খাবে আর বাপ-বাপু ক'রে পরসাদা দেবে । অবলাধালার পরসাদা হজম করা বড় চারটী-খানি কথা নয় । এখনি—

বিদ্যাধর । থাক—আর যবনিকায় কাজ নেই ।

অবলা । ও অপ-ফপ জানি নে ; শীগ্গির বন্ছি, পয়সা দাও ।
মারবো না কি ঝাঁটা ? পিঠ বোধ হয় স্ফুড়-স্ফুড় করছে ?

বিদ্বাধর । তাই তো, মহারাজের যখন অশ্বমেধ-যজ্ঞ হ'লো না, তখন
পয়সা কোথায় পাই বল তো মনি ?

অবলা । যেখানে পাও, নিয়ে এসো ।

বিদ্বাধর । এবার খুব ঝল হবে ।

অবলা । তারপর ?

বিদ্বাধর । খুব ধান হবে ।

অবলা । তারপর ?

বিদ্বাধর । লোকে পেয়ে বাঁচবে ।

অবলা । তবে তুমি ঝাঁটা পেয়ে বাঁচো ।—[ঝাঁটা প্রহার]

বিদ্বাধর । উ-হ-হ ! করছো কি—করছো কি ? অবলা আর সবলা
হ'য়ো না ধনি !

অবলা । আজ তোর সাত গুষ্ঠির ছেরাদ করবো ।—[প্রহার]

বিদ্বাধর । আঃ, কর কি—কর কি ? দাঁড়াও, ছেরাদের জন্ত আমি
বামুন ডেকে আনি । [দ্রুত প্রস্থান ।

অবলা । বটে ! পালিয়ে যাওয়া হ'লো ! দাঁড়া আটকুড়ির ব্যাটা,
তোকে আমি ঠিক খুঁজে বার করবো । তাই তো, মিন্বে কি সত্যি সত্যিই
চ'লে গেল গা ? দিন বতক নতুন নতুন বেশ পয়সা কড়ি দিত ; মিন্বে
দোষে গুণে ছিল গা ! আবার মিন্বেকে একটু ভালও বেসে ফেলেছিলুম ।

গীত ।

ওহো-হো, সে ছিল আমার রূপের ভাটাতে আল জোরার ।

সে ছিল আমার শুকনো গাছের টাটকা ফোটা কুল,

ছিল যে ভালবাসা প্রাণেতে তাহার ।

ছিল সে আমার নয়নভাঙ্গাটী, ছিল সে আমার বাঁধা সে বীণাটী,
ছিল সে আমার কুহ-কুহ কালো পাখিটী, উড়িয়া গেল গো—ওহো-হো-হো,
আমার কালো পাখা আজ উড়িয়া গেল হায়,
খুলিয়া দিনু কেন খাঁচার ছোয়ার ।

বিদ্যাধরের পুনঃ প্রবেশ ।

বিদ্যাধর । [দূর হইতে] কুহ ! কুহ !
অবলা । ওমা, পোড়ারমুখো কোকিলটে আবার এসময়ে ডেকে
উঠলো কেন ?

বিদ্যাধর । কুহ ! কুহ !
অবলা । ও মা, তুমি ? তুমি তো বেশ কোকিল ডাকতে পার !
আমি মনে করেছিলুম, সত্যই পোড়ারমুখো কোকিলটে ডেকে উঠলো ।
আবার কি জন্ত এলে ? পয়সা-কড়ি এনেছ তো ?

নেপথ্যে মায়াধর ।

মায়াধর । এখানে কি বিদ্যাধর আছ ?
বিদ্যাধর । সর্বনাশ ! গুরুদেব এসে পড়েছেন যে ! এ্যা—কি করি
অবলা ? এইবার একবার ভাল ক'বে সবলা হও—গুরুদেবের মণ্ডুপাত
ক'রে দাও ।

মায়াধর । বিদ্যাধর !

বিদ্যাধর । তাই তো, কি করি অবলা ? দেখ, এক কাজ কর ।

অবলা । কি কাজ ?

বিদ্যাধর । আমি মড়ার মত শুয়ে পড়ি, তুমি একথানা কাপড় দিয়ে
আমার সর্ব্বাঙ্গ ঢেকে দাও, তারপর হাত পা ছড়িয়ে যা হয় মনে ক'রে
কঁাদতে থাক ; তবে বাবা-টাঁবা ব'লে যেন মাথাটি খেয়ে ফেলো না ।

অবলা । হ্যাঁগা, তোমার বাবা বল্‌বো কি গো ?

বিদ্যাধর । আঃ—যা হয় ব'লো ! [শয়ন করিল]

অবলা । [বস্ত্র ঢাকিয়া দিয়া] হ্যাঁগা, দম আটকে সত্যি সত্যি ম'রে যাবে না তো ? মরতে হয় পরমা দিয়ে ম'রো !

বিদ্যাধর । কাঁদো—কাঁদো !

অবলা । তোমার জন্তে কাঁদ্বো কেন গা ? তুমি আমার কে ? বলে, ভাতার ম'রে গেলে একদিনও কাঁদি নি, লোকে আমায় সতী ব'লে ধন্তি-ধন্তি ক'রে উঠলো ।

বিদ্যাধর । তবে হি-হি ক'রে দম্বু বিকশিত ক'রে হাসো ।

অবলা । ওমা, হাস্বো না ? তোমার জন্তে কাঁদ্বো না কি ?

বিদ্যাধর । হাসো—হাসো ; ফিক্—ফিক্ ক'রে না হয়, হা-হা ক'রে হি-হি ক'রে, যেমন ফ'রে পার হাসো ! কাঁদো, না হয় হাসো ।

অবলা । ওগো, আমার যে হাসিও আস্ছে না—কান্নাও আস্ছে না ।

বিদ্যাধর । সব মাটি করলে দেখ্ছি এইবার !

প্রহরীর প্রবেশ ।

প্রহরী । কই, কোথায় গেল ছুঁট মারাধর তান্ত্রিক সাধক ? তাকে এই দিকে যে আস্তে দেখলুম ; মহারাজ তাকে বন্দী করতে আদেশ দিয়েছেন । তারি জন্ত যুবরাজ নষ্ট হ'তে বসেছেন । এই যে, অবলা সুন্দরী যে !

অবলা । ভাল আছ তো প্রহরী-দা ?

প্রহরী । যেমন তুমি রেখেছ । বলি মারাধর ঠাকুর কি এদিকে এসেছিল ?

অবলা । কই, না !

প্রহরী । এ আবার গুয়ে কে এখানে ?

অবলা । আমার ভাইঝি ; এখন আমার কাছেই আছে । আহা, আমার ভাইঝির কি রূপ ! সহজে কি কাউকে রূপ দেখায় ?

প্রহরী । তাই তো অবলা সুন্দরী, তোমার ভাইঝিটিকে একটাবাব যদি দেখতে পেতুম ! পছন্দ হ'লে—

অবলা । তা ভাই, তুমি যা হয় ক'রে পছন্দ কর । আমায় কি আর এখানে থাকা চলে ? হাজার হোক, ওর তো গুরুজন বটে !

প্রহরী । তা তো বটেই ! যাও—যাও ! [অবলার প্রস্থান ।] কি গো ভাইঝি সুন্দরী ! বলি, অত লজ্জা কেন ? আমি রাজবাড়ীর প্রহরী, মাসে ন টাকা কম পনের টাকা মাইনে পাই, আবার মহারানীর ফায়-ফরমাসও খাটি । দেখি তোমার মুখখানা—[আবরণ খুলিতে চেষ্টা ।]

বিদ্যাধর । [বাধা দিল ।]

প্রহরী । আঃ, একবারটি দেখিই না ! [মুখ দেখিয়া সবিস্ময়ে বাপ্ ! [পলারনোত্তত]

বিদ্যাধর । [উঠিয়া] ওহে প্রহরী খুড়ো ! শোন—শোন !

প্রহরী । এ যে দেখছি বাবা ফরমাসী মেয়েমানুষ । বাপ্ !

[প্রস্থান ।

বিদ্যাধর । ও প্রহরী খুড়ো, আরে শোনো—শোনো—

[প্রস্থান ।

তৃতীয় দৃশ্য ।

কক্ষ

গীতকণ্ঠে বিবেকের প্রবেশ

বিবেক ।—

গীত ।

আমি আগে ঘুরি আলোক ধ'রে তবে কেন যাও অন্ধকারে ?
কেন মুক্ত ছুয়ার রুদ্ধ কর, কেন ফেলছ দূরে রত্নহারে ।
হ'য়ো না আর মোহে অন্ধ, হবে পারের খেয়া বন্ধ,
পারের মাঝি আসবে না আর অবেলাতে ডাকলে তারে ।

। প্রস্থান ।

অসমঞ্জার প্রবেশ ।

অসমঞ্জা । নূতন ! নূতন ! সবই নূতন !
নূতন আকাশ—নূতন বাতাস,
সঁবি ঘেন নূতনে নূতন ।
অসমঞ্জা চলিয়াছে আজি নূতনের পথে ।
বনে বনে উদাত্ত পাখী তানে নূতন ছড়ায়,
পুষ্প ফোটে নূতন সুবাস ল'য়ে
নূতন তরুতে । সবই নূতন ।
অসমঞ্জাও হয়েছে আজি
নূতন পথের ষাত্রী নূতন সন্ধানে ।
কে তুমি অজ্ঞাত-বান্ধব,

বিরাট আঁধার পথে
 তুলে ধর আলো ? কেবা তুমি ?
 ও, তুমি কি আমার সেই
 জ্ঞানদাতা প্রকৃত-বান্ধব ?
 ওগো বন্ধু ! তব সাথে করিতে প্রয়াণ
 আজি মোর নৃতনের সাজ ।
 কবে কোন্ দিন চলিয়া যেতাম
 ছিন্ন করি সংসারের চুচ্ছেদ্য বন্ধন,
 কিন্তু পিতা মাতা পত্নী পুত্র
 কেহ মোরে দিল না যাইতে—
 দৃঢ়ভাবে বাঁধিল আমারে ।
 প্রাণ উচাটন, দারুণ বৃশ্চিকজ্বালা
 আর না সহিতে পারি,
 তাই সুপণ ত্যাগিয়া আজ
 চলিয়াছি কুপথের পানে ;
 দেখি, যদি সে বন্ধন মোর
 শিথিল হইয়া যায় ।

অনিলার প্রবেশ ।

অনিলা । স্বামী ! স্বামী !

অসমঞ্জা । অনিলা ! আবার কেন তুমি এখানে এসেছ ? জ্ঞান
 আজ আমি নূতন পথের যাত্রী সাজেছি !

অনিলা । কিন্তু ওদিকে যে সর্বনাশ হয়েছে স্বামী ! ওগো, অৎপথে
 যে দেবরাজ বন্দী ক'রে নিয়ে গেছে । কি হবে ? তুমি তাকে রক্ষা কর—

অসমজ্ঞা । হাঃ-হাঃ-হাঃ ! ভালই হয়েছে অনিলা ! বাধন আপনা আপনিই ছিঁড়ে গেল ।

অনিলা । সে কি ? সে যে তোমার পুত্র । ওগো, তুমি যে তার পিতা ! তোমার প্রাণে কি একটুও পুত্রস্নেহ নেই ? তার জন্তু তোমার প্রাণ কি একটুও কেঁদে উঠছে না ?

অসমজ্ঞা । না—না, কাঁদবে না । কার জন্তু প্রাণ কাঁদবে অনিলা ? পুত্রের জন্তু ? কে পুত্র, কে পিতা ? কিসের সম্বন্ধ ? পদের জন্তু কেন নিজে কেঁদে মরি ?

অনিলা । পুত্র কি তোমার পর ?

অসমজ্ঞা । সবই পর, এ সংসারে আপনার কেউ নেই অনিলা ! ভ্রাস্ত্র আমরা, তাই আপনার ব'লে অসারের পেছু-পেছু ছুটে যাই । একবার জ্ঞানের চক্ষে চেয়ে দেখ প্রিয়ে ! এই পৃথিবীর সঙ্গে তোমার সম্বন্ধ কতক্ষণের ? পুত্রের জন্তু কাঁদছে অনিলা ? কিন্তু কাঁদলে কি কেউ হারানো রতন ফিরে পায় ? তা যদি ফিরে পেতো, তা হ'লে ওই দেখ প্রিয়ে ! কত পতি-পুত্রহারা নারী আর্তকণ্ঠে কাঁদছে ! কই, তারা ফিরে পাচ্ছে ? সবই অসার অনিলা, কেউ কারো নয় । কার জন্তু কাঁদবে ? মরণের কবলা হ'তে যদি কেড়ে নিতে পারতে, তা হ'লে বুঝতুম—তা হ'লে না হয় মরণের সঙ্গে বন্ধ করতুম ; কিন্তু তা হবার নয় । চক্ষু মুদলে প্রাণের প্রিয়তম আধার-কেও আর এক মুহূর্ত কাছে রাখতে পারবে না । তখন আর তার জন্তু শোক কেন—অশ্রু কেন ? ষাও অনিলা ! আমায় আর বাধতে চেষ্টা ক'রো না ।

অনিলা । তা হ'লে পুত্রকে উদ্ধার ক'রে আনবে না ? উঃ, তুমি কি নিষ্ঠুর স্বামী ! পার তুমি পুত্রস্নেহ ভুলতে—প্রাণকে পাষণ দিয়ে গ'ড়ে ভুলতে, কিন্তু আমি যে মা, আমি যে তাকে গর্ভে ধরেছি—কত অসহ্য যন্ত্রণা সহ করেছি, আমি তো বুকটা পাষণ দিয়ে গড়তে পারবো না

অসমজ্ঞা । বল, কি চাও ?

অনিলা । চাই আমার পুত্রকে রক্ষা করতে ?

অসমজ্ঞা । আমি পারবো না অনিলা !

অনিলা । প্রাণ কাঁদছে না ?

অসমজ্ঞা । যে আপনার নয়, তার জন্তু প্রাণ কাঁদবে কেন ?

অনিলা । উঃ, তুমি পাষণ ! বেশ, পুত্রকে না চাও, কিন্তু এ আবার কি তোমার অদ্ভুত পরিবর্তন ? দেবতার আসন হ'তে আজ কেন নরকে নেমে গেছ ? ওগো ত্যাগী সাধক ! কোথায় গেল তোমার ত্যাগের উন্মাদনা—কোথায় গেল তোমার ত্যাগের মূর্তি ? সহসা কোন্ পথে এসে দাঁড়িয়েছ স্বামী ?

অসমজ্ঞা । নূতন পথে এসে দাঁড়িয়েছি অনিলা ! এই পথেই আমি দেখতে পাবো আমার মূর্তির আলোক ; এ পথ হ'তে আর অগ্রপথে যাবো না ।

অনিলা । এই পথে মুক্তি ? দিবানিশি সুরাপান—পরনারীর লাঞ্ছনা, এই কি মুক্তির পথ ? ওগো, তোমার কলঙ্কগাথা শুনে আমি যে মরমে ম'রে যাচ্ছি । পুত্র বাক্, আমি তার স্মৃতি ভুলে যাবো—ভুলেও কাঁদবো না, কিন্তু তোমার জন্তু যেন আমার কাঁদতে হয় না । এসো—এসো, এ পথ হ'তে চ'লে এসো—সেই মারাধর সন্ন্যাসীর সঙ্গ ত্যাগ কর ! সে তোমার গুরু নয়—পরম শত্রু, তোমার ইহ-পরকাল সব নষ্ট করবে ।

অসমজ্ঞা । যাও অনিলা ! আমি বধির । তোমার বেদনার সহস্র অশ্রু আজ অসমজ্ঞার পদতলে গড়িয়ে পড়লেও, ফিরবে না অসমজ্ঞার জীবনের নূতন স্রোত আবার সেই পুরাতনের পথে । আমি দেখবো অনিলা, মৃত্যু মাতৃককে সংসার কতকণ বেঁধে রাখতে পারে ।

অনিলা । তা হ'লে এমনিভাবেই বিপথে ছুটে যাবে ? ভুলে গেলে

তৃতীয় দৃশ্য ।]

ত্রিশায়া

পিতামাতার প্রতি ভক্তি, পুত্রের প্রতি মেহ, পত্নীর প্রতি কর্তব্য ? এই রকম উদ্দেশ্যবিহীন জীবন নিয়ে কি সৃষ্টির অভিশাপ মাগায় তুলে নেবে ?

অসমঞ্জা । কি করবো অনিলা, উপায় নেই । যাও—যাও, বিরক্ত ক'রো না আমার ।

অনিলা । না—না, আমি কোথাও যাবো না, তোমার চরণতলায় প'ড়ে থাকবো । তোমার চরণই যে আমার শত কামনার বাঞ্ছিত সম্পদ । সত্যই যদি তুমি বৈরাগ্যের শ্রোতে ভাসতে ভাসতে সংসারবন্ধন ছিন্ন ক'রে চ'লে যেতে, তোমার জন্ম তখন আমি কাঁদতুম ; সে কাল্লার অন্তরালেও আমার শান্তি থাকতো ; কিন্তু আজ তোমার জন্ম যেভাবে কাঁদছি, এ কাল্লার জালা যে বড় মর্শ্ববৃন্দ !

অসমঞ্জা । আবার সেই অনুযোগ । অনিলা ! অনিলা ! এখনি মায়াধর এসে পড়বে । জান না সে কত ভীষণ ! মায়াহীন—দয়াহীন—নির্ম্মম পাষণ । হয় তো—

অনিলা । আমার প্রতি অত্যাচার কববে, কেমন ? স্বামীর সম্মুখে স্ত্রী লাঞ্ছিতা হবে, আর স্বামী তা নীরবে দেখবে ?

অসমঞ্জা । কি করবো, আমার শক্তি নেই অনিলা ! আমার সমস্ত শক্তি কেড়ে নিয়েছে মায়াধর । এক একবার তার আচরণ আমায় ক্ষিপ্ত ক'রে দেয়, কিন্তু তাকে দেখলেই আমি যেন অবসন্ন হ'য়ে পড়ি । আমি আর নেই অনিলা, আমি এখন বাস্তব জগতের বহু দূরে ।

মায়াধর ও বিদ্যাধরের প্রবেশ ।

মায়াধর । একি ! কে এ রমণী ?

অসমঞ্জা । আমার স্ত্রী ।

মায়াধর । [স্বগত] অপূর্ব সুন্দরী । [প্রকাশ্যে] তা এখানে কেন ?

অসমজ্ঞা । আমার নিরে যেতে এসেছ ।

মায়াদর । সাবধান ! জ্বীসঙ্গ ত্যাগ না করলে কখনই মুক্তিলাভ করতে পারবে না । কুমার ! শীঘ্র তোমার পত্নীকে এ স্থান হ'তে বিতাড়িত ক'রে দাও ।

বিদ্বাদর । নিশ্চয়, গুরুদেবের আদেশ বেদবাক্য । সৰ্বকাৰ্য্যেযু বিঘ্নমাসং ওই নারী । ইস্, মর্ত্যধামে এ যে চমৎকার সংস্কৃত শিখেছি ।

মায়াদর । শীঘ্র বিতাড়িত কর কুমার !

অনিলা । ওগো সন্ন্যাসী ! আমার প্রাণে ব্যথা দিও না ; আমার আরাধ্য দেবতাকে আমার বুক হ'তে ছিনিয়ে নিও না । বল—বল সন্ন্যাসী, আমি নারী হ'য়ে স্বামীর অদর্শন-জ্বালা কেমন ক'রে সহ করবো ? পায়ে ধরি, আমার স্বামীকে তুমি কেড়ে নিও না সন্ন্যাসী !

[মায়াদরের পদতলে পতন ।]

মায়াদর । কুমার ! কুমার !

অসমজ্ঞা । অনিলা ! চ'লে যাও, আমার মুক্তির পথ রোধ ক'রে দাঁড়িও না ।

অনিলা । মুক্তি ! এ আবার কি মুক্তি ? সুরাপান—নারীধর্ষণ—অনাচারের শ্রোত ব'য়ে যাচ্ছে ! জানি না স্বামী, এভাবে কে তোমায় মুক্তির পথ দেখিয়ে দিলে ? সন্ন্যাসী ! সন্ন্যাসী ! বল, তুমি কে ? তুমি কি সত্যই ত্যাগী সাধক, না কোন মায়াবী—এসেছ অনিলা সৰ্বনাশ করতে ছলনার মুক্তি ধ'রে ? বল—বল—

মায়াদর । যাও নারী, বিরক্ত ক'রে মায়াদরের ক্রোধানল প্রজ্বলিত ক'রো না ।

বিদ্বাদর । [স্বগত] বাপ ! আমার গুরুদেবের ক্রোধানল কি ভীষণ ! হ্যাঁ করলেই ধব্-ধব্ ক'রে আগুন জ্বলে ওঠে ।

অনিলা । ওগো সন্ন্যাসী ! একটীবার আমার মুখপানে চাও । আমার যে স্বামী ছাড়া এ সংসারে আর কেউ নেই । নিদারুণ পুত্রশোকের জ্বালা বুকে সহ করছি, কিন্তু আবার এ জ্বালা কেমন ক'রে সহ করবো ?

মায়াদর । কুমার ! কুমার !

অনিলা । ওগো স্বামী ! ওগো দেবতা ! তুমি আমায় পারে ঠেলো না—[অসমঞ্জার পদধারণ ।]

মায়াদর । বিতাড়িত কর—বিতাড়িত কর ওই নারীকে, নতুবা সব আয়োজন ব্যর্থ হবে কুমার !

অসমঞ্জা । মায়াদর ! মায়াদর ! আবার সর্বাঙ্গ যে কাঁপুছে ! একটা প্রবল আকর্ষণ এসে আমায় অবসন্ন ক'রে দিচ্ছে । আমি বুঝতে পারছি নে যে, আমি কোথায় ? আলোকে না অন্ধকারে ? স্বর্গে না নরকে ? মুক্তির আর প্রয়োজন নেই সন্ন্যাসী ! আমি তিরদিন সংসারবন্ধনেই বাধা থাকবো—মুক্তির পথে যাবো না । মুক্তি চাই না মায়াদর ! আমার মুক্তির পথে যে জেগে উঠছে কার করুণ কঙ্কাল—হতাশ অশ্রুভরা আঁখি তটী ! বেদনার সহস্র ধারা যে ব'য়ে যাচ্ছে ! মায়াদর ! মায়াদর ! আমি আর পারে ঠেলতে পারছি নে ! এসো—এসো সাবিত্রী ! এসো ব্যগিতা ! আবার আমি তোমার আদরে বুকে তুলে নিচ্ছি—[অনিলাকে বক্ষে ধারণ]

মায়াদর । কুমার ! কুমার ! একি তব আসক্তি তাড়না ।

ফেল ত্বরা রমণীরে দূরে,

নতুবা মুক্তির পথ হবে অন্ধকার ।

অসমঞ্জা । হের কিবা বিষাদের বিনম্রা মুরতি !

প্রাণ কেঁদে ওঠে,

কেমনে ফেলিব দূরে কহ মায়াদর ?

মায়াদর । বটে ! [স্বগত] সগর ! সগর !

পাপ তব পুণ্য রাজ্যে স্থাপিবে রাজত্ব,
দেখি তব অশ্বমেধ-মহাযজ্ঞ
কেমনে সম্পূর্ণ হয় !

গীতকণ্ঠে ধর্মের প্রবেশ ।

ধর্ম ।—

গীত ।

খাটবে না কো ফন্দীবাজি চমৎকার ।
ওলোট-পালোট হ'য়ে যাবে বসতে হবে হাহাকার ।
অঁধার পথে উঠবে জ্বলে হাজার বিবেক-বাতি,
বজ্রবাধন শিথিল হবে আস্বে জ্ঞানের ভাতি,
হবে আমার জয়-জয় রে দেখ'বি সবই ফক্কিকার ।

[প্রস্থান ।

মায়াধর ।

আরে আরে ধর্মশত্রু !

দস্ত তোর করিব বিচূর্ণ.

দেখাইব এই বিশ্বে পাপের প্রভাব ।

পাপের বিজয়-ভেরী উঠিবে বাজিয়া,

দেখি তোর কতখানি জয়ের কামনা ।

মায়া ! মায়া ! এসো.

জ্ঞান-চক্ষু অঁধারে আবরি ।

নৃত্যগীত সহকারে মায়ার আবির্ভাব ।

মায়া ।—

গীত ।

এলা—নেবে এসো জমিরে রাখা বুকের মধু,

বঁধু হে, নেবে এসো ।

এসো কাণ্ডন রাগে অনুরাগে উতল বাতাসে,
এসো টাদের কিরণমাথা বুকের নন্দনেরি উজ্জ্বলে,
এসো প্রিয় ব'সো—ব'সো হে ব'সো ।

অসমজ্ঞা । অনিলা ! অনিলা !

অনিলা । স্বামী ! স্বামী !

অসমজ্ঞা । যাও—খাও—স'রে যাও !

[অনিলাকে দূরে ফেলিয়া দিল]

অসমজ্ঞা শক্তিহারা—জ্ঞানহারা আজি ।

নিয়ে চল—নিয়ে চল

লো রূপসী স্বর্গের নন্দনে ।

[মারা সহ প্রস্থান

অনিলা । স্বামী—স্বামী !

মায়াধর । বিঘাধর ! বিঘাধর !

চক্ষু এর করহ বন্ধন ।

বিঘাধর । [অনিলার চক্ষু বন্ধন করিল ।]

মায়াধর । এসো নারী, আমার পশ্চাতে ।

[অনিলাকে লইয়া প্রস্থান ।

বিঘাধর । গুরুদেব ! তোমার প্রমাহ বাডুক ! ওদিকে যে গোরাল
ভক্তি হ'য়ে এলো ! দেখো প্রভু ! অধমকে যেন ভুলো না । তোমার জ্ঞ
আমাকেও অনেক খাটতে হ'চ্ছে ! বাই, এখন অবলাকে সবলা করিগে ;
হয় তো সে আমার জ্ঞে মাটি নিয়েছে ।

[প্রস্থান ।

চতুর্থ দৃশ্য ।

প্রাঙ্গণ ।

সগর ও সুমতি ।

সগর ।

চমৎকার ! চমৎকার
চলেছে সমর দেবতা মানবে ;
প্রকৃতির বৃকে প্রলয়ের ঝড়,
গর-থর কাঁপিছে অবনী,
ন'ড়ে ওঠে বাসুকির ফণা,
ধ্বংস বুঝি হয় বসুকরা !
তুচ্ছ মানবের কামনার পথে
হে দেবেন্দ্র, একি তব দেবত্বের নীতি ?
তব ইন্দ্রত্ব হরিতে নহে মোর
অশ্বমেধ যজ্ঞ-অনুষ্ঠান !
রূপা করি ক্রোধানল কর সম্বরণ,
অহেতুক ক'রো না পীড়ন ।

সুমতি ।

ভগবান্ ! একি তব নামের মহিমা,
একি বহি জেলে দিলে শান্তির প্রাসাদে,
একি ঘোর হাহাকার পুণ্যের রাজত্বে ?
ওগো রাজা ! অংশু নাই,
অসমঞ্জা বুক ছাড়া,
বন্ধ কর অশ্বমেধ-অনুষ্ঠান ;
দেব-কোপানলে যায় বুঝি সব !

সগর ।

যাক্—যাক্ রাণী,
যাক্ সব দেব-কোপানলে—
ভয় হোক সর্বস্ব আমার,
কিন্তু যে পুণ্যের করেছি সঞ্চয়,
সে সঞ্চয়ের বিসর্জন দিব নাকো কভু ।
দেবশক্তি ছাড়ুক হকার,
তবু এই তুচ্ছ নর রহিবে স্থাণুর মত,
বিস্মরণ নাহি হবে কামনায় তার ।

সুমতি ।

কামনা সম্পদ তব ঝরিবে অকালে ।

সগর ।

বৃন্ত হ'তে অকালে ঝরুক্ তারা,
তবু রাণী, ফিরিবে না বাসনা-তরঙ্গ মোর ।
অসমঞ্জা অংশুমানের নাহি প্রয়োজন,
আছে ষষ্ঠী সহস্র সন্তান আমার—
নিক্রমে অপার, মন্ত্রপুত্র যজ্ঞাশ্বের পেছু পেছু
ধাইবে উল্লাসে, দিগ্বিজয় করি আসিবে ফিরিয়া ।

সুমতি ।

কিন্তু ব্রাহ্মণের অভিশাপ—

সগর ।

ধ্বংস হবে সবংশে সগর ?

তাই হোক রাণী !

ব্রাহ্মণের বাণী হউক সফল ।

সুমতি ।

উঃ, একি তব পাষণ্ডের বুক !

সগর ।

অমর কে ধরায় ? তবে কেন
মরণের গতিরোধে বিফল প্রয়াস করি ?
তাহাদের পুত্রকন্য ধন্য হবে
পিতার আজ্ঞায় মরণ-বরণে ।

গীতকণ্ঠে সগরসন্তানগণের প্রবেশ ।

সগরসন্তানগণ ।—

গীত ।

রাপ্বে আমরা পিতার মান ।

দিগ্বিজয়ে ছুটবো ঘোড়ার পেছ পেছ

নিয়ে অস্ত্র-শস্ত্র ধনুর্কাণ ।

পিতার তরে পরের দেশে, যায় যদি প্রাণ অবশেষে,

সুখের মরণ হবে মোদের হবে পিতৃবংশ গরীয়ান ॥

স্বর্গে যাবো, মর্ত্যে যাবো, ভাঙ্গবো ধরার বুকখান ।

যাবো অন্ধকারে বলির দেশে কাঁপবে নাকো প্রাণ—

বাড়বে পিতার মান ॥

[প্রস্থান ।

সগর । বাঃ! বাঃ! রাণী—রাণী!

কেন মিছে হতেছ শঙ্কিত?

থাকে যদি এক বিন্দু ভক্তি মোর

দেবতার রাতুল চরণে, সাধ্য কার

অপূর্ণ করিতে মোর অশ্বমেধ-যাগ?

সুমতি । না—না, এ সঙ্কল্প ত্যাগ কর রাজা!

সগর । সগর অচল ।

ব্রাহ্মণবেশী বিদ্যাধরের প্রবেশ ।

বিদ্যাধর । জয় হোক—জয় হোক মহারাজ! [স্বগত] আমার
নিশ্চয় গুরুদেবের জন্তু কি পরিশ্রমই না করছি। গুরুদেব কিন্তু
গোরালের দরজা মোটেই খুলে রাখেন না। তাই তো, এখন পট-পট

চতুর্থ দৃশ্য ।]

ত্রিষায়া

ক'রে মিথ্যে কথাগুলো কই কি ক'রে ? দাঁড়াও—মনে মনে ঠিক ক'রে নিই ! [চিন্তা] হ্যাঁ—হয়েছে, চলবে একরকম ! [প্রকাশ্যে] জয় হোক মহারাজ ! [অগ্রসর]

সগর । আনুন—আনুন ! ধন্য হ'লো আমার রাজপ্রাসাদ ।

বিদ্যাধর । [স্বগত] বেশী কথা কওয়া হবে না—খুব সংক্ষেপে সারতে হবে, নইলে সব ভেসে যেতে পারে । [প্রকাশ্যে] মহারাজ ! আমার কন্যাকে আপনার জ্যেষ্ঠপুত্র অসমঞ্জা—ও-হো-হো !

সগর । চূপ কর—চূপ কর ব্রাহ্মণ ! আর কলঙ্কের বাণী উচ্চারণ ক'রো না, আমার পিতৃ-পুরুষ নরকস্থ হবে । উঃ, রাণী ! কেন অসমঞ্জাকে সেদিন বিদায় দিই নি ? তা হ'লে তো এ যন্ত্রণা আর সহ করতে হ'তো না ; সেই পিতৃভক্ত পিতৃ-অনুগত অসমঞ্জা আমার এমন হয়েছে ? উঃ, জানি না রাণী, কার অভিসম্পাতে দেবতার মূর্তিতে আজ পিশাচের আবির্ভাব ! যান—যান বিপ্রবর ! আমি সেই কুলাঙ্গারকে কঠোর দণ্ডে দণ্ডিত করবো ।

বিদ্যাধর । জয় হোক আপনার ।

[প্রস্থান ।

সগর । একি বিপ্লব-বহ্নি ! অসমঞ্জা ! অসমঞ্জা ! উঃ, রাণী ! আমার সব আশা বুঝি চূর্ণ হ'রে গেল ! ভেবেছিলুম, যজ্ঞান্তে অসমঞ্জাকে অঘোষ্যার সিংহাসনে অভিষিক্ত ক'রে বাণপ্রস্থে যাবো, কিন্তু একি নৈরাশ্যের দৃষ্টিপাত ! না—না, এও বুঝি দেবতার পীড়ন ! ভাঃ—ভাল ! মানব-বধের জন্য তুমি নূতন শক্তি সৃষ্টি কর দেবরাজ, মানব তবু টগ্গবে না ।

সুমতি । কি হবে রাজা ?

সগর । হবে না কিছুই,

হবে পুনঃ নবীন প্রভাত ।

সুমতি । যজ্ঞ ?
 সগর । স্থির ।
 সুমতি । অংশুমান ?
 সগর । ভুলে যাবো ; সগরের অশ্বমেধ-মহাযজ্ঞ
 ল'য়ে আসুক এ ধরায় নূতন আলোক ।
 দেব-নর সমরের অবসানে দেখুক ধরণী
 জয় হয় কার, দেবেই না মানবের ?

[প্রশ্নান ।

সুমতি । উঃ, রাজা ! এ কি তব উন্মাদ কল্পনা !
 দেব সনে বাদ করি কতক্ষণ রহিবে শান্তিতে ?
 ভগবান্ ! ভগবান্ ! হে তপন !
 কুলশ্রী ! রক্ষা কর সন্তানে তোমার ।

[প্রশ্নান ।

পঞ্চম দৃশ্য ।

বনের পথ ।

জনৈক পর্যটক গাহিতে গাহিতে যাইতেছিল ।

পর্যটক ।—

গীত ।

এই পথে গো এই পথে সে কাঁদিয়ে গেল আমার ।
 ওই যে পায়ের রাঙা আঁতা সবার গারে রঙ মাথার ।

ওই যে তাহার মোহন বেণু বাজছে উতল সুরে,
 ওই যে নুপুর ঝগু-ঝগু বাজছে কেমন মধুরে,
 তুই শোন না ওই ভাল ক'রে—
 ওই যে দোলে বনমালা ফুরফুরে বাতাসে,
 পথের ধুলোয় মধু ছড়ায়,
 তবু কেন দেয় না ধরা চায় না কেন অভাগায় ।

[প্রস্থান ।

অংশুমানকে লইয়া শচীর প্রবেশ ।

শচী । ঝটিকাহত পক্ষিনীর মত কতক্ষণ পক্ষপুটে শাবককে রক্ষা করবো? ওরে অংশু! আর কত দূরে তোদের রাজপ্রাসাদ?
 অংশুমান । আর বেশী দূর নেই মা! এই বনটা পার হ'লেই আমরা অযোধ্যায় উপস্থিত হবো ।

গীত ।

দেশের বাতাসে ওগো পরাগ নাচে আমার ।
 পাখীর তানে জাগায় প্রাণে, এই মাটি গো অযোধ্যার ।
 ওই ফুলের রেণু গন্ধ ছড়ায়, হিম্মার আলা আপনি জুড়ায়,
 পরবাসে নাইকো এমন শান্তি সুখের পারাবার ।

শচী । চল পুত্র, আমার পথ দেখিয়ে নিয়ে চল ।
 নেপথ্যে ইন্দ্র । দেবগণ! দেবগণ! শচীর কবল হ'তে অংশুমানকে কেড়ে নাও ।

অংশুমান । [সভয়ে] মা—মা!

শচী । উঃ, এ কি শিশুবধের সঙ্কল্প তোমার দেবরাজ? কিন্তু শচীর বুক হ'তে কিছুতেই অংশুমানকে কেড়ে নিতে পারবে না । আর—আর মাণিক! ভয় নেই, মা যখন তোর হাত ধ'রে আছে ।

দেবগণ সহ ইন্দ্রের প্রবেশ ।

ইন্দ্র । দেবগণ ! বধ কর—বধ কর অংশুমানকে ।

শচী । চমৎকার স্বার্থের পূজা ! যাও—যাও স্বামী, কলকে মুখ
ঢাকগে ! তুচ্ছ একটা শিশুবধের জন্ত এত আয়োজন ?

ইন্দ্র । অংশুমানকে শীঘ্র দাও শচী ! স্বামীর কার্যের প্রতিবন্ধক
হ'য়ো না ।

শচী । প্রতিবন্ধক হবো, তাতে পাপ হয়, হোক ; তবু মাতৃত্বকে
বিষাক্ত করতে পারবো না ।

ইন্দ্র । বটে ! বটে ! এত শক্তি তোমার ?

শচী । দেবরাজের শক্তি যদি অমিত হয়, তবে ইন্দ্রাণীরও শক্তি
কেন থাকবে না স্বামী ?

ইন্দ্র । দেবে না শিশুকে ?

শচী ! না, দেবো না ; দেখাও স্বামী, তোমাদের অদ্ভুত দেবত্ব-
শক্তি, আর আমিও দেখাই মাতৃশক্তি !

ইন্দ্র । পাপ ! পাপ ! কেড়ে লও—কেড়ে লও অংশুমানকে শচীর
কবল হ'তে ।

অস্ত্রকরে মায়াধরের প্রবেশ ।

মায়াধর । হাঃ-হাঃ-হাঃ ! কই—কোথা অংশুমান ?

ওই যে—ওই যে !—[হত্যায় উদ্বৃত]

শচী । সাবধান ! এক পদ হ'লে অগ্রসর,
হইবে দণ্ডিত ।

ইন্দ্র । ভয় নাই পাপ ! সহায় দেবতা তব ।

ত্রিশূলহস্তে ধর্মের প্রবেশ ।

ধর্ম । ধাম্বিকের সহায় ধর্ম ।
পাপ । এসো ধর্ম, দেখি তব শক্তিতানি !
[ধর্ম ও পাপের যুদ্ধ]

শচী । বাঃ ! বাঃ ! পাপ ও ধর্মেব কি ভীষণ সংঘর্ষণ ! গেল—
গেল, সৃষ্টি বুঝি ছারখার হ'য়ে গেল । একি ! একি ! পাপের প্রভাবে
ধর্মের যে পরাজয় হয় ! ভগবান্ ! একি তোমার ধর্মরক্ষণের নীতি !

চক্রকরে নারায়ণের আবির্ভাব ।

নারায়ণ । হের দেবী, ধর্মরক্ষার কিবা নীতি মোর ।
 জল—জল রে চক্র !
 জ'লে ওঠে অধর্ম-বিনাশে,
 ব্যথাহারী নাম মোর কর বে প্রচার ।

[চক্রঘূর্ণন, চক্র হইতে অগ্নি নির্গত হইতে লাগিল ।]

দেবগণ । নারায়ণ ! রক্ষা কর—রক্ষা কর !

[প্রস্থান

নারায়ণ । যাও ইন্দ্র ! করিলাম ক্রমা ।
 ইন্দ্রাণী জননী ! যাও মা গো—
 অংশুমান ল'য়ে অযোধ্যা-প্রাসাদে,
 আর কেহ আসিবে না হেথা ।
 যাও ধর্ম ! সগরে করহ রক্ষা
 হুরন্ত নির্দয় পাপের কবল হ'তে ।

[অন্তর্দান ।

ধর্ম । এসো মা, আমি তোমার সঙ্গে ক'রে নিয়ে যাচ্ছি । এতক্ষণে
স্মরণ হ'য়েছে দেবী তাঁর আর্তব্রক্ষার অমর-কাহিনী ?

গীত ।

প্রলয়-পন্থোখিনোরে ধৃতবানসি বেদম্,

বিহিত বহিত্ৰ চরিত্রমখেম্,

কেশব ধৃত মীনশরীর জয় জগদীশ হরে ।

অংশুমান । [উহা আবৃত্তি করিতে লাগিল ।]

[দশাবতারের রূপ বর্ণনা করিতে করিতে শচী ও অংশুমানকে-
লইয়া ধর্মের প্রশ্নান ।]

ষষ্ঠ দৃশ্য ।

নিভৃত কুঞ্জ ।

প্রহরীসহ বিদ্যাধর ।

বিদ্যাধর । হোঃ-হোঃ-হোঃ, অবলাসুন্দরী আমার বড্ড ভালবেসে
ফেলেছে ! মাইরী প্রহরী দা ! সে দিন দেখলে না, তোমার সঙ্গে কেমন
রসিকতা করলে ! আমি চাদর চাপা দিয়ে শুয়ে ছিলাম, বল তো দাদা,
তুমি আমার মুখখানা দেখে কেমন ঘাবড়ে গেলো ? হেঃ-হেঃ-হেঃ, তুমি
মনে করেছিলে সত্যই মেয়ে মানুষ ! কি হে, চুপ্ ক'রে রইলে যে ?

প্রহরী । বয়স্ মশাই ! কি ক'রে জানবো যে, আপনি অমন আড়ষ্ট
হ'য়ে পড়েছিলেন ।

বিদ্যাধর । তুমি মনে করেছিলে বোধ হয়, সত্যি সত্যি আমি মেয়ে মানুষ ? কেমন ? ষাক্—ষাক্ ! কিন্তু দেখলে তো দাদা, অবলা আমার কেমন সুরসিকা ! তোমার কেমন ঠকিরে গেল ! ষাক্, গুরুদেবের রূপায় অনেক মেয়ে মানুষ জুটবে । এখন ভাল ক'রে কুঞ্জবনে পাহারা দাও গে, কেউ যেন ঢোকে না । মনে রেখো গুরুদেবের আদেশ ! দেখলে তো গুরুদেবের কতখানি ক্ষমতা ! ছিলে তুমি মহারাজের দলে, এখন টাকা-কড়ি পেয়ে আমার দলে ভিড়েছ । বেশ করেছ, যাও এখন,—গুরুদেব এখনি এসে পড়বেন ।

প্রহরী । যে আজ্ঞে ! [প্রস্থানোত্ত]

বিদ্যাধর । দেখ, নেশা-টেশা একটু আধটু চলে তো ?

প্রহরী । সময় সময় চলে ।

বিদ্যাধর । ব্যস ! তা হ'লে তুমি টিকে যাবে ।

প্রহরী । সেটা আপনার দয়া ।

[প্রস্থান ।

বিদ্যাধর । আজ গুরুদেবের জয়-জয়কার !

মায়াধরের প্রবেশ ।

মায়াধর । দেখবো—দেখবো নারায়ণের শক্তি ! দেখবো নারায়ণ, কেমন ক'রে তুমি পাপকে দমন কর । বিদ্যাধর । বিদ্যাধর ! কুঞ্জ-ছারে প্রহরী নিযুক্ত করেছ ?

বিদ্যাধর । আজ্ঞে, হাঁ প্রভু !

মায়াধর । উত্তম ! এইবার অসমঞ্জার স্ত্রী আর সুরকতির প্রেম-সুধা পান ক'রে জীবন সার্থক করবো । সুরা দাও—সুরা দাও বিদ্যাধর !

বিদ্যাধর । প্রস্তুত ; ধরুন প্রভু ! [সুরা দিল ।]

ত্রিধারা

[দ্বিতীয় অঙ্ক ।

মায়াদর । [সুরাপান] হাঃ-হাঃ-হাঃ ! অসমঞ্জা ! আজ তোমারি
লক্ষ্মুখে দেখবে কি বীভৎসতার সৃষ্টি করি ! কই তোরা সঙ্গিনীগণ !

গীতকণ্ঠে মায়াবিনীগণের প্রবেশ ।

মায়াবিনীগণ ।—

গীত

আজ ভালবাসায় বাঁধবো তোমায় রাখবো স্মৃথে ফাগুন বনে ।
মাথিয়ে দেবো ফুলের রেণু অঙ্গে তোমার সঙ্গোপনে ।
হৃদয়-আসন দেবো পেতে, বাসবো ভাল দিনে-রাতে,
খেলবো প্রেমের হোলিখেল, মাতিয়ে তোমায় আবুল তানে ।

[প্রস্থান ।

মায়াদর । বাঃ—বাঃ ! অতীব সুন্দর !
বিদ্যাধর ! ল'য়ে এসো অসমঞ্জারে,
আর সেই রূপসীদ্বয়েরে ।

বিদ্যাধর । যে আজে !

[প্রস্থান ।

মায়াদর । পাপের প্রভাব আমি দেখাবো ধরায় ;
দেখিব পুণ্যের শক্তি
রহে কতক্ষণ পাপের পীড়নে ।
ইন্দ্র ! ইন্দ্র ! নাহি ভয় ; দেখে যাও—
সগরের অশ্বমেধ পণ্ড তরে
পাপ কিবা বীভৎসের করে অভিনয় ।

অসমঞ্জা, অনিলা ও স্কৃতিকে লইয়া বিদ্যাধরের প্রবেশ ।

বিদ্যাধর । গোয়াল ভক্তি করেছি গুরুদেব !

মায়াধর ।

বাঃ—বাঃ ! দুইজন অনিন্দ্যমুন্দরী—
প্রাণ মন হ'রে নিল মোর ।

[অনিলার প্রতি] এসো প্রিয়ে,
এসো মোর হৃদে, তব পরশনে
হৃদয়ের ব্যথা হোক দূর !

অনিলা ।

একি, কোথা আমি ?
দূর হ'রে পাপের সেবক !
সতী আমি, সতী প্রতি একি অত্যাচার !
স্বামী—স্বামী ! নীরবে দাঁড়ায়ে তুমি ?
চক্ষের সম্মুখে তব স্ত্রীর নির্যাতন,
আছ তুমি নূতনের স্বপনে বিভোর ?
ওগো ! ওগো স্বামী ! দেবতা আমার !
রক্ষা কর সতীধর্ম্য মোর ।

[অসমঞ্জার পদতলে পতন]

অসমঞ্জা ।

মায়াধর ! মায়াধর !
একি তব মুক্তি-অনুষ্ঠান ?

মায়াধর ।

সুস্থ হও !

অসমঞ্জা ।

উদ্দীপনা ভেসে যায় কোথা—
কোথা যায় কর্তব্য আমার ?
আমি যে আমার মাঝে
আমারে না খুঁজে পাই ;
অসমঞ্জা ডুবিয়াছে আঁধার সাগরে ।
কে আছ বান্ধব ? দেখাও আলোক—
কূলে তোল মোরে ।

শ্বাস রুদ্ধ হয়—প্রাণ বৃষ্টি যায় !

মায়াধর ! মায়াধর !

মায়াধর । সাবধান ! এসো—এসো লো সুন্দরী !
কেন কর বিফল প্রয়াস ।

[অনিলাকে ধরিতে উত্তত]

অনিলা । দূর হও ভণ্ডাচারী কুটিল সন্ন্যাসী !
ধর্মের খোলস পরি প্রতারণা করিছ সবায় ?

মায়াধর । বটে ! বিদ্যাধর !
ল'য়ে যাও রমণীরে অন্ধ কারাগৃহে ।
যাও নারী, রুদ্ধ কর্তে চ'লে যাও—
ভাব শুধু মায়াধর কত শক্তিমান ।

বিদ্যাধর । এসো—এসো, গুরুদেবের আদেশ । ওহো গুরুদেব, তুমি
আমায় কতই না খাটাচ্ছে !

[অনিলাকে লইয়া প্রস্থান ।

মায়াধর । ব্যস ! এইবার তুমি হও নারী
আনন্দের সহচরী মোর !

[স্নকৃতিকে ধরিতে উদ্যত]

স্নকৃতি । কে—কে, সন্ন্যাসী—সন্ন্যাসী ?
ভেঙ্গে গেল স্বপ্ন মোর !
কহ—কিবা চাহ তুমি ?

মায়াধর । চাই তব প্রেম ।

স্নকৃতি । উঃ, ভগবান্ ! নাহি কি অশনি তব
পুণ্যের আকাশে ? ফেলে দাও—
ফেলে দাও, চূর্ণ কর পাপীর মস্তক ।

- মায়াধর । কুমার ! কুমার !
উলঙ্গিনী কর রমণীরে ।
- অসমজ্ঞা । মায়াধর—
- মায়াধর । আদেশ আমার করহ পালন ।
- সুকৃতি । কুমার ! কুমার !
রক্ষা কর সতীর সম্মান ।
- মায়াধর । উলঙ্গিনী কর ত্বরা,
কেন মিছে করিছ সংশয় ?
- অসমজ্ঞা । বাঃ—বাঃ, চমৎকার মুক্তির অর্চনা !
কাঁদে সতী আকুল কণ্ঠেতে,
শেল মম বক্ষে বাজে মোর !
কহ মায়াধর ! কেমনে সতীর অঙ্গ
করি' পরশন ? পরনারী মাতা সমা
অবিরাম বাক্ত ধরায় ; হইয়া সন্তান,
কেমনে হরিব বল মায়ের মর্যাদা ?
সৃষ্টি যে উঠিবে কাঁপি—
ছুকারে পড়িবে বজ্র, কালবহ্নি উঠিবে জলিয়া,
রুদ্ধ হবে মুক্তিপথ চিরতরে মোর ।
- মায়াধর । না—না, রুদ্ধ নাহি হবে,
অচিরে দেখাবো তোমা মুক্তির আলোক ।
আজ ওই রমণীর সঙ্গ লাভি
ধন্য কর জীবন তোমার ।
- অসমজ্ঞা । না—না, মায়াধর ! মুছে ফেলি
হৃদি হ'তে মুক্তির স্বপন !

যাক্ মুক্তি দূরে—বহু দূরে,
পারিব না পরনারী করিতে পীড়ন—
পারিব না সতী-অঙ্গ করিতে স্পর্শন ।
জননী গো ! ভয় নাই, আমি যে সম্মান তোরা,
রাখিব অটুট মায়ের সম্মান !

[স্মৃতির হস্ত ধারণ]

মায়াদর । আরে আরে গুরুদ্রোহী দর্পিত যুবক,
দেখ—দেখ তবে প্রভাব আমার ।

প্রহরীসহ সগরের প্রবেশ ।

সগর । আর তুমিও দেখ সন্ন্যাসী, অযোধ্যাপতি সগরের শক্তি-
প্রভাব ! প্রহরী ! বন্দী কর—বন্দী কর ওই দু'জনকে । [প্রহরী
অসমঞ্জা ও মায়াদরকে বন্দী করিল] অসমঞ্জা ! অসমঞ্জা ! পুত্র ! এ কি
তোমার দুর্নীতি-আচার ? ওঃ, তুমি আমার বৃকে বজ্রাঘাত করেছ
কুলঙ্গার ! তোমার জ্ঞা আজ পবিত্র সূর্য্যবংশ কলঙ্কিত হ'তে বসেছে !
একি তোমার কর্ম্মের পরিণতি ? একজন শঠের সঙ্গলাভ ক'রে অমূল্য
মনুষ্যত্বটুকু আজ নরকের অন্ধকারে নিক্ষেপ করতে উদ্বৃত্ত হয়েছ ! আমি
তোমার কঠোর দণ্ডে দণ্ডিত করবো কুপুত্র ! জগৎ দেখবে, সগরের
শাস্তি-শৃঙ্খলাস্থাপনের কি ভীষণ মুক্তি ! আর সন্ন্যাসী ! একি তোমার
মহত্বের পরিচায়ক ? ধর্ম্মের নামে দোহাই দিয়ে এ কি তোমার পাপ-
কর্ম্মের অনুষ্ঠান ? আর যে কেউ সন্ন্যাসীর চরণে মাথা নত করবে না ।
আমি তোমাকেও কঠোর দণ্ডে দণ্ডিত করবো । এদের দু'জনকে
-কারাগারে নিয়ে যাও প্রহরী !

মায়াদর । সগর ! সগর ! শীঘ্র আমার মুক্ত কর ।

গীতকণ্ঠে ধর্মের প্রবেশ

ধর্ম

গীত ।

হ'লো এবার সব অসার ।

ফলিবাজি চল্লো না আর, বল রে জয় হ'লো কার ।

খেলতে এসে পড়লে ধরা, হবে এবার মর্ত্যছাড়া,

ধর্ম আছে সহায় বাহার, ভয় কি তাহার,

কেমন ক'রে করবে ক্ষতি তার ।

[প্রস্থান ।

মায়াদর । ধর্ম ! ধর্ম ! আচ্ছা, এখনো-সময় আছে—তোমার দস্ত
আমি চূর্ণ-বিচূর্ণ করবো । অযোধ্যাপতি ! শীঘ্র আমায় মুক্তি দাও !
জানো না আমি কে—জানো না আমার শক্তি ! দেখবে এখনি,
তোমার সোনার অযোধ্যা ছারখার হ'য়ে যাবে এই সন্ন্যাসীর অদ্ভুত
মন্ত্রবলে ।

সগর । তবু তোমায় মুক্তিদান ক'রে সগর তার রাজনীতির মর্যাদা
নষ্ট করবে না । তুমি দেখাও সন্ন্যাসী তোমার যোগবলের অসীম
শক্তি, আর আমিও দেখাই দুঃদমনের কঠোর নীতি আমার পিতৃকুলের
সুনাম রক্ষা করতে । নিয়ে যা প্রহরী ! [স্কন্ধতির প্রতি] এসো মা,
অযোধ্যাপতি সগর যে তোমার রক্ষক !

স্কন্ধতি । মহারাজ ! কুমারকে মুক্তি দিন ! কুমার যে নিষ্পাপ ।

সগর । নিষ্পাপ হ'লেও সঙ্গদোষে ও অপরাধী, ওকে মুক্তি দিতে
আমি অক্ষম মা ! নিয়ে যাও প্রহরী !

মায়াদর । আরে আরে হীনমতি নর, দেখ তবে মায়াদরের শক্তির

বিকাশ ! কই—কই, কোথায় প্লাবন, ভূমিকম্প, বজ্রপাত—মূর্ত্তিমান
ধ্বংসের অনুচরগণ ! ধ্বংস কর—ধ্বংস কর অযোধ্যা !

[সহসা বজ্রপাত, জলপ্লাবন ও ভূমিকম্প আরম্ভ হইল ।]

সগর । একি ! একি ! সহসা সৃষ্টির একি পরিবর্তন ! বজ্রপাত—
জলপ্লাবন—ভূমিকম্প ! গেল—গেল, সাধের অযোধ্যা বুঝি চিরতরে ধ্বংস
হ'য়ে গেল ! ভগবান্ ! রক্ষা কর—রক্ষা কর তোমার চরণাশ্রিত সগরকে ।
সন্ন্যাসী ! সন্ন্যাসী ! কে তুমি—কে তুমি ? ওই—ওই, আবার—আবার !
গেল—গেল—সব গেল—সব গেল !

[সহসা অগ্নিগর্ভ শূলহস্তে দুইজন পাপ-অনুচর আসিয়া

সগরকে দগ্ধ করিতে উদ্ভত হইল ।]

সগর । ওঃ ! এ আবার কি—এ আবার কি !

অনুচরগণ । হাঃ-হাঃ-হাঃ !

সগর । সৃষ্টি রক্ষা কর দয়াময়, সৃষ্টি রক্ষা কর ! [মূর্চ্ছিত হইলেন ।]

ত্রিশূলহস্তে ধর্ম্মের প্রবেশ ।

ধর্ম্ম । ভয় নেই—ভয় নেই মহামতি সগর ! এই দেখ ধর্ম্মের
প্রতাপ ! দূর হও—দূর হও পাপের সেবক !

অনুচরদ্বয় । উঃ—উঃ, অসহ—অসহ !

মায়াধর । একি ধর্ম্মের অদ্ভুত শক্তি !

ধর্ম্ম । মহামতি সগর ! চেয়ে দেখ, প্রকৃতির ঝড় খেমে গেছে ।
এখন এই দৃষ্ট সন্ন্যাসীকে কারারুদ্ধ ক'রে রাখ ।

সগর । কে তুমি জ্যোতির্শয় মহাপুরুষ, প্রকৃতির এই বিপ্লব-সন্ধিক্ষণে
নির্ভয়তার গুল নিশান তুলে ধরলে ? তোমার চরণে কোটা কোটা প্রণাম !

ধর্ম্ম । আমি তোমার বান্ধব । [প্রস্থান ।

ষষ্ঠ দৃশ্য ।]

ত্রিখারী

মায়াদর । এখনও মুক্তি দাও রাজা !

সগর । অসম্ভব ! নিয়ে যাও প্রহরী !

মায়াদর । অপেক্ষা কর সগর ! আবার আমি নব বলে জেগে উঠবো—তোমার সোনার অযোধ্যা শশ্মান করবো ।

[মায়াদর ও অসমঞ্জাকে লইয়া প্রহরীর প্রস্থান ।

সগর । এসো মা !

সুকৃতি । নিরপরাধ পুত্রকে দণ্ডিত করবে মহারাজ ?

সগর । অসমঞ্জা নিরপরাধ ? না—না, অসমঞ্জা অত্যাচারী, তাকে দণ্ড দেওয়া নীতিসঙ্গত । আমি অসমঞ্জার স্নেহের দাবীকে সাদরে বুকে তুলে নিতে পারি, কিন্তু তার অগ্রায়কে প্রশ্রয় দিয়ে রাজনীতির অবমাননা করতে পারি না ।

[প্রস্থান ।

সুকৃতি । উঃ, রাজা—

[প্রস্থান ।

তৃতীয় অঙ্ক ।

প্রথম দৃশ্য ।

বনপথ ।

গীতকণ্ঠে বনবালাগণের প্রবেশ ।

বনবালাগণ ।—

গীত ।

ঘরে ফিরে চল্, সখি লো, ঘরে ফিরে চল্ ।
ফুলের সাজি শু'রে গেছে আর কি হবে তুলে বল্ ।
রাঙা রবি ডুবলো মোউল বনে,
বাজিয়ে বেণু রাখাল ফেরে আপন মনে,
পড়ছে মনে বঁধুর মধুর হাসি, চোখে আসে জল ॥
গাঁথবি কখন ফুলের মালা, হ'য়ে এলো সাঁঝের বেলা,
ওই বনের বাতাস আঁচল টানে বুঝতে নারি ছল ।

[প্রস্থান ।

ইন্দ্র ও দেবগণের প্রবেশ ।

ইন্দ্র ।

ওই হের দেবগণ ! বনপথে
আসিছে ইন্দ্রাণী অংশুমান-সাথে ;
অংশুমানে আজ বধিতে হইবে ।
সাবধান ! ইন্দ্রাণীর মুখ চাহি
যেন কর্তব্যের ক্রটি নাহি হয় ।

চল সবে অন্তরালে,
তারপর একযোগে আক্রমণ করিবে বালকে ।
[দেবগণ সহ প্রস্থানোত্ত]

গীতকণ্ঠে ধর্মের প্রবেশ ।

ধর্ম ।—

গীত ।

ওগো বাচ্ছ ছুটে কোথা ?
ফুটেবে কাঁটা পায়ে সবার পাবে বিষম ব্যথা ।
মেঘের ডাকে কাঁপবে পরাণ নিভ্বে দিনের আলো,
কেন সব খোয়াবি ওরে পাগল কেন আশুন ছালো,
অসার স্বপন দাও না ভেঙ্গে খোন আমার কথা ।

[প্রস্থান ।

ইন্দ্র ।

ধর্ম ! ধর্ম ! কেন তুমি বারবার
দেবকার্যে হও অন্তরায় ?
জান না কি হে মহান,
যাগ-যজ্ঞ তপস্যা-সাধনাবলে
যক্ষ রক্ষ নর গন্ধর্ব্ব কিন্নর
কাড়ি নিল স্বর্গ-সিংহাসন,
কাঁদিল দেবতা—সাজিল ত্রিধারী ।
তবে কেন দেববন্ধু,
দেবতার কর্মে দাও বাধা ?
চল—চল, ওই আসে শচী !

[সকলের প্রস্থান ।

শচীর হাত ধরিয়া গীতকণ্ঠে অংশুমানের প্রবেশ ।

অংশুমান ।—

গীত ।

বেশী দূর নাহি আর ।

এই যে এসেছি মাগো স্বদেশে আমার ॥

ওই যে বনের ফাঁকে দেখা যায় ঘর,

ওই যে সরযু তোলে কুলু-কুলু স্বর,

ওই যে বিহগী গাহে বসি তরুশিরে,

ওই যে দেশের মাটি মরি কি বাহার ।

শচী ।

চল্ ওরে জননীর আনন্দছগাল,

জননীর স্নেহ-নীড়ে রেখে আসি তোরে ।

হায়, তোরই বিহনে কাঁদে অভাগিনী ;

পুলের জননী আমি,

সে ব্যথা কি পারি রে সহিতে ?

ইন্দ্রাদি দেবগণের প্রবেশ ।

ইন্দ্র ।

আর বুঝি দেবতার

নিদারুণ ব্যথা পারিবে সহিতে ?

হারাইয়া স্বর্গের সম্পদ

আর্জুকণ্ঠে কাঁদিবে দেবতা,

তুমি তাহা সহিবে অম্লানে

দেবতার নারী ? বাঃ—বাঃ !

শচী ।

স্বামী ! স্বামী ! একি ?

উন্মুক্ত রূপাণকরে অমরনিকর !

কহ—কহ, কিবা চাহ আজি,
 কিবা হেতু আগমন হেথা ?
 হেরি সবাকার মুরতি ভীষণ
 থর-থর কাঁপিছে পরাণ ; না জানি
 বনের পথে যদি কোন ঘটে অঘটন ।
 ইন্দ্র । অঘটন ঘটবে ইন্দ্রাণী !
 এখনি শিশুর রক্তে বনভূমি হইবে প্লাবিত ।
 শচী । সে কি দেবরাজ ?
 ইন্দ্র । ত্যজ ত্বরা সগরপৌত্রেরে ;
 বিনাশিয়া ওরে
 কথঞ্চিৎ প্রতিশোধ করিব গ্রহণ ।
 অংশুমান । মা !—মা !
 শচী । নির্ভয় সন্তান ! আছ তুমি
 মায়ের বুকেতে ; কার সাধ্য
 তোমার কোমল অঙ্গে করিবে আঘাত
 ইন্দ্র । বিদ্রোহিণী হইও না শচী !
 তুচ্ছ নরের সন্তান ল'য়ে
 কেন কর স্বামী সহ বাদ ?
 শীঘ্র ওরে মম করে করিয়া অর্পণ
 স্বর্গে চ'লে যাও,
 কেন মিছে অশান্তির করিছ সৃজন ?
 শচী । সুন্দর মীমাংসা ! এই নিবিড় বনের পথে
 বান্ধববিহীন মাতৃহারা শিশুরে ফেলিয়া
 স্বর্গে যাবো চ'লে,

আর পরক্ষণে বৃন্ত হ'তে ঝরুক্ কুমুম ?

না—না, চ'লে যাও দেবরাজ !

শক্তি পক্ষিণী সমা

পরুপুটে রেখেছি সন্তানে,

কেমনে তুলিয়া দিব মরণের কোলে ?

মা ব'লে ডেকেছে শিশু,

মাতৃ-দুর্গ করেছ বিচূর্ণ ;

কহ স্বামী, কেমনে রাক্ষসী সমা

সেই রত্ন করিব ভক্ষণ ?

ইন্দ্র ।

ওঃ ! এতদূর স্পর্ধা তব ?

তাই সেই দিন দেবসভা হ'তে

ল'য়ে এলে এ বালকে

দেবগণে করি অপমান !

পত্নী বলি সেই অপরাধ

করেছি মার্জনা, কিন্তু নাহি হবে আর ;

ঔদ্ধত্যের পাবে শাস্তি জানিও পৌলমী !

শচী ।

শাস্তি ? শাস্তি তব এ অধিনী

লবে মাথা পাতি, কিন্তু নারিবে দেবেন্দ্র

বুক হ'তে ছিনাইয়া নিতে এই

ফুটন্ত প্রসূনে । মাতৃহারা এ সন্তানে

দিয়ে মোর মাতৃ-শক্তি

মরণের গতিরোধ করিব এখনি ।

ওগো স্বামী ! একি তব কর্ণের আচার ?

স্বার্থ তরে একি তব হীনতার বেশ ?

আজ যদি এ বালকে
কর বধ জিঘাংসার বশে,
দেশে দেশে ঘোষিবে কুশল তব—
কলঙ্কিত হবে তব দেবত্ব-মহিমা ।

ইন্দ্র ।

কোন কথা শুনিব না আজ,
স্বার্থপূজা করিব আমার ।
ছেড়ে দাও—ছেড়ে দাও ওরে,
নতুবা ইন্দ্রের বজ্র আসিবে গর্জিয়া,
তোমা সহ ও বালকে পাঠাইব শমনসদনে ।

শচী ।

আমুক—আমুক বজ্র,
আমুক ত্রিশূল চক্র দণ্ড পাশ সম্মুখে আমার !
বক্ষে ধরি এই রত্নে
অত্রি সম দাঁড়াবে ইন্দ্রাণী,
দেখি, বিশ্বে আছে কি না ধর্মের প্রভাব,
আছে কি না ভগ্নমানের করুণা !

ইন্দ্র ।

দেবগণ ! দেবগণ ! কর অস্ত্র বরিষণ,
এয়া ধর্ম কর পরিহার ।

শচী ।

ভগবান্ ! ভগবান্ !
রক্ষা কর—রক্ষা কর বিপন্ন নারীরে—
দেখাও তোমার শক্তি পাপের সংঘারে ।

[সহসা কল্লোলধ্বনি]

[নেপথ্যে—প্লাবন—প্লাবন ! ডুবে গেল—সব ডুবে গেল !]

ইন্দ্র ।

ও কি ? ও কি ?
হের—হের দেবগণ !

ফেনিল সিকুর জল ছুঁরবে
 ওই ছুটে আসে ! ওই—ওই
 ডুবে যায় সব ! একি দৈব-বিড়ম্বনা ?
 চল—চল সবে প্রাণরক্ষা করি ।

[দেবগণের প্রস্থান ।

শচী । ওই—ওই আসে উচ্ছ্বসিত অলধারা !
 কোথা রাখি—কেমনে বাঁচাই
 সস্তানেরে মোর ? নারায়ণ ! নারায়ণ !
 একি তব লীলার চাতুর্য্য !
 অকূল পাথার পার কব—
 পার কর ওগো কর্ণধার !

ক্ষেপণিহস্তে গীতকণ্ঠে বালকবেশী নারায়ণের প্রবেশ ।

নারায়ণ ।—

গীত ।

এসো আমার নায়ে আমি পার করে আজ দেবো তোমারে ।
 আমার তরী শক্ত ভারী, পাড়ি দেয় গো পাথারে ।
 ঝড় তুফানে ছলে ছলে, চলে তরী পালটি তুলে,
 পাকা মাঝি হই যে আমি চেনে সবাই আমারে ।
 এসো আমার সঙ্গে এসো, ওই তরীতে বসবে এসো,
 ভয় ক'রো না বসতে তাতে, আমার ভয় খোঁচাতে আসা রে ।

[সকলের প্রস্থান ।

দ্বিতীয় দৃশ্য :

অবলার বাটী ।

বিদ্যাধর ।

বিদ্যাধর । হায়-হায়-হায় ! সর্বনাশ হ'লো—সর্বনাশ হ'লো ! গুরু-
দেব আমার শ্বশুরবাড়ী গচ্ছং করলেন । কি ভয়ঙ্কর ব্যাপার ! মানুষ
হ'য়ে দেবতাকে কারাগারে ঢুকিয়ে দিলে ! ধন্য তুমি সগর রাজা !
অমন ক্ষমতা না থাকলে কি আর তোমার বাট সত্তর হাজার ছেলে
হয়েছে ! কিন্তু আমি এখন কি করি ? যুবরাজও বন্দী, টাকা পয়সারও
ঋণে অভাব হয়েছে । এদিকে অবলা বেটীর আস্তানাতে থাকাও ভার
হ'য়ে উঠেছে ! বেটীর কি কড়া ভাগাদা ! বেটী ধারে কারবার করতে
মোটাই রাজী নয় ।

অবলার প্রবেশ ।

অবলা । কি মিস্স. বলি টাকাকড়ি এনেছিস তো ?

বিদ্যাধর । [স্মৃত] সর্বনাশ ! আবির্ভাবেই কি চমৎকার সম্ভাষণ !

অবলা । বলি কথা কইছিস্ না যে ?

বিদ্যাধর । ভীষণ অশ্লল অবলা—ভীষণ অশ্লল ; এইবার বোধ হয়
কম্বল চাপা দিতে হবে ।

অবলা । তাই কথা কইতে পারছো না ! ও সব ধাপ্লাবাজি রেখে
দাও ষাছ ! ফেল কড়ি মাথো তেল, ফুরিয়ে গেল কথা ।

বিদ্যাধর । হেউ ! উঃ, ভীষণ উদগার ! স'রে ষাও—স'রে ষাও,
নইলে বৌ ক'রে উড়ে যাবে ! হেউ—হেউ !

অবলা । [সরিয়া গিয়া] বেরো—বেরো বলছি ! এখনি গারে

বমি ক'রে দিতো গা ! ভাগিা ম'রে এসেছি ! বেশ হয়েছে তো'র
অঙ্গল হয়েছে ; এখন মানে মানে পরমা কড়ি দে তো দেখি !
নইলে আজ রসাতল হবে । আজ ক'দিন হ'লো পরমা বাকী পড়ছে ।

বিদ্যাধর । আরে বাকী পড়ুক না, নতুন খাতার সব মিটিয়ে
দেবো । ওহো, তুমি দান কর—দান কর অবলা ! যতই করিবে দান,
তত যাবে বেড়ে ।

অবলা । তবে রে আঁটকুড়ির ব্যাটা ভেড়ের ভেড়ে ! [প্রহার]

বিদ্যাধর । উহ-হু ! অবলা ! তুমি আমার মারলে ! [কৌপাইয়া
কৌপাইয়া কাঁদিতে লাগিল ।]

অবলা । [স্বগত] আহা, মিসেকে বুকি সত্যি সত্যিই লেগেছে !
কেন মরতে মারলুম গা ! অস্থানে লেগে যায় নি তো ! এ্যা, মিসের
কায়া দেখে আমারও কাঁদতে ইচ্ছে করছে ! [প্রকাশে] ওরে আমি
তোকে কেন মারলুম রে—[বিদ্যাধরের গলা জড়াইয়া ধরিয়া ক্রন্দন]

বিদ্যাধর । ওহো-হো ! [ক্রন্দন]

অবলা । ও-হো-হো—[ক্রন্দন]

প্রহরীর প্রবেশ ।

প্রহরী । আরে, একি হে বিদ্যাধর দাশা ? বলি অত কাঁদছো
কেন ? কে মারা গেল ?

অবলা । ওমা, প্রহরী মিসে যে ! ছিঃ-ছিঃ-ছিঃ ! দে—দে মিসে,
টাকা দে, নইলে আজ তোকে রাজার কাছে ধ'রে নিয়ে যাবো ।
[বিদ্যাধরের আঁচল ধরিল ।]

বিদ্যাধর । এ্যা, এ আবার কি হ'লো ? আরে কাপড় খুলে
যাবে যে !

অবলা । খুক ! টাকা না দিলে কিছুতেই ছাড়বো না ।

প্রহরী । ওহে অবলা সুনন্দরী ! বলি ব্যাপারখানা কি ? এখনি ভেট-ভেট ক'রে কাঁদছিলে, আবার এখনি—

বিদ্যাধর । বল তো—বল তো দাদা, কি রকম মেয়েমানুষ ! হাসতেও জানে, কাঁদতেও জানে । সত্যি কথা বলতে কি, অবলা আমার বড়ই সুরসিকা ।

প্রহরী । তা তো দেখতেই পাচ্ছি । যাক অবলা, আজকের মত বিদ্যাধর ভায়াকে ছেড়ে দাও ।

বিদ্যাধর । ছেড়ে দাও, প্রহরী ভায়া যখন বলছে—

অবলা । বেশ, আজ ছেড়ে দিলুম ; রাত পোহালে পরস্য দিতেই হবে. নইলে কারু বাবার খাতির রাখবো না ।

[প্রস্থান ।

বিদ্যাধর । দেখলে ভায়া, বেটী কি রকম ধড়িনাজ মেয়েমানুষ !

প্রহরী । বেটীকে কিন্তু—

বিদ্যাধর । কিন্তু—তার মানে ?

প্রহরী । তার মানে—

বিদ্যাধর । “আহা, ব'লেই ফেল না হে, লজ্জা কি ? তুমি আর আমি ছাড়া এখানে তো আর কেউ নেই !

প্রহরী । দেখ দাদা, বেটীকে নিয়ে একদিন যজ্ঞ করতে হবে। বেটীর বিস্তর পরস্য। বেটীকে কোন রকমে কাঁসাতে পানলে আর টাকার জন্তে ভাবতে হবে না ।

বিদ্যাধর । কি উপায়ে টাকা হস্তগত করা যাবে অরী, একটা মন্তলব ঠিক কর । বেটী কিন্তু ভারী ঘানী ।

প্রহরী । দেখ দাদা ! বেটী ফি বছর কার্তিকপূজা করে । আমি

এখন গণৎকার সেজে বেটাকে ব'লে আসবো যে, স্বয়ং কার্তিক এসে তোকে কৈলাসে নিয়ে গিয়ে দিনকতক রেখে দেবে, তারপর তুই গণ্ডা কতক ছেলে নিয়ে বাড়ী ফিরে আসবি। তবে কার্তিককে এক সহস্র মুদ্রা পূজা দিতে হবে, নইলে কৈলাসে যাওয়া হবে না, আর ছেলেও হবে না।

বিদ্বাধর। আরে বল কি ভায়া?

প্রহরী। তুমি কি দাদা এখানে নতুন এসেছ? কিছুই জান না? ছেলের জন্তে বেটার বেজায় সাধ। কার্তিকের মত ছেলে পাবে ব'লে খুব ধুমধাম ক'রে কার্তিক পূজা ক'রে।

বিদ্বাধর। কিন্তু বেটা যে বিধবা! ছেলে হবে কি ক'রে?

প্রহরী। দেবতার বরে—দেবতার বরে।

বিদ্বাধর। বল কি? বিধবার ছেলে হবে?

প্রহরী। হবে—হবে! যখন হবে, তখন দেখতে পাবে।

বিদ্বাধর। কিন্তু কার্তিক কি সত্যি সত্যিই আসবে?

প্রহরী। আরে দাদা, তুমি কিছুই বোঝ না! কার্তিক তুমি সাজবে। তারপর যে দিন তার কাছে যেতে হবে, আমি ব'লে দেবো। তুমি দিব্যি কার্তিক সেজে অবলার কাছে হাজির হবে, আর এক সহস্র মুদ্রা চাইবে—ব্যস! কিন্তু দেখো দাদা, শেষকালে ভাগ-বাঁটরা নিয়ে যেন কেলেঙ্কারী ক'রো না; তা হ'লে সব ভেসে যাবে।

বিদ্বাধর। কার্তিক সাজবো কি ক'রে?

প্রহরী। আমি সাজিয়ে দেবো দাদা! কেউ চিন্তে পারবে না।

বিদ্বাধর। ময়ূরে চ'ড়ে উপস্থিত হ'তে হবে তো?

প্রহরী। এমনি হেঁটে গেলেই হবে! জিজ্ঞেস করলে বলবে, ময়ূরটার অস্থখ করেছে।

তৃতীয় দৃশ্য ।]

ত্রিশায়া

বিদ্যাধর । বাস্! যাই বল ভায়া, তোমার মাথা কিন্তু আচ্ছা !
প্রহরী । যাক্, আমি এখন গণৎকার সাজতে চলুম, তারপর
তোমায় কার্তিক সাজিয়ে দেবো ।

বিদ্যাধর । কিন্তু গুরুদেব যদি জানতে পারেন ?

প্রহরী । গুরুদেব তো এখন কাবাগারে । আর জান্বেই বা কি
ক'রে ? আমি এখন চলুম ! সাবধান, যেন কাউকে ব'লে ফেলো না দাদা !

বিদ্যাধর । রাধেগ্রাম ! মাইরি ভায়া, তুমি যেন কি !

প্রহরী । আমি কি ?

বিদ্যাধর । তুমি যেন বৃহস্পতি !

প্রহরী । কেমন চাকরী করি ! মাথা খুল্বে না ? [প্রস্থান ।

বিদ্যাধর । ব্যটার মতলব তো বড় মন্দ নয় ! যাই হোক, টাকার
কিন্তু ভাগ দেওয়া হবে না । সেই টাকা নিয়ে দিনকতক এখন অবলাকে
সবলা করা যাবে ।

[প্রস্থান ।

তৃতীয় দৃশ্য ।

কারাগার ।

চিন্তামগ্ন মায়াধর ।

মায়াধর । উঃ, এ কি পরিণাম আমার ! তুচ্ছ মানবের করে প্রবল
প্রতাপশালী পাপ আজ বন্দী ! অদ্ভুত দৈবের শক্তি ! সগরের কারাগারে
পাপ বন্দী, এ সংবাদ কি দেবতারা জেনেছে ? বোধ হয় এখনো জানতে

ত্রিখান্না

[তৃতীয় অঙ্ক ।

পারে নি ! জান্তে পারলে হয় তো এতক্ষণ তারা এখানে এসে পড়তো ।
তাই তো, বিদ্যাধরই বা কোথায় গেল ? মানবের কারাগারে পাপ
আজ বন্দী ! উঃ, কি নিদারুণ অপমান ! ওই না ধর্মের বিক্রপ-কটাক্ষ !
ওই সারা বিশ্ব আমার টিটকারি দিচ্ছে । অসহ—অসহ !

গীতকণ্ঠে ধর্মের প্রবেশ ।

ধর্ম ।—

গীত ।

তোমার হাতের পাশা উণ্টে গেল ভাই ।
নিরাশার এই আঁধার এবার তোমার হ'লো ঠাই ।
ধর্ম যেথায় জয় কি তোমার হয় রে তথায়,
হয় ছুটোছুটিই সার,
কেবল গড়িয়ে পড়ে অশ্রুধার,
এখন শুনবে কে আর তোমার কথা, কেউ যে তোমার নাই,
হবে ধর্মের জয়—হবে ধর্মের জয় ।

[প্রস্থান ।

মায়াধর । ধর্ম ! ধর্ম ! চিরশত্রু আমার । দাঁড়াও—দাঁড়াও দাস্তিক !
আগে কারাগার হ'তে উদ্ধারলাভ করি, তারপর ! তাই তো, উদ্ধারের
তো কোন উপায় দেখছি না । অতুল দেবশক্তি, তাও তুচ্ছ হ'লো ।
এমনিভাবে কি চিরদিন বন্দী হ'রে থাকবো ?

প্রহরীসহ সগরের প্রবেশ ।

সগর । না বন্দী, আর তোমার সগরের কারাগারে বন্দী হ'রে থাকতে
হবে না ; আমি স্বয়ং এসেছি তোমার মুক্ত ক'রে দিতে । প্রহরী ! মুক্ত
ক'রে দে ! [প্রহরী বন্ধনমুক্ত করিয়া দিল ।] যাও ব্রাহ্মণ ! ভয় নাই ।

মায়াধর । সগর !

সগর । অবাক হ'য়ো না দ্বিজ ! আমি অনুতপ্ত, আমার শত অপরাধ তুমি মার্জনা ক'রে যাও । আমি ভ্রমের বশে তোমার বন্দী করেছিলুম । তুমি ব্রাহ্মণ—জাতির শ্রেষ্ঠ ; তোমার আদর্শে এই ভারতের প্রাণপ্রতিষ্ঠা । ব্রাহ্মণ যদি তার জাতীয় মহিমা ভুলে গিয়ে ক্রুর বৃত্তি নিয়ে ছুটে আসে—আসুক, সগর কিন্তু ব্রাহ্মণের পূজা করতে কখনো কুণ্ঠিত হবে না । আশীর্বাদের বিনিময়ে অভিশাপ ঢেলে দিলেও আমি ব্যথা পাবো না ব্রাহ্মণ, ব্রাহ্মণের পূজাই করবো । যাও দ্বিজ, তুমি মুক্ত ।

সুমতির প্রবেশ ।

সুমতি । দিও না—দিও না রাজা, ব্রাহ্মণকে মুক্তি দিও না । ব্রাহ্মণ নয়—ব্রাহ্মণ আকারে ও জীবন্ত রাক্ষস ; এসেছে অযোধ্যার সমস্ত বৈভব সম্পদ গ্রাস করতে । দেখুছো না ওই ব্রাহ্মণের ক্রুর দৃষ্টি কত ভয়ঙ্কর ! বন্দী ক'রে রাখ রাজা—বন্দী ক'রে রাখ । ওরি জন্ম দেবতুল্য পুত্র অসমঞ্জা আমার বিপথগামী হয়েছে । ওকে মুক্তি দিও না রাজা !

সগর । না রাণী, তা কি হয় ! ব্রাহ্মণ কারাগারে ব'সে বেদনার দীর্ঘশ্বাস ত্যাগ করবে, তাতে কি অযোধ্যার মঙ্গল হবে রাণী ? ব্রাহ্মণের অস্তরে যাই থাকুক না কেন, তবু ব্রাহ্মণ ব্রাহ্মণ ; তার চরণে মাথা নত না করলেও তার জাতির মহিমার উদ্দেশে প্রণাম করা সবারি কর্তব্য ।

সুমতি । ব্রাহ্মণ নয়, ও শত্রু !

সুমতি । শত্রু হ'লেও ব্রাহ্মণ ।

ধর্মের প্রবেশ ।

ধর্ম । মিথ্যা কথা ।

সগর । মিথ্যা ? কে তুমি মহাপুরুষ ?

ধর্ম । আমি ধর্ম ; আর ওই ব্রাহ্মণবেশধারী মূর্ত্তিমান পাপ ; এসেছে ইন্দ্রের আদেশে তোমার সর্বনাশ করতে । কিছুতেই ওকে মুক্ত ক'রে দিও না, ওকে কঠোর দণ্ডে দণ্ডিত কর ।

সগর । চমৎকার ! চমৎকার দেবরাজের দেবত্বরক্ষার নীতি । তুচ্ছ মানবের প্রতি শক্রতাসাধনের কি ভীষণ পৈশাচিক অভিনয় ! অংশুমান ! ওঃ—রাণী, অংশুকে আমার—যাক্—যাক্—সব যাক্, তুমি আমার প্রতি কর্ণে বিপর্যয় সৃষ্টি কর দেবেন্দ্র ! কিন্তু সগরের অশ্বমেধ মহাযজ্ঞ কিছুতেই রোধ করতে পারবে না । যাও পাপ ! যখন তুমি পূজার সাজে সজ্জিত হয়েছ, তখন ওই পূজার সজ্জারই মর্যাদা আমি রক্ষা করলুম ।

ধর্ম । সে কি মহারাজ ?

সগর । তুচ্ছ মানবের প্রতিহিংসাসাধন । দেবতার রোষানলে আমার সর্বস্ব যাক্—অযোধ্যার বুক হ'তে বেদনা সহস্র ঝঙ্কার দিয়ে উঠুক—পল্লবিত তরুরাজি প্রবল ঝটিকাঘাতে ধূলিসাৎ হোক ! ধর্ম ! আমি যখন তোমায় পেয়েছি, তখন আর কিসের অভাব আমার ? আমি তোমারি হাত ধ'রে অকুল সাগর পার হ'য়ে যাবো । যাও—যাও দেবতা, চ'লে যাও ; প্রতিদানে তুচ্ছ মানব এর বেশী আর কিছু তোমায় দিতে পারলে না । [প্রণাম]

[মায়াদরের প্রস্থান ।

ধর্ম । সর্বনাশকে ডেকে আনলে রাজা !

[প্রস্থান ।

সগর । না—না, আমি সর্বনাশকে ডেকে আনি নি বন্ধু, আমি ডেকে এনেছি আমার আরাধ্য বিগ্রহকে । সগরের যেন সব যায়, কিন্তু ধর্ম যেন যায় না ।

সুমতি । তা হ'লে এইবার অসমঞ্জাকে মুক্ত ক'র দেবে চল রাজা ! সে যে আমাদের পুত্র—অযোধ্যার ভাবী অধীশ্বর ; তাকে ক্ষমা করা কি তোমার কর্তব্য নয় ? অংশুমান দেবতা কর্তৃক অপহৃত—অসমঞ্জা বন্দী—বধুমাতাও নিরুদ্দেশ । ওঃ, একি সংসারে অশান্তিব আশুন জ'লে উঠলো ! যজ্ঞের সঙ্কল্প ত্যাগ কর রাজা ! যজ্ঞ আবশ্য হ'তে না হ'তেই যে পূর্ণাহুতি হ'য়ে যায় ।

সগর । তা হোক রাণী ! নিয়তি এসে পূর্ণাহুতি দিক, আমি কাঁপবো না—টলবো না—সঙ্কল্পচ্যুত হবো না । দেখি, সগরের অশ্বমেধ যজ্ঞের পূর্ণাহুতির পথে ভগবান্ তাঁর কত লীলার প্রকটন করেন ।

প্রহরীর দ্রুত প্রবেশ ।

প্রহরী । মহারাজ ! মহারাজ ! যুবরাজ কারাগারে নাই ।

সগর । অসমঞ্জা কারাগারে নাই ?

অসমঞ্জা ও মায়াদরের প্রবেশ ।

অসমঞ্জা । নাই—নাই—হাঃ-হাঃ-হাঃ ! অসমঞ্জা মুক্ত ।

সগর । একি ! একি মুক্তি !

মায়াদর । বধ কর বৃদ্ধ রাজাকে ।

সগর । অসমঞ্জা ! একি তোমার স্বেচ্ছাচারিতা—একি তোমার রিত্রের বিকাশ ?

সুমতি । ওরে পুত্র ! একি তোমার পরিবর্তন ? তুমি তো এমন ছিলে না পুত্র ! তুমি যে মাতৃ-পিতৃভক্ত সুপুত্র ছিলে ! বল পুত্র, কেন তুমি এমন হ'লে ?

অসমঞ্জা । বলবার শক্তি নেই, আমার এখন নূতন জীবনলাভ ।

মায়াদর ! ব'লে দাও কি বলবো ? আমার কণ্ঠ যে রুদ্ধ হ'য়ে আসছে—
প্রতিহিংসাদীপ্ত হস্তের উত্তত অসি যে আপনা হ'তেই খ'সে পড়ছে !
আমি, কি করি বন্ধু ? সৃষ্টি কাঁপছে—আকাশ ভেঙ্গে পড়ছে ! গেল—
গেল, অসমঞ্জা বৃষ্টি পাতালের অন্ধকারে মিশে গেল !

মায়াদর । দৃঢ় ক'রে অস্ত্র ধর কুমার ! অপমানের প্রতিশোধ গ্রহণ কর ।

অসমঞ্জা । অপমান ? পিতার নিকট পুত্রের অপমান ? অপরাধী
পুত্রকে দণ্ডিত করলে কি পুত্রের অপমান করা হয় মায়াদর ? বল—
বল মায়াদর, তেমন পুত্র কি আমাদের দেশে আছে, যারা অপমানের
প্রতিশোধ নিতে পিতার বিরুদ্ধে অস্ত্র নিয়ে দাঁড়ায় ? না—না, তেমন
পুত্র এই আৰ্য্যভূমি ভারতে নেই । বল, যদি থাকে, আমি সেই
পুত্রের হৃদপিণ্ডটা তুলে এনে উচ্চকণ্ঠে বলি, পিতা স্বর্গঃ, পিতা ধর্ম্যঃ,
পিতাহি পরমস্তুপঃ, পিতরি প্রীতিমাপনৈ প্রিরন্তে সর্বদেবতা ।

মায়াদর । কুমার ! কুমার !

অসমঞ্জা । আমি পারবো না মায়াদর—আমি প্রতিশোধ নিতে
পারবো না ; আমি পুত্র হ'য়ে পিতার বিরুদ্ধে অস্ত্র ধরতে পারবো
না । ওই—ওই দেখ মায়াদর, জীবন্ত দেবদেবী—করুণার মূর্ত্তিমূর্ত্তি !
আমি পারবো না মায়াদর—আমি পারবো না—

[প্রস্থান ।

মায়াদর । কুমার ! কুমার !

[পশ্চাত্তাবন ।

সগর । এ আবার কি বিভীষিকা রানী ? অসমঞ্জার এ কি অদ্ভুত
পরিবর্ত্তন ?

সুমতি । ওই ছরস্তু পাপের মোহকরী মন্ত্রে অসমঞ্জা কিপ্তপ্রায় ;
কি হবে রাজা ?

সগর । উঃ, ভগবান্ ! অভয় দাও আমায় ! আমার সোনার সংসার
ছারখার ক'রে দিও না । অসমঞ্জার বিরুদ্ধে সহস্র অভিযোগ আমার
কর্ণে এসে পৌঁছাচ্ছে রানী ! সেই ব্রাহ্মণকন্যা স্মৃতির প্রতি—

স্মৃতির প্রবেশ ।

স্মৃতি । না মহারাজ ! যুবরাজ যে আমার পুত্র ।

সগর । সে কি মা ?

স্মৃতি । সত্যই মহারাজ ! সে আমার পুত্র ; আমায় মা ব'লে
ডেকেছে—আমিও তাকে মাতৃস্নেহ ঢেলে দিয়েছি । কই—আমার পুত্র
কই ? শুন্নায সে না কি পিতৃহত্যা করতে এখানে এসেছে, তাই
তাকে ফিরিয়ে নিয়ে বাবার জন্ত ছুটে এলুম ।

সগর । সমস্তই দেখছি ছায়াবাজি !

স্মৃতি । সবই সেই পাপের মায়ামিথ্যার খেলা । পাপের মায়ার
মুগ্ধ হ'য়ে, ওগো রাজা ! পুত্রের প্রতি নির্মমতা দেখিও না । পুত্র
তোমার মানুষ নয়—শাপভ্রষ্ট দেবতা ।

স্মৃতি । বল মা, এখন কি উপায়ে অসমঞ্জাকে পাপের করাগ
কবল হ'তে টেনে আনি ?

স্মৃতি । ভগবান্কে ডাকো মা ! এক ভগবান্ ব্যতীত কেউ তাকে
ফেরাতে পারবে না । যাই দেখি, পুত্র আমার কোঁথায় গেল ! [প্রস্থান ।

সগর । সবই যে আমার স্বপ্ন ব'লে মনে হ'চ্ছে রানী ! যাই হোক,
সত্য হোক—মিথ্যা হোক অসমঞ্জা অপরাধী, আমি তাকে দণ্ড দেবো—
রাজ্যের অশান্তি দূর করবো । তারি জন্ত যখন রাজ্যের অশান্তির অনল
জ্বলে উঠেছে, তখন আর তার মুখ চেয়ে আমার সোনার রাজ্যকে
শ্রীহীন করতে পারবো না ! [প্রস্থান !

ত্রিধারা

[তৃতীয় অঙ্ক ।

সুমতি । না—না, পুত্রকে দণ্ড দিও না রাজা—দণ্ড দিও না !
অসমঞ্জা আমার কুপুত্র নয়, সত্যই সে স্বর্গভ্রষ্ট দেবতা ।

[প্রস্থান ।

চতুর্থ দৃশ্য ।

নির্জন স্থান ।

অনিলাকে বন্ধন করতঃ বিদ্যাধরের প্রবেশ ।

বিদ্যাধর । সাবাস ! সাবাস গুরুদেব ! স্বপুত্রবাড়ী হ'তে সটাং
ফিরে এলেন ! এসেই ব্যস ! যাই হোক, দিনগুলো আমার আনন্দে
কেটে গেলেই হ'চ্ছে ! থাকো সুন্দরী, গুরুদেব আমার এখনি আবির্ভূত
হবেন । যাই—আমি এখন ষড়ানন সাজবার ব্যবস্থা করি গে ।

মায়াদরের প্রবেশ ।

মায়াদর । বিদ্যাধর ! বিদ্যাধর ! সুন্দরীকে নিয়ে এসেছ ?

বিদ্যাধর । আজ্ঞে, বহুক্ষণ ! আপনি এখন যা হয় করুন, আমি
পশ্চাৎকার করি । হয় তো আমার জন্ত অব—থুড়ি—আমি এখন আসি ।

[প্রস্থান ।

মায়াদর । অপমান ! আমার অপমান ! আরে আরে পিতৃ-মাতৃভক্ত
অসমঞ্জা ! তুমি আমার আদেশ উপেক্ষা ক'রে চ'লে এলে ? দাঁড়াও,
আজ তোমার দস্ত অহঙ্কার চূর্ণ-বিচূর্ণ করবো । উঃ ! মায়াদরের সমস্ত
মায়াবিদ্যা আজ ব্যর্থ হ'য়ে গেল ! কে—কে আমার দেবশক্তি ব্যর্থ
করলে ? কার এত স্পর্ধা ?

গীতকণ্ঠে বৈরাগ্যের প্রবেশ ।

বৈরাগ্য ।—

গীত ।

আমি তোমার শক্তি দলিয়া জানেরি আলোক জালিয়া—
 নিয়ে যাবো তারে স্নিগ্ধ ছায়ার মরমবেদনা নাশিয়া ।
 করিব বিফল তোমার আশা, তুলিব বাঁশীতে তান,
 আঁধারে জড়িত কণ্টকপথে, করিব সুযমা দান,
 হতাশে অশ্রু পড়িবে গলিয়া মহিমা আমার হেরিয়া ।

[প্রস্থান ।

মায়াধর । বৈরাগ্য ! বৈরাগ্য ! ধর্মের সুহৃদ ! আমার ভয় দেখাতে
 এসেছ ? হাঃ-হাঃ-হাঃ ! সারা বিশ্ব যে আমার ভয়ে কম্পিত ! যাও
 বৈরাগ্য ! পারবে না তোমরা আমার উত্তাল তরঙ্গের গতিরোধ করতে ।
 অযোধ্যার বুকথানা দ'লে চ'ষে সমভূমি ক'রে দেবো । পাপের সে
 দুর্জয় মূর্তি দেখে সৃষ্টি থর-থর ক'রে কেঁপে উঠবে । সুন্দরী ! সুন্দরী !

অনিলা । উঃ ! আবার এসেছ ভণ্ড সাধক ? যাও—যাও ! তাই
 তো, কোথায় গেল আমার অংশুমান ? কোথায় গেল আমার স্বামী ?
 এ আমি কোথায় এসেছি ?

মায়াধর । এসেছ তুমি বসন্তহসিত কুঞ্জকাননে । আজ তোমার
 মানবী জন্ম সার্থক হবে সুন্দরী ! ভণ্ড সাধক ব'লে আমার তুচ্ছ মনে
 ক'রো না ; ওই দেখ আমার-বিভূতি বিদ্যা !

[অন্তর্দ্বান ।

[সহসা কোকিল ডাকিয়া উঠিল, বসন্তের আবির্ভাব হইল,
 মৃদল বাতাস বহিতে লাগিল, ভ্রমর গুন্‌গুন্‌ করিতে
 লাগিল, পুষ্প ফুটিয়া উঠিল ।]

অনিলা । এঁগা, একি ! সৃষ্টির নব বিকাশ ! বসন্তের মধুর হিল্লোল—
কোকিলের কুহতান—ভ্রমরের গুঞ্জরণ—পুষ্প রূপের ডালা নিয়ে ফুটে
উঠলো ! এ আবার আমি কোথায় এলুম ! ও কি—ও কি, ও আবার কি ?

গীতকণ্ঠে ফুলশরহস্তে মায়াবিনীগণের প্রবেশ ।

মায়াবিনীগণ ।—

গীত ।

পিককুহরিভ মঞ্জুল কুঞ্জে

ওই লো আসে ওই মনোচোরা ।

উছলিত যৌবন নন্দিত মঞ্জিলে

চাঁদের জোছনা দেয় আপনি ধরা ।

হানিব ফুলবাণ, কেড়ে লব কুলমান,

বিরহিনী কেন আর, বিরহের আঁখিধাব,

ওই যে আসে প্রিয় বাস তনুভরা ।

অনিলা ।

দূর হও—দূর হও নাগিনীর দল !

হলাহল কেন তোরা ঢালিস্ হেথায় ?

উঃ ! সর্বাস্ত্র জলিয়া যায়—

পারি নে সহিতে !

যা—যা—দূর হ'য়ে যা,

পাপ সৃষ্টি করিস্ নে আর ।

ও কি, তবুও ষা বি নে ?

ফণিনীর সম বেড়িলি আমারে ?

দয়াময় ! রক্ষা কর নারীর মর্যাদা !

মায়াবিনীগণ । [অনিলাকে বেঁটন করিয়া ধরিল ।]

বেশভূষায় সজ্জিত মায়াধরের প্রবেশ

মায়াধর । হাঃ হাঃ-হাঃ ! মায়াধরের কবল হ'তে কেউ তোমায় রক্ষা করবে না নারী !

অনিলা । একি, কেবা তুমি ভুবনমোহনরূপে
এলে আজি সন্মুখে আমার ?
কি সুন্দর রূপ তব, কন্দর্পের হয় পরাজয় ।
ও কি ! না—না—পিশাচেব পূর্ণ বৃষ্টি—
দুর্গন্ধ নরককুণ্ড ! স'রে যাও—স'রে যাও—

মায়াধর । মনোরমে ! আমি সেই মায়াধর সাধু ।
হের মায়াবলে কি নব সোপানে
গড়িলাম মুরতি আমার !
আর কেন করিছ ছলনা !
শ্রাবণের জলধারা সম প্রেমবারি করিয়া বর্ষণ,
তৃষিত পরাণে কর জীবন সঞ্চারণ ।

অনিলা । আচম্বিতে বজ্রধ্বনি—
পাপের তাণ্ডব নৃত্য কাঁপে চরাচর !
সৃষ্টি, বৃষ্টি এইবার ডুববে আর্ভে ।

মায়াধর । ভয় নাই লো সুন্দরী !
আবর্তের মাঝখানে
মায়ামন্ত্রে গঠিব কনকপুরী—
বসন্ত অমর হ'য়ে রহিবে সেথায়,
মৃদুল পবন অবিরাম করিবে ব্যঞ্জন,
শ্রাম তরুশিরে পাপিয়া তুলিবে তান,

- কলস্বনে প্রেমের তটিনী
রঙ্গে ভঙ্গে বহিবে উজ্জান ।
ধন্য হবে নারীজন্ম তব
দেবতার সহচরী হ'রে ।
- অনিলা । দেবতা ? কে দেবতা ?
যায়াধর । আমি ; ত্রিলোকত্রাসিত পাপ
আজি যায়াধররূপে আগত হেথায়
সগরের সর্কনাশ তরে ।
- অনিলা । তুমি দেবতা ? অমরপুরীতে কর বাস ?
না—না, তাও কি সম্ভব ?
দেবতার নীতি নহে এত কলঙ্কিত—
এত হীন কদর্যমণ্ডিত !
- যায়াধর । আমি সেই পাপ,
যোর নীতি সৃষ্টিবক্ষে বিপ্লবরচনা ।
যাক্ ! এসো—এসো,
বসন্ত যে হবে অস্তর্হিত ।
- [অনিলাকে ধরিতে উত্তত ।]
- অনিলা । দূর হও কামাক্ক কুকুর !
সতী প্রতি অকারণ কেন অত্যাচার ?
ওগো বিপদবারণ !
রক্ষা কর নারীর মর্যাদা !
- যায়াধর । হাঃ-হাঃ-হাঃ ! যায়াবিনীগণ !
সৃষ্টি কর সন্মোহন জাল ।

[প্রস্থান ।

মায়াবিনীগণ !—

পূর্বগীতাংশ ।

প্রেমেরি বন্ধনে তাহারে বাধিয়া,
অধরে অধর দিয়ে থাক বসিয়া,
ওই যে ফুটেছে ফুল, ওই আসে অলিকুল,
সখি ! আর কেন অভিমানে মরমে মরা ।

অগ্নিশূলহস্তে গীতকণ্ঠে ধর্মের প্রবেশ ।

ধর্ম । —

গীত ।

পুড়ে মর তোরা পুড়ে মর, আমি বাজাবো জয়ের শব্দ,

গীতকণ্ঠে বৈরাগ্যের ত্রিশূলহস্তে প্রবেশ ।

বৈরাগ্য ।—

গীত ।

আমার ত্রিশূল ছড়াবে অনলধারা ।

খড়্গহস্তে পাপের প্রবেশ ।

পাপ । ধর্ম আর বৈরাগ্যের উত্তম শোণিতসিকু

সৃষ্টিবক্ষে হোক প্রবাহিত ।

আরে—আরে পাপশত্রু !

[ধর্ম ও বৈরাগ্যকে কাটিতে উত্তম হইল ।]

দ্রুত অসিহস্তে অসমঞ্জার প্রবেশ ।

অনিলা । স্বামী ! স্বামী !

অসমঞ্জা ।

পাপের প্রতাপে বৈরাগ্য ধর্মের
যদি হয় পরাজয়,
তবু মানবের আছে শক্তি পাপের দমনে ।
আরে আরে দৃষ্টমতি পাপ !
মানবের করে তব নাহি পরিত্রাণ ।

[পাপকে অস্ত্রাঘাতে উত্তত]

পাপ ।

দেখ তবে হীনমতি নর পাপের প্রতাপ ।
কোথা কালাস্তক পাপ-অনুচরগণ !
আবির্ভূত হও ত্বরা মানববিনাশে ।
[সহসা ডঙ্কাধ্বনি হইতে লাগিল]

বিকট হাশ্মে অস্ত্র, গদা, ত্রিশূল প্রভৃতি হস্তে পাপ-
অনুচরগণের আবির্ভাব ।

অসমঞ্জা ।

ওঃ—ওঃ ! প্রলয়—প্রলয় !
দুর্বল মানব তরে
সৃষ্টিবন্ধে দেবতার একি অভিনয় !
প্রলয় দুন্দুভি ! ঘন ঘন
কাঁপে ধরা তাণ্ডব নর্তনে !
অগ্নি-গোলা ছুটে আসে ওই !

অনিলা ।

প্রাণ যায়—প্রাণ যায়—
অগ্নি-গোলা ! অগ্নি-আনন্দ !
কোথা তব মহিমা-বিকাশ ?
এসো—এসো আর্তহারী
শ্রীমুরারি মাধবিবল্লভ !

সতীর যে রত্নহার
 গলা হ'তে কেড়ে নেয় ছরস্তু দানব ;
 ওগো দেব ! রক্ষা কর সতীর সম্পদ ।

[সহসা বিস্ফোরণ শব্দ হইল ; পাপ, অমুচরগণ ও মায়াবিনীগণ

মুচ্ছিত হইয়া পড়িল ।]

নারায়ণের আবির্ভাব ।

অসমজ্ঞা ও অনিলা । একি ! একি !
 নারায়ণ । আর্তরক্ষার মুরতি মোর ।
 অসমজ্ঞা । নারায়ণ !
 অপার করুণা তব ;
 সহস্র প্রণাম চরণে তোমার ।

[অনিলা ও অসমজ্ঞা প্রণাম করিল ।]

বৈরাগ্য ও ধর্ম । নমো নারায়ণ নমো নারায়ণ ।
 ভবভয়হারী পতিতপাবন ॥
 ধর্ম । জয় মাধব মুরলীধর গোলোকবিহারী,
 বৈরাগ্য । জয় বন্দিত ত্রিভুবন বিপদহারী,
 বৈরাগ্য ও ধর্ম । নমো নারায়ণ—দুর্জনদলন,
 অনাথশরণ নমো নারায়ণ নমো নারায়ণ ॥

[নারায়ণের অন্তর্দ্বান ।

[অসমজ্ঞা ও অনিলাকে ধরিয়া ধর্ম ও বৈরাগ্য

গাহিতে গাহিতে প্রস্থান করিল ।]

পাপ । ধর্মের প্রভাব—ধর্মের প্রভাব !
 নাহি হ'লো জয়—হীন পরাজয় ।

আবার উঠিবে অলি মার্জিত সমান,
 দগ্ধভূত করিব অযোধ্যা । মায়াবিনীগণ !
 অবিরাম মায়াজাল করহ বিস্তার ;
 আর পাপের বান্ধবগণ !
 দ্বিগুণ আনন্দে পুনঃ অযোধ্যা করহ দলন,
 কদাচার ব্যাভিচার কর সৃষ্টি
 নিরন্তর ; চূর্ণ হোক ধর্মের শক্তি,
 চূর্ণ হোক বৈরাগ্যের গর্ভ অহঙ্কার ।
 পাপ-রাজ্য করহ স্থাপন—
 অযোধ্যার কর ত্বর পাপের প্রতিষ্ঠা,
 বাজাও সঘনে সবে পাপের হৃদুভি ।

[সকলের প্রস্থান ।

পঞ্চম দৃশ্য ।

প্রাঙ্গণ ।

সগর ও স্মৃতি ।

সগর ।

বারবার উত্যক্ত ক'রো না রাণী !
 আমি যে প্যাষণ ! ব্যর্থ হবে অশ্রবরিষণ,
 ফিরিবে না আর আদেশ আমার ।
 দেবতার রীতি-নীতি করিয়া স্মরণ
 অশান্তির তুমানলে জলিছে অন্তর ।

নৈশ নীরবতা ভরা শান্তিতরুতলে
 কেন নারী তপ্ত বারি দিতেছ ঢালিয়া ?
 বুকখানা শতধায় দীর্ণ হ'য়ে যায়,
 আর তুমি ক'রো না আঘাত ।

সুমতি । ওগো রাজা ! এই কি পিতার শাসন-পদ্ধতি ?
 অগ্ন দণ্ড দাও রাজা—অগ্ন দণ্ড দাও !
 লঘু পাপে গুরুদণ্ড কেন দাও রাজা ?

সগর । স্নেহসিক্ত হইলে অন্তর
 ধর্মদণ্ড হারাবে মর্যাদা ।
 যাও, অশান্তির কেন তোল ঝড় ?

সুমতি । করিবে না ক্ষমা ? ওগো রাজা,
 পুত্রহারা হ'য়ে আমি কেমনে রহিব ?

সগর । যেমন এ জগতের পিতা-মাতা
 হারাইয়া তাহাদের বাঞ্ছিত সম্পদ
 পুনঃ অল্পজল করিছে গ্রহণ,
 তুমিও তেমনিভাবে রহিবে বাঁচিয়া ।

সুমতি । না—না, পুত্রহারা হ'য়ে
 পারিব না থাকিতে সংসাবে

সগর । পাষণ এ মানবের বৃকে
 সব লছ হয় রাণী !
 ভূমিকম্প সম মাত্র কেঁপে ওঠে ক্ষণকাল ।
 প্রতিহারী ! প্রতিহারী !
 ল'য়ে আর দণ্ডবিধি পুস্তক আমার ।

[প্রতিহারী রৌপ্যপাত্রে দণ্ডবিধির পুস্তক আনয়ন করিল ।]

যাও প্রতিহারী অসমঞ্জা পাশে,
দেখাইয়া এসো তারে দণ্ডাজ্ঞা আমার ।

সুমতি । না—না, ওরে বাস্নে—বাস্নে প্রতিহারী ! বিনা মেঘে
হবে বজ্রঘাত ।

সগর । যাও !

অনিলার প্রবেশ ।

অনিলা । পিতা—পিতা ! , মা—মা !

সগর । একি !

সুমতি । বধুমাতা ? আর—আর মা ! বল—বল, এতদিন কোথায়
ছিলি অভাগিনী ?

অনিলা । ছরস্ত্র পাপ আমার অপহরণ ক'রে নিয়ে যায়, আপনার
পুত্র তার কবল হ'তে আমার উদ্ধার ক'রে এনেছে ।

সুমতি । অসমঞ্জার স্বপ্ন ভেঙ্গেছে ?

অনিলা । হ্যাঁ মা ! সম্পূর্ণ রূপান্তর ।

সুমতি । কই—কই আমার অসমঞ্জা কই ?

অসমঞ্জার প্রবেশ ।

অসমঞ্জা । এই যে মা এসেছে সন্তান

তব পদে করিতে প্রণাম ।

পিতা ! পিতা ! ক্ষম মোর অপরাধ !

[উভয়কে প্রণাম]

সুমতি । কি আনন্দ আজ ! এতদিন পরে

ফিরে পেলুম বাহিত ছলালে ।

ওরে—ওরে পুত্র ! বুকে আর,
অশান্তিদাহিত বুক হ'উক শীতল ।

[অসমঞ্জাকে বক্ষে লইল ।]

অসমঞ্জা ।

মা ! মা !

সুমতি ।

মহারাজ ! মহারাজ !

অসমঞ্জা ।

একি পিতা, কেন তুমি নীরব নিপন্ন ?

বাম্পত্তরা আঁখি ছুঁই,

ঘনঘটাসমাচ্ছন্ন বদনমণ্ডল !

অসমঞ্জা অপরাধী পুত্র তব

এতদিনে হয়েছে মানুষ—

ফিরিয়া পেয়েছে তার হারানো সম্পদ ।

তমসার পথ হ'তে ফিরাইল .

জীবনের উচ্ছ্বসিত গতি মোর

বিবেক বান্ধব । ক্ষমা কর পিতা !

ভ্রমবশে মোর যদিও ব্যথিত তুমি,

তবু যে হিমাদ্রী তুমি ক্ষমার সাগর !

তব শ্রীচরণ স্পর্শ করি করি গো শপথ,

আজি হ'তে নীরবে নমিতনেত্রে

তব আজ্ঞা করিব পালন ।

এই কণ্ঠে পুনঃ হইবে বক্তৃত—

“পিতা স্বর্গঃ পিতা ধর্মঃ” মহাবাণী

পুণ্যের রচনা । পিতা—পিতা !

সগর ।

স্তব্ধ ব্যোম, প্রকৃতি গম্ভীরা,

মানময় বিশাল ধরণী !

আনন্দমুখর অযোধ্যার বুকে
 ওই—ওই ওঠে অক্ষুট বিলাপ !
 গলিত বহির ধারা ছুটিয়াছে প্রলয়-নর্তনে !
 শিহরিতা স্বভাব সুন্দরী,
 স্তিমিতনয়নে ওই অনন্ত আকাশ,
 কণ্ঠস্বর রুদ্ধ হয় যোর ।

সুমতি । ওরে—ওরে প্রতিহারী !
 যা—যা—শীঘ্র চ'লে যা ;
 বজ্রপাত হবে যে এখনি ।

অসমঞ্জা । পিতা !

সগর । সগর সাগরনীরে ডুবিল এবার ।
 ওরে আঁখি, হও রে পাষণ !
 কেঁপো না অন্তর—স্থির হও মুহূর্তের তরে ।
 অসমঞ্জা ! অসমঞ্জা !
 না—না, পাঠ কর প্রতিহারী !

সুমতি । ওগো—ওগো রাজা ! পারে ধরি তব,
 নিদারুণ বজ্রাঘাত ক'রো না শিরেতে ।
 ওরে পুত্র ! আর—আর চ'লে আর,
 থাকিস্ না সুভীষণ হত্যার প্রাক্ষণে ।

সগর । অসমঞ্জা ! পাঠ কর দণ্ডাজ্ঞা আমার ।

অসমঞ্জা । দণ্ডাজ্ঞা ? কার প্রতি ? দেখি—দেখি !

[প্রতিহারীর নিকট হইতে দণ্ডবিধির পুস্তক লইয়া দেখিয়া]
 হাঃ-হাঃ-হাঃ ! অসমঞ্জার নির্বাসন !
 দণ্ড নয়—দণ্ড নয়, অসমঞ্জার মুক্তি—মুক্তি !

ওগো পিতা ! এরি তরে এতক্ষণ রহিলে নীরব ?
 তব দণ্ড সমাদরে তুলে লবো শিরে ;
 মহানন্দে নির্কাসনে যাবে এ সস্তান ।
 অনিলা । নির্কাসন ? নির্কাসন স্বামীর আশার ?
 উষার কনকছটা না হ'তে বিকাশ
 আধারের হ'লো অভিসাব !
 ওঃ, পিতা—পিতা !

[সগরের পদতলে পতন ।]

সগর । বজ্রপাত ! বজ্রপাত !
 রাণী ! রাণী ! ছিঁড়ে ফেল—
 ছিঁড়ে ফেল দণ্ডপত্র !
 ওরে—ওরে পুত্র, অঘোখ্যার ভাবী অধীশ্বর !
 ধর—ধর—ধর রে মুকুট,
 বান প্রস্থে চলুক সগর ।

[রাজমুকুট দিতে উত্তত]

অসমঞ্জা । [বাধা দিয়া । তোমাতে নিরয়গামী
 করিবে না সস্তান তোমার ।
 তুমি রাজা, যোগ্য দণ্ড দেছ তুমি
 অপরাধী জনে ; তব মুখ করিতে উজ্জল,
 তব সুবিচার বিশ্বমাঝে করিতে প্রচার
 পুত্র তব চিরতরে লইবে বিদায় ।

সুমতি । অসমঞ্জা ! কোথায় যাবি রে পুত্র ?
 লঘু পাপে গুরুদণ্ড হবে না মানিতে ।

অসমঞ্জা । ওগো মমতার সুচারু প্রতিমা !

অজ্ঞানের পথ হ'তে জ্ঞানের প্রথম প্রাতে
 কি দীক্ষায় করিলে দীক্ষিত কর মা স্বরণ !
 কত বিনিত্র নিশার নীরবতা মাঝে
 অভয়মণ্ডিত বক্ষে ধরিয়া সস্তানে
 চুষনের রেখা টানি ফুল্লমুখে তার
 শিখাইলে বারবার—ওরে পুত্র !
 এ সংসারে পিতা হয় সাকার দেবতা—
 পিতা স্বর্গঃ পিতা ধর্মঃ পিতাহি পরমস্তুপঃ,
 পিতরি প্রীতিমাপন্যে প্রিয়ন্তে সর্ব দেবতাঃ ।

অনিলা ।

কহ মাতা, কেমনে ভলিব তাহা—
 তুমি যাহা এঁকে দেছ স্বরণের পথে ?
 স্বামী ! স্বামী ! তোমা ছাড়া
 এ সঙ্গিনী কেমনে রহিবে ?

অসমঞ্জা ।

অনিলা ! সতীলক্ষ্মী সঙ্গিনী আমার !
 উজ্জল মুক্তির পথে কুয়াসার সৃষ্টি করি
 পথভ্রষ্ট ক'রো না আমারে ।
 রাজদণ্ড ! পিতৃ-আজ্ঞা !
 বিদ্রোহিতা করিব কেমনে ?
 ভুলে যাও স্মৃতিটুকু মোর—
 ভুলে যাও মায়ার বেদন ।
 পিতৃপদে নত করি শির
 বল লক্ষ্মী বারবার—
 পিতা স্বর্গ—পিতা ধর্ম—
 পিতা বিম্বে সাকার দেবতা ।

সুমতি ।

অসমঞ্জা ! অসমঞ্জা !

অসমঞ্জা ।

বেজেছে মা মুক্তি-শঙ্কা, আলোকিত মুক্তিপথ
 সোছনাধারায় । যে সাধনা তরে
 অসমঞ্জা কত দিন চাহিল বিদায়,
 সে সাধনা এত দিনে পূর্ণ হবে মোর ।
 স'রে যাও জননী আমার—
 চাহিও না মুখপানে আর—[প্রস্থানোদ্যত]

অংশুমানকে ক্রোড়ে লইয়া শচীর প্রবেশ ।

শচী ।

অযোধ্যা-ঈশ্বর ! ধর তব পোল্ল-রত্নে,
 দস্যু ইন্দ্র চুরি করি ল'য়ে গেল বাহা ।

অংশুমান । দাছ—দাহ ! [সগরের বক্ষে পড়িল ।]

অনিলা ও সুমতি । অংশু ! অংশু !

সগর ।

কে মা তুমি ইক্ষ্বাকুলের জীবনদায়িনী
 করুণার শ্রীমায়িতা মুরতি সুন্দর ?
 কোন্ পুণ্যের মন্দির হ'তে আর্তি বিধে
 নেমে এলে অভয়র হাশোজ্জলবেশে ?
 দাও দেবী পরিচয় তব ।

শচী ।

স্বার্থপর ইন্দ্রের ইন্দ্রাণী আমি—
 শচী নামে ভুবনে বিখ্যাত ।

[প্রস্থান ।

অংশুমান ।

মা চ'লে গেল দাছ ?
 বাবা ! বাবা ! একি !
 কেন মোরে আজ নিলে না কোলেতে ?

দাছ ! দাছ ! বল দাছ কি হ'লো আবার ?
 তিরস্কার বুঝি করিয়াছ বাবারে আমার ?
 ভারী দৃষ্ট তুমি ! বাবা—বাবা !
 একবার কোলে নাও মোরে !

[অসমঞ্জার কোলে উঠিতে উদ্যত ।]

অসমঞ্জা । স'রে যা—স'রে যা অংশু !
 নেবো না বুকেতে আর ;
 না—না, আর—একবার আর—
 তুই যে রে মোর শান্তির নির্ঝর ।

[অংশুমানকে বক্ষে ধারণ ।]

[নেপথ্যে শঙ্খধ্বনি ।]

গীতকণ্ঠে শঙ্খহস্তে বৈরাগ্যের প্রবেশ ।

বৈরাগ্য ।—

গীত ।

ওই যে বেজেছে মুক্তি-শঙ্খ কেন রে বন্দী—বন্দী আর ?
 বাধন ছাঁদন করিয়া ছেদন আর ছুটে আর আলোকধার ।

[প্রস্থান ।]

অসমঞ্জা । ওই—ওই বাজে মুক্তি-শঙ্খ,
 বিচঞ্চল করিল পরাগ !
 যা—যা রে অংশু, ছিঁড়ে ফেলি মারার বন্ধন !
 ওরে পুত্র, নির্ঝাসিত আমি আজ
 পিতার আজ্ঞায়, তাই রক্ষিতে পিতার মান
 যাত্রী আজি নির্ঝাসন-পথে ।

দাঁড়াও—দাঁড়াও বন্ধু, দাঁড়াও কণেক !

সাথী কর মোরে—[প্রস্থানোদ্যত]

সুমতি । অসমঞ্জা !

আনলা । স্বামী !

অংশুমান ।—

গীত ।

ওগো দাছ গো, তুমি দিও না ষাইতে বাবারে

বনবাসে ওগো বনবাসে ।

মায়ের নয়নে অশ্রু ঝরিছে,

(সুমতিকে) ওগো তোমার বুকেতে চিত্তা,

(সগরকে) তোমার নয়নে জলের কাঁপন

সৃষ্টি যে জলে ভাসে ।

(অসমঞ্জাকে) ওগো, যেও না কাঁদায়ে আমাদের ফেলে

কোন্ সে অজানা প্রবাসে ।

অসমঞ্জা । মায়া ! মায়া ! চতুর্দিকে মায়ার সুরতি

রুদ্ধ করে পথ—অন্ধকারে ভরিল মেদিনী ।

ওগো বন্ধু ! আলো ধর—

আলো ধর, চিনে নিই পথ !

গীতকণ্ঠে বৈরাগ্য আসিয়া আলোক ধরিল ।

বৈরাগ্য ।—

পূর্ব গীতাংশ ।

মরমের ব্যথা নির্মূল করে, মুছে দেবো আমি অমুরাগভরে,

আলো ধরে আমি নিয়ে যাবো তোরে যেখান শান্তি-পারাবার ।

অসমঞ্জা ।

চল—চল বন্ধু বাজাইয়া মুক্তি-শব্দ,

আলো ধরি অগ্রে অগ্রে মোর ।

বিদায়—বিদায়—[প্রস্থানোদ্যত]

সগর ।

অসমঞ্জা ! অসমঞ্জা ! ছিঁড়ে ফেল—ছিঁড়ে ফেল

দণ্ডাজ্ঞা আমার । আর—ফিরে আর—

অসমঞ্জা ।

অসমঞ্জার দণ্ড নয় পিতা !

এ আনার মুক্তি—মুক্তি ।

[বৈরাগ্য সহ ক্রত প্রস্থান ।

সুমতি ।

উঃ—পুত্র !

[সুমতি মূচ্ছিতা হইয়া পড়িবার উপক্রম করিলে

অনিলা তাহাকে ধরিয়া ফেলিল ।]

অনিলা ।

স্বামা !

সগর ।

চ'লে গেল—চ'লে গেল অসমঞ্জা মোর !

ওই কাঁদে অযোধ্যানগরী, ওই কাঁদে

পশু পক্ষী তরু লতা আকাশ বাতাস !

অসমঞ্জা ! ফিরে আর পুত্র !

না—না, পিতৃমুখ কর রে উজ্জল ।

ষাক্—ষাক্ অসমঞ্জা চ'লে ষাক্

বিশ্বতির অন্ধকারে জনমের মত !

ওরে—ওরে অংগু ! ব্যথাদীর্ঘ

বক্ষমাঝে থাক্ তুই শান্তি-তরুরূপে !

[অংগুমানকে বক্ষে করতঃ প্রস্থান করিল, তৎপরে অনিলা

কাঁদিতে কাঁদিতে সুমতিকে লইয়া গেল ।]

চতুর্থ অঙ্ক ।

প্রথম দৃশ্য ।

অমরাবতী ।

ইন্দ্র ও দেবগণ আসীন ; অপ্সরাগণ গাহিতেছিল ।

অপ্সরাগণ ।—

গীত ।

আজ আকাশ ছেয়ে ছড়িয়ে গেছে তাঁদের মধু আলো ।
ওই ফুলবিতানে কোকিল ডাকে কুলকুমারী ম'লো,
কই মাতলা অলি মত্ত নেশায় গুঞ্জরিয়া এলো ।
শিউরে ওঠে কোমল তনু, তমাল বনে বাজলো বেণু,
শিশিরধোয়া পথটি দিয়ে কই সে ছুটে এলো—
বাস্তে প্রিয়ার ভালো ।

| প্রস্থান

ইন্দ্র ।

তীব্র বিষ কোমলাঙ্গী অপ্সরার
সঙ্গীতলহরী । বারবার মানবেব
চূর্ণিবারে গর্ভ অহঙ্কার,
দেবশক্তি ছুটিল উচ্ছ্বাসে জলস্রোত সম,
তুচ্ছ মানবের কাছ হ'তে
ফিরে এলো ব্যর্থমনোরণে ;
শেল শূল পরশু পট্টস আদি
মরণের জীবন্ত মুরতি,
তাহাতেও নাহি হ'লো মানববিনাশ ।

সগরের অশ্বমেধ যজ্ঞ অনুষ্ঠানে
 দেবতার শত বাধা পরাজয়ে করিল আবৃত ।
 দেবগণ । অতীব আশ্চর্য্য ।

পাপের প্রবেশ ।

পাপ । দোৰ্দ্দণ্ড প্রতাপশালী পাপ মহাবল,
 যার ভয়ে ভীত ত্রিভুবন,
 সেও আজি পরাজিত তুচ্ছ মানবের করে ।
 অপমানে বক্ষে জ্বলে প্রচণ্ড অনল—
 প্রতিহিংসা উদ্বেলিত মহাসিন্ধু সম !

ইন্দ্র । মানবের হীনতার পদতলে হইয়া দলিত,
 ফিরে এলে মর্ত্যলোক হ'তে ?

পাপ । নাহিক উপায় :
 হে দেবেন্দ্র ! তুমিও পরাস্ত সেথা ।
 বিশ্বনাশী মহাবজ্র তব শক্তিহীন করিল মানব,
 তখন ক্ষুদ্রশক্তি এ পাপ কি করিবে তথা ?
 কিন্তু আশাভঙ্গ এখনো হয় নি আমার ;
 যে কোন প্রকারে
 সগরের সর্বনাশ করিব সাধন ।

ইন্দ্র । থাক—কাজ নাই আর ! বিধাতার নহে
 ইচ্ছা শাস্তি-সুখে থাকুক অমর,
 নহে মানবের প্রতি কেন এত কক্ৰণাবর্ষণ ?
 কাজ নাই অমর-রাজত্বে,
 তার চেয়ে বনবাস সহস্র সুখের ।

পাপ ।

হে দেবেন্দ্র, হ'য়ো না নিরাশ ;
পুনঃ নব বলে হ'য়ে বলীয়ান,
পুণ্যের রক্ষিত সেই অযোধ্যানগর
দলিত মথিত করি পাপশক্তি করিব বিকাশ ।

গীতকণ্ঠে ধর্মের প্রবেশ ।

ধর্ম ।—

গীত ।

ওরে, আমি যে সেথায় করি খেলা ।
জয়ের নিশানকরে ঘুরি পাপেরি মারণ-ভেলা ।
গরজি সিন্ধু উঠিবে যখন,
(তখন) আমিও আসিব করিতে শোষণ,
অঁধার যখন আবরিবে ধরা আমি বসাবো টাঁদের মেলা,
আমি শাসনদণ্ড তুলিয়া ধরিব ডুবিলে যখন বেলা ।

[প্রস্থান ।

পাপ ।

ধর্ম ! ধর্ম ! প্রতি কর্মে বৈরতাচরণ ?
ভাল—ভাল, এইবার শেষ আক্রমণ ;
দেখি তব ধর্মশক্তি
কতক্ষণ রহে স্থির পাপের প্রবাহে ?
দেবরাজ ! হুশিচিন্তা কর পরিহার,
চলিলাম অযোধ্যায় পুনঃ
তুচ্ছ নরে করিতে দমন ।

[প্রস্থান ।

ইন্দ্র ।

রে পাপ ! তুচ্ছ নহে নর ;
সাধনার শ্রেষ্ঠ সে যে দেবতা হইতে ।

জনৈক দেবতার প্রবেশ ।

দেবতা । দেবরাজ ! দেবরাজ !
সগরের যজ্ঞ-অশ্ব উপনীত অমরপুরীতে ।
অশ্বের রক্ষক বশীসহস্র
সগর-সন্তান বীরেন্দ্রকেশরী সম ।

ইন্দ্র । দেবগণ ! দেবগণ !
চল ধরি সগরের যজ্ঞ-অশ্ব,
যজ্ঞ তার পূর্ণ হ'তে নাহি দিব যোরা ।
ছলে বলে অথবা কৌশল
যজ্ঞ পণ্ড করিব তাহার ।

[সকলের দ্রুত প্রস্থান ।

দ্বিতীয় দৃশ্য ।

অবলার বর্হিবাটী

বিদ্যাধরের প্রবেশ ।

বিদ্যাধর । শিব গড়তে হ'লো বাদর, চোখের জলে ভিজলো চাদর ।
আমার গুরুদেবেরও ঠিক সেই দশাই হয়েছে । ধর্মের সঙ্গে যুদ্ধ করতে
এসে বাছাধনের বাছাছরী বেরিয়ে গেছে । এখন একবারে পাগল হ'য়ে
উঠেছে ; দেখলে ভয় করে, পাছে যদি হাঁক করে কামড়ে দেয় । যাই
হোক, মর্ত্যধামে এসে আমার কিন্তু মন্দ চলছে না ! অবলা সুন্দরীর

দ্বিতীয় দৃশ্য ।]

ত্রিধারা

মধুচক্রের মৌমাছি হ'য়ে আকর্ষণ মধু পান ক'রে ক'রে ভীষণ উল্কার সংযুক্ত অশ্বল দেখা দিয়েছে । যাক্—সেরে যাবে এখন ! প্রহরী ব্যাটার কিন্তু আচ্ছা মাথা ! ব্যাটা গণৎকার সঙ্গে অবলা স্ত্রন্দরীকে একবারে মজিয়ে গেছে । আজ ব্যাটা একটু পরেই কার্তিক সঙ্গে আবির্ভূত হবে । যাই হোক, ব্যাটাকে আজ একটু জ্বল ক'রে ছাড়তে হবে । অবলার উপর ব্যাটার নজর পড়েছে, নইলে ঘন ঘন আমার সঙ্গে দেখা করতে আসে কেন ? দাঁড়াও, আজ কার্তিকবধ পালা আরম্ভ করছি ।

[প্রস্থান ।

টাকার থলিহস্তে অবলার প্রবেশ ।

অবলা । আঁটকুড়ির ব্যাটা-বেটীদের বলি যে আমার মত ভাগ্যি কার হবে ? কার্তিকপূজা করি ব'লে আজ কার্তিক আমার নিজে এসে কৈলাসে নিয়ে যাবে । গণৎকার ঠাকুরের গোণাগাথা মিথ্যে হবার ঘোটা নেই । কার্তিক ঠাকুরকে এক হাজার টাকা প্রণামী দিতে হবে । টাকাও শুনে গেঁথে এনেছি । এইবার কার্তিক ঠাকুর এলেই ডঙ্কা মেরে কৈলাসে চ'লে যাবো । শুনেছি কৈলাসে বেজায় ঠাণ্ডা ; জানি নে বাছা, সর্দি-টর্দি করবে না তো ? [নেপথ্যে কঁয়াক-কঁয়াক শব্দ ।] এ্যা ! কঁয়াক-কঁয়াক ক'রে ডেকে উঠলো কি ? ময়ুরের ডাক ব'লে মনে হ'চ্ছে । তবে কি আমার কার্তিক ঠাকুর আসছে ?

কার্তিকবেশী প্রহরীর প্রবেশ ।

প্রহরী । এইটেই কি অবলা স্ত্রন্দরীর বাড়ী ? কঁয়াক—কঁয়াক—কঁয়াক !

অবলা । হ্যাঁ বাছা ! কেন, কি দরকার ? অমন কঁয়াক-কঁয়াক শব্দ করছে কেন ? বল, আমিই অবলা স্ত্রন্দরী ।

প্রহরী । তুমিই সেই অবলা স্ত্রী ? আমার প্রতি অথগু ভক্তি-
প্রদায়িনী ? ওরে ভক্তিময়ী, আমিই তোমার সেই আরাধ্য দেবতা কার্তিক ।
কঁয়াক্—কঁয়াক্—

অবলা । এ্যা, কার্তিক ঠাকুর ? প্রণাম হই বাবা ! [প্রণাম] তা বাবা
অমন কঁয়াক্-কঁয়াক্ করছে কেন ?

প্রহরী । ওরে বীরাজনা সবলা নন্দিনী ! ময়ূরটার পা ভেঙ্গে গেছে
ব'লে সঙ্গে আসে নি । কিন্তু ময়ূরের মত শব্দ না করলে ভক্তিময়ীগণ
আমায় চিন্তে পারবে কেন ? কঁয়াক্—কঁয়াক্ ! দে—দে অবলে !
আমার প্রণামীর টাকাগুলো অগ্রে প্রদান কর । আমি তোকে কৈলাসে
নিরে যাবো ব'লে এসেছি ।

অবলা । এই নাও টাকা ! [টাকা প্রদান]

প্রহরী । ব্যস্ ! অহো, অবলা বালা ! তুই কি প্রথরা ভক্তিময়ী !
তোমার আর নরকযন্ত্রণা ভোগ করতে হবে না ; এইবার আমি তোকে
কৈলাসে নিয়ে যাবো ।

অবলা । দেখ ঠাকুর, আমার সর্দির ধাত, যেন কৈলাসের ঠাণ্ডা
লেগে আমার ব্যামো না হয় ।

প্রহরী । আর তোমার কোন রোগই হবে না । নিরোগ হ'য়ে চির-
যৌবনসম্পন্ন গাকবি আর কার্তিক গণপতি নন্দী ভূঙ্গী ইত্যাদির কৃপায়
একঝুড়ি তোমার ছেলে মেয়ে হবে ।

অবলা । ই্যা বাবা, মহাদেব আর ষাঁড়টার আমার উপর দয়া হবে না ?

প্রহরী । নিশ্চয় হবে—নিশ্চয় হবে ! নে—এইবার তুই চক্ষু মুদ্রিত
ক'রে উঁচু হ'য়ে বোস ! আমি এক মন্ত্রে তোকে ঘোরাতে ঘোরাতে
কৈলাসের সূচালো শৃঙ্গে গিয়ে বসিয়ে দেবো ।

অবলা । একটা কথা আছে বাবা কার্তিক—

প্রহরী । বন্—বন্, শীঘ্র বন্ !

অবলা । বন্তে যে লজ্জা করছে । দেখ, আমাদের তেনাকে যদি এই সঙ্গে নাও—

প্রহরী । তেনাকে ? তেনাকে মানে ? ও—বুঝেছি সুন্দরী, বোধ হয় তোমার কোন উপসর্গ আছে ? না—না, পাপীয়াসী ! উপসর্গকে নিয়ে যাওয়া হবে না ।

অবলা । আরও না হয় পাঁচশো টাকা প্রণামী দেবো—

প্রহরী । আচ্ছা, নিয়ে আয় তা হ'লে ! কঁাক্ ! কঁাক্ !

অবলা । তুমি একটু দাঁড়াও বাবা ! আমি এখন নিয়ে আসছি ।

[প্রস্থান ।

প্রহরী । যাই হোক, আবার পাঁচশো টাকা ! বিদ্যাধর ভারাকে ও পাঁচশোর তো ভাগ দেবোই না, তবে এ টাকাটার সম্বন্ধে কি হয় ? ব্যাটা এখন আসতে না আসতে খসতে পারলেই হয় ! কই হে ভক্তিময়ী ! কঁাক্ ! কঁাক্ ! কঁাক্ !

টাকার খলিহস্তে অবলার পুনঃ প্রবেশ ।

অবলা । এই নাও বাবা টাকা ! চরণে স্থান দিও বাবা—চরণে স্থান দিও ! [টাকা প্রদান]

প্রহরী । ওহো-হো ! পতিব্রতে ! হোর কি অচলা ভক্তি ! নে—এইবার চোখ বুজে উচু হ'য়ে বোস্ ! কঁাক্ !

অবলা । [বসিতে উদ্যত হইল ।]

বিদ্যাধরের প্রবেশ ।

বিদ্যাধর । অবলা, বলি ও অবলা ! সত্যিই কি তুমি কৈলাসবাসিনী হবে সুন্দরী ? অহো. আমার যে এখানে বাস করা যারাত্মক হবে ।

অবলা । পেছু ডাকিস্‌নে মুখপোড়া ! দেখ বাবা কার্তিক, ওনারি কথা তোমার বল্‌ছিলুম ।

প্রহরী । [স্বগত] ব্যাটা ঠিক এসে পড়েছে । যাই হোক, পাঁচশো টাকাটার কথাটা না জানতে পারে, তবেই তো !

অবলা । কি বাবা কার্তিক ! হাজার টাকার উপর আরও পাঁচশো পেরামি দিলুম, ওনার কি সদগতি হবে না ?

বিদ্যাধর । [স্বগত] এ্যা, আবার পাঁচশো নিয়েছে ! যাই হোক, আড়াইশো টাকা ভাগে বেড়ে যাবে ।

অবলা । কি বল্‌ছো বাবা কার্তিক ?

প্রহরী । আচ্ছা, তোর ওনাকেও কৈলাসে নিয়ে যাবো, তুই নেহাতই ষখন ছাড়বি নে !

অবলা । বেঁচে থাকো বাবা—বেঁচে থাকো । ও...মিসেস, আমি—
চোখ বুজে উঁচু হ'য়ে বস্‌বি আমি ; বাবা কার্তিক...আমি আমাদের কৈলাসে নিয়ে যাবে ।

বিদ্যাধর । দেখ অবলা সুন্দরী ! টাকা নইলে তো তুমি আমার এখানে একদণ্ডও থাকতে দাও না । আচ্ছা, আজ যদি আমি তোমায় দেড় হাজার টাকা পাইয়ে দিই, তা হ'লে ?

অবলা । তা হ'লে ঘর থেকে আর কৈলাসে যাবার খরচটা হয় না । দেখ মিসেস, আমি তা হ'লে তোকে বড় ভালবাস্‌বো ; একদিনও আর কাঁটা মার্বো না—টাকার তাগাদাও কর্বো না ।

বিদ্যাধর । বেশ, আমি তোমায় দেড় হাজার টাকা পাইয়ে দিচ্ছি ।

প্রহরী । [স্বগত] এ্যা, ব্যাটার মতলবখানা কি ? [প্রকাশে] তা হ'লে উপবেশন কর অবলাসুন্দরী ! ওহে অবলাসুন্দর ! তুমিও উপবেশন কর । ক্যাক্ !

দ্বিতীয় দৃশ্য ।]

ত্রিশবার

বিষ্ণাধর । বস্ছি! [সহসা প্রহরীর হস্ত ধরিয়া] অবলা! অবলা!
আন—আন, শীগ্গির কাঁটা আন! আজ কার্তিকের দস্তুর মত কাঁটা
থেকে কৈলাসে চ'লে যাক্ ।

প্রহরী । [অনাস্তিকে] আঃ, কি করছো দাদা?

অবলা । ই্যাগা, এ আবার কি করছো গা? কার্তিক ঠাকুরের
হাত ধরছো কেন?

বিষ্ণাধর । ব্যাটার কার্তিক! [ফেলিয়া দিয়া] দে—দে বস্ছি
ব্যাটা, টাকা দে—[প্রহার]

প্রহরী । উহ-হ, গেছি রে দাদা!

বিষ্ণাধর । শালা! জোচ্ছুরি পেয়েছ? [প্রহার]

প্রহরী । উহ-হ! ওরে অবলা, তোর ওনাকে ধর!

অবলা । ঠাকুর দেবতাকে মারছো কেন গা? . তুমি কি ক্ষেপে গেছ?

বিষ্ণাধর । কার্তিক? এই দেখ্ কেমন কার্তিক! [পরিচ্ছদ খুলিয়া
দিয়া] অবলা! এই দেখ্, সেই প্রহরী ব্যাটা কার্তিক সঙ্গে এসেছে ।

অবলা । ও হরি, সত্যিই তো! ওরে আঁটকুড়ির ব্যাটা, তোর একি
কাজ রে? আমার ফাঁকি দিতে এসেছিস্? এঁ্যা, এখুনি যে আমার
দেড় হাজার টাকা জলে পড়তো! তা হ'লে বোধ হয়, সেই গণৎকার
ঠাকুরও ওই মিন্লে সঙ্গে এসেছিল?

বিষ্ণাধর । মার—মার, ব্যাটাকে দস্তুর মত মার । [প্রহার]

প্রহরী । উহ-হ! দাদা রে! তোরই জন্তে—

বিষ্ণাধর । চোপ্‌রাও শালার কার্তিক!

অবলা । দাঁড়া—দাঁড়া জোচ্ছোর মিন্লে! আনি বুড়ো কাঁটাগাছটা,
তারপর আমার টাকা নেওয়া বার করছি! ওমা, মিন্লে আমার দরে
মজাতে এসেছিল গা!

[প্রস্থান

প্রহরী । দোহাই বাবা—ছেড়ে দাও বাবা—

বিদ্বাধর । ছাড়িব না—ছাড়িব না

ওরে মুঢ়মতি পার্শ্বতিনন্দন !

আজ উত্তম মধ্যম দিয়ে

দমাদম সর্বাঙ্গেতে করিব প্রহার,

তারপর মুণ্ড তব করিব ছেদন—[প্রহার]

প্রহরী । উঃ—উঃ ! আর মেরো না দাদা—

ঝাঁটাহস্তে অবলার পুনঃ প্রবেশ ।

অবলা । আঁটকুড়ির ছাগল ! অবলাকে কীকি দেবে ? [ঝাঁটা প্রহার]

প্রহরী । উহ-হ ! গেলুম রে বাবা—ম'রে গেলুম !

[টাকার থলি ফেলিয়া দ্রুত পলায়ন ।

বিদ্বাধর । ব্যাটার নাড়ীভুঁড়ি বের করতুম ; যাক্ । কেমন অবলা

সুন্দরী ! তোমার দেড় হাজার টাকা এখনি গেছিল আর কি !

অবলা । ওরে আমার মাণিক, তুই না থাকলে আমার কি হ'তো ?

বিদ্বাধর । তা হ'লে—

অবলা । আজ হ'তে আমি তোমায় খুব ভালবাসবো ! [টাকা
তুলিয়া লইল] তুমি আমার প্রাণনাথ—তুমি আমার হৃদয়বল্লভ !

বিদ্বাধর । ওহো-হো !

অবলা । এসো—এসো চাঁদ ! আজ হ'তে অবলা তোমার । [বিদ্বা-
ধরের হস্তধারণ ।]

বিদ্বাধর । গুরুদেব ! তুমি উচ্ছন্নর যাও !

[উভয়ের প্রস্থান ।

তৃতীয় দৃশ্য ।

অরণ্য-পথ ।

অসমঞ্জার হাত ধরিয়া গীতকণ্ঠে বৈরাগ্যের প্রবেশ ।

বৈরাগ্য ।— গীত ।

এসো চারু নন্দনে বন্ধন ছিঁড়িয়া, ওই যে পাপিয়া তোলে পঞ্চম তান ।

ধীরে ধীরে বহে মৃদুল পবন, কুলু-কুলু ছোটে তটিনী উজান ।

জোছনা-আলোকে বসিয়া পুলকে কর হে সাধনা,

পুরাও হৃদয়কামনা,

আমি স্মৃতি ছাড়ায়ে রহিব এখানে করিব অভয় দান ।

[প্রস্থান ।

অসমঞ্জা । সুন্দর ! সুন্দর ! অতীব সুন্দর এই স্থান !

নাহি হেথা হিংসা রেষ—

অলীক স্বপন ভ্রান্ত মোহের উচ্ছ্বাস—

পুণ্যের আলোকভরা সুন্দর এ দেশ ।

ওঠে ওই সামগান,

কুরঙ্গ-কুরঙ্গী ওই নাচিছে আনন্দে,

প্রস্তুত প্রসূনের সুগন্ধধারায়

অস্তরের আবির্ভাব দূর হ'য়ে যায় ।

ওগো মোর জীবন-বান্ধব !

কাছছাড়া হইও না মোর ।

তোমার করুণা-নীরে

নিমজ্জিত ক'রে রাখ মোরে ।

স্মৃতির প্রবেশ ।

স্মৃতি । অসমঞ্জা ! পুত্র !

অসমজ্ঞা ।

কেবা তুমি, নীরব শান্তির পথে
অশান্তি ঝটিকা তুলি ছুটে এলে হেথা ?
যাও—যাও, শীঘ্র চ'লে যাও—
পথহারা করিও না মোরে ।

সুমতি ।

পুত্র ! জননার মুখপানে চাও ।

অসমজ্ঞা ।

কেবা কার এই ধরামাঝে !
সমস্ত অসার—সমস্ত অলৌক !
মিথ্যা শুধু মায়া'র কুহকে
পরমার্থ মহারত্নে দিয়ে বিসর্জন
কাঁদে ওই জগতের জীব ।
কেবা পুত্র, কেবা মাতা,
কেবা কার আপন ও পর !
কিছু নয়—হৃদিনের পাতানো সঙ্ক !
তবে কেন ওয়ে অন্ধ !
আমিত্ত গর্কের বশে বন্ধ করি পারের তরণী
হা-হা রবে মরিস্ কাঁদিয়া ?
কতক্ষণ ? কালনিদ্রা আবরিবে যবে,
আসিবে যখন তোর মরণের ডাক,
সব ফেলি নগ্নগাত্রে চ'লে যেতে হবে ।

সুমতি ।

অসমজ্ঞা ! পুত্র ! বড় আশা ক'রে
ল'রে যেতে তোমা এসেছি যে আজ ।
ফিরে চল—অভিমান দূরে ফেলে,
তুমি যে গো অযোধ্যার ভাবী অধীশ্বর !

অসমজ্ঞা ।

নির্মেধ নীলিমা যেন হ'লো অন্ধকার ?

উঠিল তুমুল ঝড়—সৃষ্টি ওই উঠিল কাঁপিয়া !
 অসমঞ্জা ! অসমঞ্জা হইও না পণহারা আর ।
 কই—কই বন্ধু, কোথা তুমি গেলে ?
 এসো—এসো, ছুটে এসো, হাত ধর মোর,
 নতুবা যে অসমঞ্জা সর্বস্ব হারাবে ।

সুকৃতি । একি তন্ময়তা—বাহুজ্ঞানহারা !
 অসমঞ্জা ! অসমঞ্জা !

অসমঞ্জা । এ্যা—তুমি ? এসেছ জননী ?
 কেন—কেন ? কিবা প্রয়োজন ?

সুকৃতি । চল পুত্র, ফিরে চল অঘোধ্যায় পুনঃ ;
 কাঁদে তব পিতা-মাতা—কাঁদে পত্নী,
 কাঁদে পুত্র তোমারি কারণ !

অসমঞ্জা । চল তুমি, দানিবে সাস্তনা—
 ওগো দেবী, হইও না অকরণ ;
 ফিরে যাও এখান হইতে ।
 চলেছে লক্ষ্যের স্রোত উদ্দামগতিতে,
 সার রত্ন এই বিশ্বে যাহা,
 বহু কষ্টে পাইয়াছি তাহা,
 তবে কেন সেই রত্নটুকু লইবে কাড়িয়া ?
 অঘোধ্যা—কোথা অঘোধ্যা ?
 কেবা আমি অঘোধ্যার ?
 অঘোধ্যার সনে মোর নাহিক সম্বন্ধ ।

সুকৃতি । অভিমান ক'রো না সন্তান !
 অসমঞ্জা । না—না, অভিমান করে নি সন্তান !

মুক্তির বাঁশরী শুনি আনন্দে নাচিল প্রাণ,
তাই দেবী, ছিন্ন করি মায়া-পাশ
এসেছে সন্তান তব মুক্তির সঙ্কানে ।
পদে ধরি জননী গো,
মায়াপাশে বাঁধিও না আর ।

অনুচরগণসহ মায়াধরের প্রবেশ ।

মায়াধর । ওই হের সুকৃতি সুন্দরী !
ল'য়ে চল ওরে বিলাসকুঞ্জেতে মোর ।
আর ওই মদগর্ভী যুবরাজ, ধ্বংস কর ওরে !
একি ! একি বিড়ম্বনা !

মায়াধর । হাঃ-হাঃ-হাঃ ! আরে আরে দপিত কুমার !
দস্তভরে মায়াধরে করি অপমান
দেখাইলে মহত্ব তোমার,
এইবার ইষ্টনাম করহ স্মরণ !
কই, কোথা তব বৈরাগ্য বান্ধব ?
ডাকো—ডাকো তারে, বাধা দিক্ মোরে,
দেখি তার কত শক্তি ভুজে !
অনুচরগণ ! ধর—ধর রমণীরে ।

সুকৃতি । পুত্র ! পুত্র ! রক্ষা কর মায়েরে তোমার ।
অসমঞ্জা । মায়াধর ! মায়াধর ! এখনো কি আশা
তব হয় নি নির্বাণ ? লহ—লহ মোর প্রাণ,
বিনিময়ে ছেড়ে দাও জননীরে মোর ।

মায়াধর । জননী ? মিথ্যা কথা !

সুরাপায়ী অনাচারী
 যুবতী নারীকে কহ জননী আমার ?
 অসমঞ্জা । বজ্র ! বজ্র ! নেমে এসো—নেমে এসো
 অনন্ত নীলিমা হ'তে প্রলয় গর্জনে !
 কালানল ! ওঠ রে জলিয়া ; ধ্বংস কর
 পাপে আজি দেখাইয়া ধর্মের মহিমা ।
 মায়াদর । স্তব্ধ হও, ত্যজ ত্বরা রমণীকে !
 সাধু যোগী তুমি, রমণীর কিবা প্রয়োজন ?
 অসমঞ্জা । জননী আমার ।
 মায়াদর । [ব্যঙ্গস্বরে] জননী !
 স্মৃতি । ওরে পাপ ! কদ্ধ কর কণ্ঠ তোর, নতুবা এখনি
 ও পাপ রসনা তোর করি উৎপাটন
 খেতে দেবো শৃগাল কুকুরে ।
 মায়াদর । এসো নারী, যোগিসনে বনমাঝে ঘুরি
 কোন সাধ মিটিবে না তব ;
 এসো সাথে মোর, বসাইব রাজসিংহাসনে ।
 স্মৃতি । দূর হও—দূর হও কামান্ন কুকুর !
 প্রলোভনে তব শতবার করি পদাঘাত ।
 অসমঞ্জা ! এখনও নীরব ?
 নীরবে হেরিবে পুত্র মাতৃ-নির্যাতন ?
 অসমঞ্জা । জগন্নাথ ! কি করিব ? লইয়া ত্যাগের মন্ত্র
 পুনঃ সেই বন্ধনে অড়াবো ?
 না—না, সহিব নীরবে—হেরিব নীরবে,
 দেখি মোর অহিংসার নীতি কত শক্তিময়ী !

ত্রিধারা

[চতুর্থ অঙ্ক ।

মায়াধর । ধর—ধর সুনন্দরী রতনে ।
সুকৃতি । পুত্র ! পুত্র !
অসমঞ্জা । ওগো বন্ধু ! রক্ষা কর—রক্ষা কর মোরে,
অসমঞ্জা পড়িয়াছে দারুণ সঙ্কটে ।
এক দিকে মাতা—অন্যদিকে ত্যাগ,
কি করি, কোথায় যাই ? না—না, পুত্র আমি,
সহিতে পারি না আর মাতৃ-নির্ঘাতন !
কে আছ সুহৃদ, অস্ত্র—অস্ত্র দাও মোরে !

সহসা অস্ত্রকরে বৈরাগ্যের প্রবেশ ।

বৈরাগ্য । ধর—ধর অস্ত্র, বধ দুর্ন্যতিরে । [অস্ত্র দিয়া গ্রহণ
অসমঞ্জা । আরে আরে পশুর অধম !
বার বার মাতৃ-অপমান-বাণী
শুনায় আমারে, পরিত্রাণ পাবি রে দুর্ন্যতি ?
হয় হোক ব্রতভঙ্গ মহাপাপ,
বিসর্জিব ত্যাগধর্ম গভীর অতলে ;
এই শান্তি কৃপাণে ছেদি মুণ্ড তোর
উপহার দিব আজি মাতার চরণে ।
সুকৃতি । না—না, কাজ নাই পুত্র,
ছথিনী মায়ের তরে বিপদে ডাকিয়া ;
দাও—দাও অস্ত্র মোরে,
আমি নিই পূর্ণ প্রতিশোধ । [অস্ত্র গ্রহণ]
ওরে পাপ, নে—এইবার সুকৃতিরে নে !

[নিজ বক্ষে অস্ত্রাঘাত ও পতন ।]

অসমজ্ঞা । ওঃ, মাতা—মাতা ! কি করিলে তুমি !
 মায়াধর । পণ্ড হ'লো সব পরিশ্রম ;
 চল সবে স্বরাজ্যে ফিরিয়া ।

[অনুচরগণসহ প্রস্থান ।

অসমজ্ঞা । মা ! মা !
 স্মৃতি । মুক্তি—মুক্তি মোর ।
 আশীর্বাদ করি পুত্র, জয়যুক্ত হও ;
 পূর্ণ হোক সাধনা তোমার ! [মৃত্যু ।]

অসমজ্ঞা । ডুবিল তারকা ঘন অন্তরালে,
 নীরব বনানী ওই উঠিল কাঁদিয়া !
 ওই কাঁদে পশু-পক্ষী তরু-লতা,
 কাঁদে ওই নিখিল ধরণী !
 বিসর্জন ! প্রতিমার বিসর্জন আজি ।

[দ্রুত প্রস্থান ।

গীতকণ্ঠে ধর্মের প্রবেশ ।

ধর্ম ।—

গীত ।

চল মা গোলোকে পুলকে মাতিয়া মুক্তির-আলোকে করিতে স্নান ।
 ওই যে বাজিছে মুক্তি-শব্দ গাহিছে বিশ্ব মুক্তি-গান ।
 মুক্তিনাথের চরণের তলে, রহিবে সকল যাতনায় ভুলে,
 স্বরণের দেবী চল মা স্বরণে, নে যে গো তোমার বাসের স্থান ।

[স্মৃতিকে লইয়া প্রস্থান ।

চতুর্থ দৃশ্য ।

পাতাল-পথ ।

ইন্দের প্রবেশ ।

ইন্দ্র ।

সগরের যজ্ঞ-অশ্ব ধৃত করি
রেখে এলু মহামুনি কপিলের পাশে ।
ধ্যানমগ্ন ঋষিবর, দেখি ধ্যানভঙ্গে
কিবা ঘটে পাতালের ঘন অন্ধকারে !
ওই—ওই ! হুঙ্কারে দীর্ণ করি ধরণীর বুক.
ছুটে আসে সগরসন্তানগণ অশ্বের সন্ধানে ।

[দ্রুত প্রস্থান]

গীতকণ্ঠে মৃত্তিকাকর্তনের অস্ত্রাদিহস্তে

সগরসন্তানগণের প্রবেশ ।

সগরসন্তানগণ ।—

গীত ।

চল্ চল্ ছুটে চল্ সবে, নাহি ভয় আর নাহি ভয় ।
ধরার বক্ষ বিদারি আমরা হয়েছি পাতালে উদয় ।
যে জন ধরেছে যজ্ঞ-অশ্ব লইব তাহার শির, আমরা ক্ষত্রবীর,
কাট্ কাট্ মাটি ভাল ক'রে কাট্ আমাদের হবে জয় ।

[প্রস্থান ।]

ইন্দের পুনঃ প্রবেশ ।

ইন্দ্র ।

ওই—ওই ! হ'লো সব উপনীত কপিল সকাশে ;
হাঃ-হাঃ-হাঃ ! আর রক্ষা নাই । [দ্রুত প্রস্থান ।]

চতুর্থ দৃশ্য ।]

ত্রিশাঝা

কপিল ।

[নেপথ্যে] কে—কে রে তোরা,
ধ্যানভঙ্গ করিলি আমার ?
ভস্মীভূত হ'রে সব নয়ন-অনলে মোর ।

সগরসস্তানগণ ।

[নেপথ্যে] পুড়ে মলুম—পুড়ে মলুম ।

ইন্দ্রের প্রবেশ ।

ইন্দ্র ।

হাঃ-হাঃ-হাঃ ! এতদিনে পূর্ণ হ'লো
মনস্কাম মোর । সগর ! সগর !
অশ্বমেধ-যজ্ঞ তব রহিল অপূর্ণ ।
পুড়ে গেল ষষ্ঠীসহস্র সস্তান তব
কপিলের বোধদীপ্ত নয়ন-অনলে ।
এইবার কোথায় রহিল তব ইন্দ্রত্বকামনা !
এসো—এসো, দেখে যাও পুত্রদের
কিবা পরিণাম ! হাঃ-হাঃ-হাঃ !

[প্রস্থান ।

পঞ্চম দৃশ্য ।

প্রাসাদ ।

সগরের প্রবেশ ।

সগর ।

অমঙ্গল ! অমঙ্গল ! চতুর্দিকে অমঙ্গল
নেহারি নয়নে ; ঘন ঘন কল্পিত পরাণ !
পুঞ্জীভূত অন্ধকার ছহরবে ছুটে আসে
অযোধ্যার গ্রাসিতে সম্পদ ।

কেন আজি হেন অশুভ লক্ষণ ?
 অযোধ্যার বৃকে যেন নিয়তির
 বাজিছে হৃন্দুভি, মরণের অটুহাসি !
 ভগবান্ ! যজ্ঞ যেন পূর্ণ হয় মোর !
 অশ্ব পিছে গেছে পুত্রগণ,
 নারায়ণ ! অক্ষতশরীরে যেন
 অশ্ব ল'য়ে ফিরে আসে তারা ।

অংশুমানের প্রবেশ ।

অংশুমান । দাছ ! দাছ ! তুমি আমার বাবাকে কোথায় পাঠিয়ে
 দিলে দাছ ? আমি যে বাবার জন্তু কত কাঁদছি । দেখবে চল দাছ,
 বাবার জন্তে ঠাকুরমাও কত কাঁদছে, মাও আমার কেঁদে কেঁদে পাগলিনী
 হয়েছে ! ওঃ, দাছ ! তোমার চোখে কি জল নেই ?

সগর । ওরে অংশু ! আবার কেন তুই আমার কাছে এলি ? আমি
 যে তোকে আমার কাছে আসতে নিষেধ করেছি ! যা—যা, চ'লে যা !

অংশুমান । যাই, আর তোমার কাছে আসবো না দাছ !

সগর । না—না, যাস্ নে—যাস্ নে ! আর—আর, বৃকে আর—
 [বক্ষে ধারণ] আঃ—বড় শান্তি ! অসমজ্ঞা ! না—না, বিশ্বস্তি—বিশ্বস্তি !
 ওরে ভাই, তুই সেই গানথানা গা তো ভাই, আমি প্রাণ ভ'রে শুনে নিই ।

অংশুমান ।—

গীত ।

এসো তুমি এসো, শূন্য হিয়ায় ব'সো ওগো নারায়ণ ।
 তোমার পূজার কুসুমরাশি, তুমি বিনা হয় যে বাসি,
 মন-বিপিনে বাজিয়ে বাঁলী এসো হরি কমললোচন ।

শূণ্ড আসন আলো ক'রে, ব'সো হরি অরূপ ধ'রে,
দাও না আমার মাথায় তুলে তোমার রাঙা ছুঁচী চরণ ।

অংশুমান । কেমন দাঁড়, ভাল লাগলো ?

সগর । অতি সুন্দর গান ! ও গান তন্ময়চিত্তে শুনলে যে অস্তরের
সমস্ত আবিলতা দূর হ'য়ে যায় ভাই !

রোরুদ্যমানা স্মৃতির প্রবেশ ।

স্মৃতি । মহারাজ !

সগর । রাণী ! আবার তুমি কাঁদছো ?

অংশুমান । দেখ না ঠাকুরমা, বাবার জ্ঞান দাঁড় আমার কাঁদে না !

সগর । ওরে—ওরে অংশু ! কাঁদি—কাঁদি, আমিও কাঁদি ; কিন্তু
আমার সে কান্নায় চোখের জল মাটিতে ঝ'রে পড়ে না—চোখেতেই
তুষারের মত জমাট বেঁধে যায় ।

স্মৃতি । পুত্রকে বিসর্জন দিলে স্বামী ? ওঃ, কি পাষণ্ড তুমি !

সগর । না—না, পাষণ্ড নই রাণী—পাষণ্ড মই ; একটিবার বুক-
খানায় হাত দিয়ে দেখ কি প্রদাহ ! কিন্তু কি করবো ! প্রকৃতি-
পুঞ্জের অভিযোগ আমি রাজা হ'য়ে কেমন ক'রে উপেক্ষা করবো ?
যজ্ঞের দিন আগতপ্রায়, আমাকে শান্তিতে যজ্ঞ পূর্ণ করতে দাও, অশ্রুর
কম্পন তুলে আমায় বিচলিত ক'রো না ।

স্মৃতি । উঃ ! অসমঞ্জা যে আমার—

সগর । তোমার পুত্র ! আর সে কি আমার কেউ নয় ? তার
স্মৃতি ভুলে যাও । এই নাও অসমঞ্জার কায়া—স্মৃতি, একে বুক ক'রে
রাখো রাণী, তবু অনেকটা শান্তি পাবে ।

অংশুমান । ঠাকুরমা ! আর তুমি কেঁদো না ।

সুমতি । আর কাঁদবো না ; কিন্তু কে যেন বলছে কাঁদ—কাঁদ
ভাগ ক'রে কাঁদে আবার তোর নূতন কান্না আসছে ! রাজা ! রাজা !
আমার সন্তানেরা তো এখনো ফিরলো না ?

সগর । শীঘ্রই তারা ফিরবে রানী ! তুমি উদ্বেলিতা হ'য়ো না ।
অশুভ চিন্তা যতই করবে, অশুভ ততই মূর্তিমান হ'য়ে তোমার কাছে
ছুটে আসবে । ভগবানের শ্রীপাদপদ্মে কায়-মন অর্পণ ক'রে থাকো,
দেখবে শোক তাপ সমস্ত দূর হ'য়ে যাবে ।

সুমতি । কবে তারা যজ্ঞাশ্ব নিয়ে ফিরবে মহারাজ ?

ইন্দ্রের প্রবেশ ।

ইন্দ্র ! আর তারা ফিরবে না রাজরানী !

সুমতি ও সগর । কে—কে তুমি ?

ইন্দ্র । চিন্তে পারছো না ? আমি সেট ইন্দ্র । মহারাজ সগর !
আমি তোমায় বারম্বার নিষেধ করেছিলুম—তুমি অশ্বমেধ-যজ্ঞের অনুষ্ঠান
ক'রো না, কিন্তু তুমি মদগর্বে গর্বিত হ'য়ে আমার ইন্দ্রত্ব লাভ করবার
জ্ঞাত অশ্বমেধ-যজ্ঞের অনুষ্ঠান করলে । কিন্তু তোমার যজ্ঞ পূর্ণ হবে না ।
শোন—শোন রাজা ! তোমার বৃষ্টিসহস্র সন্তান পাতালের অন্ধকারে
মহামুনি কপিলের অভিশাপে ভস্মসূপে পরিণত হয়েছে ।

সুমতি । ওঃ ! পুত্র—পুত্র ! [মূর্ছা]

অংশুমান । ঠাকুরমা—ঠাকুরমা ! [সুমতিকে ধরিল ।]

সগর । চমৎকার অদৃষ্টের অন্ধপাত ! কপিলের অভিশাপে আমার
বৃষ্টিসহস্র সন্তান আজ ভস্মসূপে পরিণত হ'লো ! ভগবান্ ! শুভ কামনার
পথে তুমি যদি এতখানি বিপত্তির সৃষ্টি কর, তা হ'লে সৃষ্টি কতক্ষণ
স্থির থাকবে ? সৃষ্টি যে পাপে পূর্ণ হ'য়ে উঠবে দয়াময় !

ইন্দ্র । এখনো তুমি যজ্ঞ সম্পাদনে নিরস্ত হও রাজা, নতুবা তোমার অদৃষ্ট আরও ভয়ঙ্কর হ'য়ে উঠবে । [প্রস্থান ।

সগর । উত্তাল তরঙ্গে সগরের যে বাসনাশ্রোত ছুটে চলেছে, সে শ্রোত আর ফিরবে না দেবেন্দ্র ! সগর বৃক্ষতলে গিয়ে দাঁড়াবে, তবু সে সঙ্কল্পচ্যুত হবে না ।

সুমতি । [মুচ্ছাভঙ্গে [একি হ'লো—একি হ'লো ? আমার যে সব গেল ! রাজা রাজা ! করলে কি ? সোনার হাট ভেঙ্গে দিলে ?

সগর । সবই যাবে রাণী ! জগতে কিছুই চিরস্থায়ী নয়, কালের গদায় সব চূর্ণ-বিচূর্ণ হ'য়ে যাবে । সব যাক—আরও প্রবল ভাবে ছব-দৃষ্টের শাণিত অস্ত্র আমার শির লক্ষ্য ক'রে ছুটে আসুক—আমি একটুও কাঁদবো না, নীরবে অশ্রু মুছে ফেলে আমার কামনা-যজ্ঞে পূর্ণাছতি দেবো ।

সুমতি । উঃ ! আর এ শোকসন্তপ্ত জীবনে কাজ নেই ! ওই—ওই আমার পুত্রগণের প্রেতাত্মা ! ওরে—ওরে, আর—আর ! আমি তোদের দেখে ভয় পাবো না—তোরা আমার বুকে আর । ওই যা—মিশে গেল ! রাজা ! রাজা ! কি করলে !

সগর । যাবার সময় হ'লে কেউ তাকে রক্ষা করতে পারবে না, নতুবা কি স্তম্ভ হ'তে নৃসিংহমূর্তির আবির্ভাব হ'য়ে হিরণ্যকশিপুকে বিনাশ করে ? বল তো রাণী, কে জানতো সে মরবে ? কেঁদো না, আমি চল্লুম যজ্ঞাশ্ব আনতে ; যজ্ঞ আমার পূর্ণ করা চাই !

অংশুমান । তুমি কেন যাবে দাদু আমি রয়েছি যখন ! আমি যাবো—আমি আনবো তোমার যজ্ঞাশ্ব, পূর্ণ করবো তোমার অশ্বমেধ-যজ্ঞ ।

সুমতি । ওরে, যজ্ঞে আর কাজ নেই ; আমি তোকে আর বুক ছাড়া করবো না ।

অংশুমান । ভয় কি ঠাকুরমা ! আমি যে কত্রিয়ের সন্তান ! মহাবীর

সগর যার পিতামহ, সে কি রমণীর মত ভয়ে অস্তঃপুরে ব'সে থাকবে ?
না ঠাকুরমা, আমি ঘোড়া আনতে চলুম । দাছ ! দাছ ! বল, আমার
যেতে দেবে কি না ? যেতে না দিলে আমি জোর ক'রে চ'লে যাবো ।

সগর । যা—যা—নিয়ে আয় ভাই যজ্ঞাশ্ব, আমার যজ্ঞ পূর্ণ হ'তে দে ।

অংশুমান । তোমরা আমার আশীর্বাদ কর, আমি নিশ্চয় অশ্ব
নিয়ে ফিরে আসবো । স্বর্গে মর্ত্তে পাতালে অশ্ব যেখানেই থাকুক না
কেন, আমি ঠিক নিয়ে আসবো, দেখি কে আমার বাধা দেয় !

সুমতি । না—না, আমি তোকে যেতে দেবো না ।

অনিলার প্রবেশ ।

অনিলা । যেতে দাও মা ! পিতৃকুলের গোঁবব উদ্দীপ্ত করতে পুত্র
যদি মরণের পথে ছুটে যায়, তাও যে স্বর্গস্থখের হবে মা !

সুমতি । অনিলা ! অনিলা ! হতভাগিনী ! তুই কি সব হারাবি ?

অনিলা । না মা, কিছুই হারাবো না, সবই আমি ফিরে পাবো ।

বীরপুত্র অংশু আমার, তার কি চূপ ক'রে ব'সে থাকা কর্তব্য ? তা
হ'লে আমার যে গর্ভধারণ বৃথা হবে মা ! স্বামী গেছে পিতৃভক্তির
পরাকাষ্ঠা দেখাতে পিতার দণ্ডাজ্ঞা নীরবে মস্তকে ধারণ ক'রে, পুত্র
তার পিতৃকুলের কীর্ত্তি-গরিমা ফুটিয়ে তুলতে যাবে না ? ষাঁর সম্মান-
রক্ষায় পিতার নির্বাসন, আর তাঁরই কামনা পূর্ণ করতে পুত্র কি উদাসীন
থাকবে ? যাও অংশু, যজ্ঞাশ্ব নিয়ে এসো—পিতামহের কামনা পূর্ণ কর—
পিতামাতার মুখ উজ্জল কর । যদি যজ্ঞাশ্ব আনতে তোমার জীবন-প্রদীপ
নিভে যায়, আমি তার জন্তু কাঁদবো না পুত্র ! আমি তোমার গতানুঃ
আত্মার কল্যাণে আশীর্বাদ ঢেলে দেবো—চিরগরবে গরবিনী হ'য়ে
থাকবো ।

পঞ্চম দৃশ্য ।]

ত্রিধারা

সগর । মা ! মা তুই কি সেই কৈলাসেশ্বরী করুণাময়ী মা ?
সত্যই কি নেমে এলি ওই তুষারসিক্ত কৈলাসের উত্তুঙ্গ শিখর হ'তে
নিরাশদগ্ন সগরের প্রাণে নব আশার সঞ্চার কব'তে ? আর সগরের
ভয় নেই । রাণী ! রাণী ! ওই দেখ—ওই দেখ, ভয়হারিণী মায়ের
আবির্ভাব ; আনন্দ কর রাণী—আনন্দ কর !

সুমতি । অনিলা ! অনিলা ! কান্নাকে আর নূতন ক'রে ডেকে
আনিব্ নে ।

অনিলা । এ তো আমার কান্না নয় মা ! এ তো আমার মহানন্দের
শুভক্ষণ উপস্থিত । তুমি আর বাধা দিও না । এসো পুত্র ! আজ
আমি তোমায় নিজের হাতে সাজিয়ে দিই মা নাম আমার ধন্য করবো !
[অংশুমানকে লইয়া প্রস্থান ।

সুমতি । অনিলা ! সর্বনাশিনী ! বাসনে,—বাসনে কালের কোলে
বাছাকে তুলে দিতে বাসনে ।

[প্রস্থান ।

সগর । চলুক ! চলুক ! আরও চলুক ! আরও দ্বিগুণভাবে সগরের
অদৃষ্টের পথে ছুঁর্ভাগ্যের বাড়বানল জ্বলে উঠুক ! বেজে উঠুক নিয়তির
ছন্দুভি—উড়ুক মৃত্যুর রক্ত-নিশান—ছুটুক হাহাকারের উত্তাল তরঙ্গ !
লক্ষ্য তার এক । নারায়ণ ! ভক্তকে যদি এতই কাঁদাবে, তবে তোমার
নাম কেন ভক্তাধীন ?

[প্রস্থান ।

পঞ্চম অঙ্ক ।

প্রথম দৃশ্য ।

পৃথীবক্ষ ।

পাপ ও অনুচরগণ ।

পাপ ।

হাঃ-হাঃ-হাঃ ! পৃথিবীর
বুকে আজ পাপের রাজত্ব ।
চতুর্দিকে বাজে ওই বিজয়-দামামা,
অনাচার ব্যভিচার ঘোর আর্তনাদ !
আরে আরে ধর্ম, কোথা গেলি তুই ?
কই তোর ধর্মের শক্তি ? চেয়ে দেখ
ধরণীর কি দুর্দশা করিয়াছে পাপ ।
পাপের পীড়নে বসুন্ধরা করে হাহাকার,
কই—কোথা তুই, রক্ষা কর তারে !
কপিলের নেত্রানলে ভস্ম হ'লো সগরসন্তান ;
মহর্ষির বাণী, বিষ্ণুপাদোদ্ভবা
গঙ্গা যদি মর্ত্যালোকে আসে,
তা হ'লে সগরসন্তানগণের হইবে উদ্ধার ।
তাই গঙ্গা আনয়নে
যাইল সগর—গেল অংশুমান,
তারপর অংশুপুত্র যাইল দিলীপ,
কিন্তু হার, ব্যর্থ হ'লো তাহাদের অভিধান ।

কত যুগ হ'লো অস্তহিত,
সাধনার পথে হ'লো জীবন নির্বাণ ।
মর্ত্যলোকে গঙ্গা যদি আসে,
তা হ'লে যে ক্ষুণ্ণ হবে পাপের প্রতাপ,
গঙ্গাবারি পরশনে
পাপী তাপী পাইবে উদ্ধার ।
শুনিলাম, এইবার দিলীপনন্দন
শঙ্করের বরপুত্র ভগীরথ
পিতৃবংশ করিতে উদ্ধার
গঙ্গা আনয়নে সাধনায় হইবে বাহির ।
অনুচরগণ ! নবীন উৎসাহে
ধরাবক্ষে তোল শুধু অশনিঝঙ্কার ।
ধর্ম পুণ্যে চিরতরে দাও হে বিদায়,
ভীম দণ্ডাঘাতে
চূর্ণ কর ধরণীর বক্ষের পঞ্জর ।

অনুচরগণ । জয় মহামতি পাপের জয় ।

পাপ । চল—চল সবে,
ভীমবেগে আক্রমণ করি ধরণীরে ।

[সকলের প্রস্থান ।

দ্বিতীয় দৃশ্য :

বৈকুণ্ঠপুরী ।

নারায়ণের প্রবেশ ।

নারায়ণ । কাঁদে ধরা পাপের পীড়নে,
বিশীর্ণমূরতি, অশ্রুজলে তুলেছে কম্পন ।
পাপ আঞ্জি: ধরনীতে হয়েছে প্রবল,
ধর্মের দুর্গতি হেরি কাঁদিয়ে পরাণ ।
পাপের প্রতাপে মেহ-মায়া
দয়া-ধর্ম অন্তর্হিত প্রায়,
স্বার্থে স্বার্থে কেবল সংঘাত ।
ধরিব কি পুনর্বার
হৃদয়তদমন তরে চক্র সুদর্শন,
চূর্ণীকৃত করিব কি পাপের সংসার ?
গীতকণ্ঠে বসুকরার প্রবেশ ।

বসুকরা ।—

গীত ।

ওগো শ্মশানচিতা অলছে বৃকে, নিভিয়ে দাও গো নিভিয়ে দাও ।
আর যে নারি সহিতে ব্যথা, ওগো ব্যথাহারী ফিরে চাও ।
পাপের ভারে অশ্রু ঝরে, কেন উদাস আমার তরে,
ধর শঙ্কানাশন চক্র তোমার আর কেন গো ঘুমিয়ে রও ।

নারায়ণ । পাপবিদলিতা ব্যথিতা ধরনী !
তব বেদনার ধ্বনি পশেছে শ্রবনে মোর ।
অশ্রুজল মুছে ফেল দেবী !
অদূরে প্রভাত, দুঃখ তব হবে অবসান,
পাপের পীড়নে কাঁদিতে হবে না আর ।

বসুন্ধরা ।

কোথা তব নিদর্শন কহ নারায়ণ ?

নারায়ণ ।

শোন মাতা ! কপিলের অভিশাপে

সগরের পুত্রগণ ভস্মস্বূপে হ'লে পবিত্র,

গঙ্গাবারি পরশনে তাহাদের হইবে উদ্ধার ।

তাই তাহাদের উদ্ধার কাবণ মর্ত্যধামে

গঙ্গা ল'য়ে যেতে সগরের বংশধরগণ

দুঃসহ কঠোর ব্রত করিল পালন,

কিন্তু সাধনায় সিদ্ধিলাভ হ'লো না কাহারো ;

সগর হইতে পর পর বংশধরগণ

তপস্যায় লইল সমাধি ।

ইক্ষ্বাকুকুলের রনি—ভগীরথ দিলীপনন্দন

ধার্মিক প্রবর অযোধ্যার রাজা এবে ;

তারি হ'তে সন্তাপনাশিনী গঙ্গা

মর্ত্যধামে করিবে গমন ।

সেই পুণ্যময়ী গঙ্গার সলিলস্পর্শে

পাপী তাপী পাইবে নিস্তার,

আর না সহিতে হবে পাপের পীড়ন ।

যাও মাতা ভগীরথ পাশে,

বুকের বেদন তারে জানাও জননী !

তব দুঃখ বিমোচনে,

আর তার অভিশপ্ত পিতৃগণে করিতে উদ্ধার,

গঙ্গা আনয়ন তরে সাধনার পথে হইবে বাহির ।

[উভয়ের প্রস্থান ।

তৃতীয় দৃশ্য ।

অযোধ্যার প্রাসাদসান্নিধ্য ।

ভগীরথের হাত ধরিয়া গীতকণ্ঠে ধর্মের প্রবেশ ।

ধর্ম ।—

গীত ।

ওই যে কাঁদিছে মূনির শাপে তোমার পিতৃপুরুষগণ ।

গঙ্গাবারি আনয়নে চল, আর কেন ঘুমে অচেতন ।

কর মুক্ত তাদের সাধনায়, আর ঘুচাও ধরার বেদনায়,

চল সাধনার পথে কাল ব'য়ে যায় কর সবার দুঃখমোচন ।

ভগীরথ । মহাপুরুষ ! সত্যই আপনার সঙ্গীত শুনে আমার হৃদয় আনন্দে নেচে উঠলো ! আমার অভিশপ্ত পিতৃপুরুষগণকে আমি উদ্ধার না ক'রে চূপ ক'রে ব'সে আছি ! না—না, আর চূপ ক'রে ব'সে থাকিবো না । মায়ের মুখে সব শুনেছি দেব ! আমি যাবো সেই বিষ্ণুপাদোদ্ভবা গঙ্গাকে মর্ত্যধামে নিয়ে আসবার জন্ত । আমার পিতা পিতামহ প্রপিতামহ সকলেই গঙ্গা আনয়নে যাত্রা ক'রে জীবন ত্যাগ করেছেন, আমিও তাঁদের পদাঙ্ক অনুসরণ করবো । কঠোর সাধনা ক'রে আমি পতিতপাবনী সুরধনৌ মাতাকে এখানে নিয়ে আসবো । মাঝে মাঝে নিশীথ রাত্রে সমস্ত প্রাসাদ যখন ঘুমে অচেতন, মনে হয় আমি যেন কার অতি ক্ষীণ রোদনের ধ্বনি শুন্তে পাই । কে—কে কাঁদে মহাপুরুষ ?

ধর্ম । ব্যথাতুরা পৃথিবীর রোদনের ধ্বনি বৎস !

ভগীরথ । ওই—ওই দেখুন সাধক ! এক ভীমমূর্তি পুরুষ—সর্বাঙ্গে কৃষ্ণ পরিচ্ছদ, হস্তে নাগরজ্জুর গ্রায় দীর্ঘ কশা—ছুটেছে ওই এক

তৃতীয় দৃশ্য ।]

ত্রিশারা

ভয়াতুরা রমণীর পশ্চাতে ! ওকি ? ওঃ ! রমণীর সর্বাঙ্গ কশাঘাতে
অর্জরিত করছে—সর্বাঙ্গে রক্ত ঝরছে—দানব আনন্দে রক্তপান
করছে ! ওঃ, অসহ—অসহ ! বক্রপিপাসু দানবের অত্যাচার আমি
দমন করবো । তরবারি—আমার তরবারি— [দ্রুত প্রস্থান ।
ধর্ম ।—

গীত ।

যাও—যাও ছুটে কর্ণবীর্য ।

পশ্চাৎ হ'তে চালিবে ধর্ম আশিস্মিত অভয়-নীর ।

[প্রস্থান ।

বসুকরাকে দণ্ডাঘাত করিতে করিতে পাপের প্রবেশ ।

বসুকরা । ওরে পাপ ! আর নয়—আর নয়, অত্যাচার বন্ধ কর !
পাপ । অত্যাচার বন্ধ করবো ? হাঃ-হাঃ-হাঃ ! এই ভীম দণ্ডাঘাতে
তোমার সর্বাঙ্গ চূর্ণ-বিচূর্ণ করবো—রক্তের নদী ছুটে যাবে ; আমি সেই
রক্তের তরঙ্গে প'ড়ে হাবুডুবু খাবো—হাঃ-হাঃ-হাঃ ! [দণ্ডাঘাত]

বসুকরা । ওঃ—ওঃ ! প্রাণ যায় ! ওরে, কতদিন তুই এইভাবে
অত্যাচার করবি ?

পাপ । আমার এ অত্যাচার আপ্রাণ চলবে । তোমার অত্যাচার-
অর্জরিত মৃত্যু-শীতল বুকের উপর দিয়ে আমি এমনি ক'রে আমার
অত্যাচারের অয়-রথ চালিত করবো । দেখি, কে আমায় দমন করে !

মুক্ত তরবারিহস্তে ভগীরথের প্রবেশ ।

ভগীরথ । ইক্ষ্বাকুবংশধর দিলীপপুত্র ভগীরথ তোমার ও অত্যাচার
দমন করবে দানব ! [অস্ত্রাঘাতে উত্তত]

পাপ । আরে—আরে হীন মানব ! আমার কার্যে বাধাদান !
দেখ তবে ছরস্তু পাপের কি ভীষণ মূর্তি !

বসুন্ধরা । ভগীরথ ! ভগীরথ ! ওরে, আমার রক্ষা কর !

ভগীরথ । ভয় নেই জননী আমার !

পাপের কবল হ'তে তব পুত্র ভগীরথ

তোমাতে করিবে রক্ষা জীবন দানিয়া ।

যাও—যাও পাপ ! ক্ষান্ত হও অত্যাচারে ।

পাপ । হাঃ-হাঃ-হাঃ ! অত্যাচার বন্ধ নাহি হবে.

ছাড়—ছাড় ধরনীয়ে !

ভগীরথ । পুত্র হ'য়ে কেমনে সহিতে পারি মায়ের পীড়ন ?

পাপ । বটে ! বটে ! আরে—আরে

মাতৃভক্ত দাস্তিক বালক !

দেখ্ তবে কিবা হয় পরিণাম তব ।

কই, কোথায় তোমরা পাপের সুহৃদগণ !

আবির্ভূত হও ত্বরা ভীম কলেবরে,

ধ্বংস কর দিলীপনন্দনে ।

অস্ত্রকরে পাপ-অনুচরগণের প্রবেশ ।

অনুচরগণ । হাঃ-হাঃ-হাঃ !

ভগীরথ । থাকে যদি ধর্মের মহিমা,

ওরে পাপ, কিবা শক্তি তোর

অনিষ্টসাধন করিবি আমার !

পাপ । ধ্বংস কর—ধ্বংস কর ! [ভগীরথসহ যুদ্ধ]

[পাপ ও অনুচরগণের পলায়ন ।

ভগীরথ ! জননী গো, মুছ অশ্রু ; পলায়িত পাপ ।
 এসো মা পুরীতে মোর ; আমি তব ঘুচাবো বেদন ।
 মর্ত্যধামে শ্রীহরিচরণযুতা গঙ্গারে আনিয়া,
 করিব উদ্ধার মোর পিতৃপুরুষগণে
 কপিলের অভিশাপ হ'তে ।

[বসুকরাকে লইয়া প্রস্থান ।

চতুর্থ দৃশ্য ।

বৈকুণ্ঠ ।

নারায়ণ ও গঙ্গা ।

গঙ্গা । সত্যই কি আমার মর্ত্যধামে যেতে হবে 'নারায়ণ ?

নারায়ণ । হ্যাঁ, যেতে হবে দেবী ! সরস্বতীর অভিশাপ । নদী-
 রূপ ধারণ ক'রে বৈকুণ্ঠ হ'তে ভ্রষ্ট হ'তে হবে । তুমিও সরস্বতীকে অভি-
 শাপ দিয়েছ গঙ্গা ! সেও তোমার মত নদীরূপে পৃথিবীতে প্রবাহিতা
 হবে । কি করবো, সপত্নী-বিদ্বেষের বিষময় ফল । [নেপথ্যে শঙ্খধ্বনি]

গঙ্গা । ওকি ! চতুর্দিক বিকম্পিত ক'রে সুমঙ্গল শঙ্খ বেজে উঠলো !

নারায়ণ । অযোধ্যাপতি ভগীরথ আসছে তোমার মর্ত্যধামে নিয়ে
 যাবার জন্তু ।

গঙ্গা । সে কি প্রভু ?

নারায়ণ । অদ্ভুত কাহিনী ! অভিশপ্ত পিতৃপুরুষগণকে উদ্ধার করতে
 কঠোর সাধনার সিদ্ধিলাভ ক'রে সেই মহাযোগী দেবছল্লভ বৈকুণ্ঠধামে
 উপস্থিত হয়েছে ।

গঙ্গা । মর্ত্যধামে আমার যেতে হবে নারায়ণ ? উঃ !

নারায়ণ । যেতে হবে দেবী ! নিপীড়িতা ধরণীর অশ্রু মুছিয়ে দিতে
পানী-তাপীর উদ্ধার কারণে—অনন্ত দয়া বিতরণে জলধারার মূর্তিতে
তোমার যেতে হবে গঙ্গা ! তোমার পুণ্যময়ী বারিম্পর্শে আর্তি ধরা
আবাব শান্তির আগার হবে ।

ভগীরথের প্রবেশ ।

ভগীরথ । অন্ন নারায়ণ, জন্ন গঙ্গা পতিতপাবনী !
ধন্য হ'লো জনম জীবন মোর
এক সঙ্গে গঙ্গা বিষ্ণু করিয়া দর্শন ।
মা ! মা ! দাস তব ভগীরথ,
পদে দলি প্রকৃতির শত বিপর্যয়
তোমার চরণতলে এসেছে আজিকে ।
ওগো দেবী করুণারূপিণী !
মোর সাথে নেমে এসো মর্ত্যভূমে
দয়া বিতরণে আর্তি বিখে দানিতে সাস্বনা ।

গঙ্গা । ভগীরথ ! কেন চাহ
মর্ত্যালোকে ল'য়ে যেতে মোরে ?

ভগীবথ । কপিলের অভিশাপে ভস্মস্তুপে পরিণত
ইক্ষাকু গৌরব-রবি সগরের পুত্রগণ ।
সেই বংশে জন্ম মোর ; জন্ম লভি
করিনু শ্রবণ, তব পুণ্যবারি স্পর্শে
পূর্ব পিতৃগণ মোর হইবে উদ্ধার ।
তাই মাতা, দুঃসহ কঠোর ব্রত করি আচরণ,

যোগবলে পার হ'য়ে
 ক্ষিতি ব্যোম গ্রহ তারাচয়,
 মুনীশ্রবাস্তিত ধর্ম এসেছি বৈকুণ্ঠে ;
 ভাগ্যবলে লভিলাম তব দরশন ।
 চল—চল ত্বরা পতিতপাবনী !
 অভিশপ্ত মর্ত্যলোকে করিতে পবিত্র,
 চরণপরশে তব
 উদ্ধারিতে শাপগ্রস্ত পিতৃগণে মোর ।
 যেতে হবে মোরে মর্ত্যধামে ?

গঙ্গা ।

ইন্দ্রের প্রবেশ ।

ইন্দ্র ।

রোগ শোক পাপের আগার
 মর্ত্যভূমি নহে মাতা যোগ্য স্থান তব ।
 এসো মাতা মোর সনে অমর-আগরে,
 বৈকুণ্ঠ ত্যজিবে কেন নদীরূপ ধরি ?
 অমরার ত্রিংশকোটি দেবদেবী
 সেবিবে চরণ, সুখে রবে তুমি ।

গঙ্গা ।

সুখ ! স্বর্গসুখ !
 একদিকে সুখ-স্বর্গলোক,
 অন্য দিকে দুঃখপূর্ণ তাপিত মেদিনী,
 কোন্ দিকে যাবো তবে ?

ভগীরথ ।

চল মাতা মোর সনে
 পতিতপাবনী ! ওই শোন,
 নির্ঘাতিতা ধরার ক্রন্দন,

ওই হের তাপক্লিষ্ট নরনারী
 ভূষাতুর চাতকের প্রায়
 তব পুণ্যবারি হেতু
 কণ্ঠাগতপ্রাণে করে হাহাকার ।
 প্রাণস্বরূপিনী অমৃতবাহিনী তুমি,
 পদতলে মৃত্যুভীত জীব ;
 কহ মাতা, জীবলোকে দিবে না জীবন ?
 মা ! মা ! পতিতপাবনী গঙ্গা—

গঙ্গা ।

গঙ্গা পতিতপাবনী ?
 যিনি ধরার কল্যাণ হেতু মীনরূপে পৃষ্ঠদেশে,
 বরাহের দশনশিখরে অবতরি যুগে যুগে
 পাপমগ্না ধরণী কারণ,
 সেই বিষ্ণু-অংশে মোর আবির্ভাব ;
 তবে কেন করুণায় হতেছি কাতর ?
 চল—চল ভগীরথ !
 স্বর্গ-সুখ হ'তে মোর বাঞ্ছনীর
 দুঃখপূর্ণ ধরার আসার ।

হরু ।

ভেবে দেখ মাতা, যাবে যদি
 মর্ত্যলোকে, তব পুণ্যবারি-স্পর্শে
 কোটি কোটি মহাপাপী পাইবে উদ্ধার
 কোটি পাপ নিজ বক্ষে করিয়া সঞ্চিত,
 কহ মাতা, পুনর্বার কি উপায়ে
 শাপমুক্ত হবে ?

গঙ্গা ।

আপনার তরে ভাবি না বাসব !

জীব-উদ্ধারণ ব্রত করিয়া ধারণ
কলকল অশ্রান্ত ঝঞ্ঝারে
ধরণীর দেশে দেশে হবো প্রবাহিতা ।
নিজ বক্ষে ধরিব সে পাতকের গ্লানি,
তবু আমি হে দেবেন্দ্র সুরধুনী পতিতপাবনী
নারায়ণ । ধনু—ধনু গঙ্গা ! ধনু তব

আত্মত্যাগ ধরণী লাগিয়া ।

অশীর্বাদ করি দেবী, পাপীর পাতকস্পর্শে
তব বারি পাপপূর্ণ হবে না কখনো ।

সহস্র পাপীর পাপ যত ভার হবে,
মাত্র যদি একজন বিষ্ণুভক্ত স্নান করে
তোমার সলিলে, সহস্র পাপীর পাপ
এক ভক্তে করিবে খণ্ডন ।

যাও গঙ্গা, কলনাদে মর্ত্যভূমি পানে
ভগীরথ সাধনায়, অবতরি তথা
ভাগীরথী নামে তুমি হও প্রবাহিতা ।

ইন্দ্র

[স্বগত] ব্যর্থ হ'লো সব !

গঙ্গার যাত্রার পথ অবরোধে

ভেটিব দুঃস্থ গজরাজে,

গঙ্গাবারি মর্ত্যালোকে দিব না ষাইতে

[প্রস্থান ।

গঙ্গা ।

নারায়ণ ! প্রণাম চরণে—[প্রণাম]

নারায়ণ

ভক্ত ভগীরথ ! নারায়ণী শব্দ লহ মোর,

শব্দনাদে আবাহন কর ভাগীরথী । [শব্দ প্রদান]

ভগীরথ ।

এসো মাতা ধরার কল্যাণে

দীন ভগীরথ সহ বৈকুণ্ঠ ত্যজিয়া ।

[শঙ্কধ্বনি করতঃ গঙ্গাকে লইয়া প্রস্থান ।

নারায়ণ ।

বাও গঙ্গা মর্ত্যধামে

লীলা মোর করিতে প্রচার ।

[প্রস্থান ।

পঞ্চম দৃশ্য :

পার্বত্য প্রদেশ ।

দ্রুত ইন্দ্রের প্রবেশ ।

ইন্দ্র ।

ওই—ওই ! ভগীরথ গঙ্গা ল'য়ে যায় ;

গঙ্গরাজ ! গঙ্গরাজ ! অবরোধ কর পথ,

গঙ্গা ল'য়ে ভগীরথে দিও না যাইতে ।

[দ্রুত প্রস্থান ।

ভগীরথ ও গঙ্গার প্রবেশ ।

গঙ্গা ।

ভগীরথ !

ভগীরথ ।

মাতা !

গঙ্গা ।

এইবার প্রবাহিতা হবো আমি উত্তাল তরঙ্গে ।

তুর্কার আমার বেগ

সহিবে কি বসুকরা, কহ ভগীরথ ?

পঞ্চম দৃশ্য ।]

ত্রিশায়া

ভগীরথ ।

অবশ্য সহিবে মাতা ; সৰ্ব্বসহা
বসুন্ধরা ভীত নহে তরঙ্গগর্জনে ।
নামুক্ আবর্ত তব গিরিশৃঙ্গ হ'তে ।

গঙ্গা ।

তবে মর্ত্যপানে ছুটুক সন্তান
ভীমরূপা কলস্বনা গঙ্গার প্রবাহ ।

[প্রস্থান ।

ভগীরথ ।

ওকি ! ওকি ভয়ঙ্কর রব আকাশমণ্ডলে !
মা—মা !

[প্রস্থান ।

দ্রুত ইন্দ্রের প্রবেশ ।

ইন্দ্র ।

উত্তাল তরঙ্গে নদীরূপা ;
গঙ্গা ওই ছুটেছে গর্জনে ;
ধায় স্রোত বহু উর্দ্ধ গোলোক হইতে,
সাধ্য নাই ধরে কেহ গঙ্গার প্রবাহ ।
ওই—ওই কালসিকুঞ্জলে কম্পমান
গ্রহ উপগ্রহ মহাভয়ে মগ্ন হ'য়ে ষায় ।
ভগীরথ ! ভগীরথ ! কি করিলে—
সৃষ্টি বুঝি ধ্বংস হয় !

[দ্রুত প্রস্থান ।

দ্রুত ভগীরথের প্রবেশ ।

ভগীরথ

ভগীরথ হ'তে সৃষ্টি বুঝি ধ্বংস হয় !
ক্ষীণশক্তি দুর্বল মানব হ'য়ে
কেন করিলাম মহাশক্তি গঙ্গার পূজন ?
ওই—ওই নামে প্রবল-প্রবাহ,

ভেসে যায় সৃষ্টি স্থিতি সব !
 কে আছ—কে আছ কোথা শক্তির আকর,
 রক্ষা কর—রক্ষা কর প্রভু !

মহাদেব [নেপথ্যে] ভয় নাই—
 ভয় নাই ভক্ত পুত্র ভগীরথ !
 কলস্বনা ধাবমানা গঙ্গার প্রবাহ
 মস্তকে ধারণ করি
 শ্রোতবেগ মন্দীভূত করিব নিশ্চয় ।

ভগীরথ । শঙ্কর ! শঙ্কর ! এত দয়া তব ! রক্ষা কর
 গোবীনাথ গঙ্গাবেগ করিয়া ধারণ ! [প্রস্থান

মহাদেব । [নেপথ্যে] ভগীরথ ! শীঘ্র কর,
 গঙ্গাশ্রোত কোন্ দিকে ফিরাইব গতি ?

নারায়ণের প্রবেশ ।

নারায়ণ । ত্রিভুজটা বাহিয়া তব নামুক ত্রিধারা ।
 এক ধারা স্বর্গে হোক প্রবাহিতা
 মন্দাকিনী নামে, অত্র ধারা ছুটুক পাতালে ;
 আর পৃথ্বী তরে ভগীরথে
 দাও হে শঙ্কর, ভাগীরথী তৃতীয় ধারায় ।

[প্রস্থান ।

মহাদেব । [নেপথ্যে] তাই হোক নারায়ণ !
 ত্রিভুজটা বাহিয়া মোর নামুক ত্রিধারা ।

[প্রস্থান ।

ষষ্ঠ দৃশ্য ।

গিরিপথ ।

দ্রুত ভগীরথের প্রবেশ ।

ভগীরথ ।

কই—কই ! কোথা গেল দেবী সুরধুনী !

বারম্বার পথমাঝে পড়িছু সঙ্কটে,

আপনি ত্রিশূলী গঙ্গাধারা শিরে ধরি

বাঁচাইলা বিপাকে আমার ।

হিমাদ্রিশিখরে

আশ্রম প্রাবিত হেরি গঙ্গাধারা

মহাক্রোধে জহুমনি করিল শোষণ ;

চরণে ধরিতে তাঁর,

রূপা করি জ্বালু চিরি মুক্তি দিল মুনি

জাহ্নবী মায়েরে ।

আবার কোথায় মাতা হ'লো অন্তহিতা ?

ওই মেঘস্পর্শী পর্বতপ্রাকার !

তবে কি জননী মোর

ধুঁজিয়া না পায় পথ ? মা !—মা !

পথমাঝে হারাইয়া তোরে

অশ্রুজলে ভাসিতে ভাসিতে

ধাবো কি ফিরিয়া ?

নেমে আর—নেমে আবু মাতা

উল্লঙ্ঘিয়া গিরিশৃঙ্গ কলকলনাদে ।

গঙ্গা । [নেপথ্যে] ভয় নাই পুত্র ভগীরথ !
এইবার মর্ত্যধামে নামিবে প্রবাহ মোর ।
ইন্দের আদেশে গঙ্গরাজ রোধিরাছে পথ ;
দাঁড়াও ঋণেক, উচ্ছ্বসিত জলধারে
ভাসাইয়া ল'য়ে যাই দৃষ্ট ঐরাবতে ।

গঙ্গরাজ । [নেপথ্যে] ওঃ—ওঃ !
কি ভীষণ গঙ্গার প্রবাহ !

ভগীরথ । ওকি—ওকি ! ওই—ওই ভেসে যায়
ঐরাবত গঙ্গার প্রবাহে !

ওই—ওই নামে কলস্বনা মাতা !

মা ! মা ! অপার করুণা তোর ।

মকরবাহিনী গঙ্গার আবির্ভাব ।

গঙ্গা । ভগীরথ ! ভগীরথ !

ভগীরথ মা !—মা ! . ওকি ! কোথা হ'তে
ওঠে ওই দিব্য স্তবগান ?

নারায়ণের প্রবেশ ।

নারায়ণ । ধনু—ধনু তুমি ভগীরথ,
ধনু তব কঠোর সাধন ! সাধনার বলে
ধরামাঝে অসম্ভব করিলে সাধন ।
গঙ্গাবারি স্পর্শে মুক্ত হ'লো পিতৃগণ তব,
ভাগীরথী-স্তবগান করিছে আনন্দে ।
ধনু হ'লো এতদিনে ধরা,
চূর্ণ হ'লো পাপের প্রতাপ ।

আর গঙ্গা পতিতপাবনী ! আজি হ'তে
মহানদীরূপে হউক পূজিতা
তব চন্দ্রমৌলী শিবজটা প্রবাহিনী
ভগীরথীপ্রবাহ ত্রিশাখা ।

প্রস্থান ।

গীতকণ্ঠে দিব্যকলেবরে অভিশপ্ত সগর-
সন্তানগণের আবির্ভাব ।

সগরসন্তানগণ ।—

গীত ।

জয় পতিতপাবনী ত্রিভুবনতারিণী গঙ্গে ।
বিষ্ণুপাদোত্তবা অশ্বানিসম্ববা তরল তরঙ্গে ।
স্বর্গে মন্দাকিনী, মর্ত্তে ভাগীরথী,
পাতালে ভোগবতী মহিমা অপার,
মুক্তিবিধায়িনী সন্তাপনাশিনী মকরবাহিনী করুণা-পারাবার,
জয় মা—জয় মা—জয় মা ত্রিভুবনতারিণী গঙ্গে ।



